

ПЕТО 1926 ВОСЯНЬ

ЛЭДЗЁНЫ: КОМИ РЕСПУБЛИКАСА ГИЖЫСЬ КОТЫР, ПЕЧАТЬ ДА ЮОР
СЕТАН КОМИ РЕСПУБЛИКАСА АГЕНТСТВО

ВОЙВЫВ КОДЗУВ



ISSN 0134-4323

БЫД ТÖЛЫССЯ ЛИТЕРАТУРНО-ХУДОЖЕСТВЕННОЙ ЖУРНАЛ

2

УРАСЬÖМ (ФЕВРАЛЬ)

2010

ТАЙÖ НОМЕРЫН:

Чолöмалöм	3
Нина КУРАТОВА. Кань мыссьö — гöстя воас. Висьт	4
Алёна ШОМЫСОВА, Нина КУРАТОВА. Радейтана, муса	17
Анжелика ЕЛФИМОВА. Зэра-лымъя костас... Кывбуръяс ..	20
Гений ГОРЧАКОВ. Ок эськö нин тайö вежöгтöмьд да... Кык юкöна ворсантор	22
Любовь АНУФРИЕВА. Тэ йылысь мöвпалöмөн... Кывбуръяс	45
Виктор НАПАЛКОВ. Войся ангел. Роман	47
Александр ПАНЮКОВ. Ен тшöктöм серти. Висьт	73
Виль небöг	80

Обложка вылын снимокыс Владимир Ануфриевлөн.

© «Войвыв кодзув» («Северная звезда»), 2010 г.

СЫКТЫВКАР

СЕВЕРНАЯ ЗВЕЗДА



***Ежемесячный
литературно-художественный
журнал***



Учредители:

СОЮЗ ПИСАТЕЛЕЙ РЕСПУБЛИКИ КОМИ

**АГЕНТСТВО РЕСПУБЛИКИ КОМИ ПО ПЕЧАТИ
И МАССОВЫМ КОММУНИКАЦИЯМ**



РЕДАКЦИОННАЯ КОЛЛЕГИЯ:

Главный редактор

ЕЛЬКИН М.А.

Зам. гл. редактора

КОЗЛОВ Е.В.

Ответственный
секретарь

ПОЛУГРУДОВ А.В.

ЛИМЕРОВА В.А.

ТИМИН В.В.

УЛЬЯНОВ А.В.





Бурö пуктана Нина Никитьевна!

Став сьölöмсянь чолöмалам Тэнö, миян енбиа гижысьöс, шань, мелі аньöс, гöгрöс паса чужан лунön!

Кадыс лэбö... Тэнсьыд медводдза висът — «Аппассионата» — 1964 воын йöзöдіс «Войвыв кодзув» журнал, сэсса вöлі «Радейтана, муса...» нима медводдза книга, а талун Тэ — народнöй гижысь. Ыджыд пай пуктöма Тэон коми литератураö — и верстьöлы, и челядьлы йöзöдін небөгъяс, найöс позьö аддзыны республикаса библиотекасын, школаясын, гортса библиотекасын. Радейтана, муса лои творчествод уна сё мортлы, торъя нин сиктса лыддысьысьлы. Налы Тэ сиин сьölöм вörзöдана унджык гижöдтö.

Повесьтьяс, висетьяс Тэнад югыдöсь, найö шонтöны ловтö, отсалöны овны тыр олöмön, кутчысьны да некор не усыны сьölöмön. Гижöдъястö Тэнсьыд йöзöдöма вöлі и Сыктивкарын, и Москваын, вуджöдöма россияса мукöд кывъяс вылö и весиг суййөр сайын. Вылö донъялöм «Куим вожа тополь» повесътыд серти телевидение дасьтіс да петкöдліс фильм.

Кузь нэм да бур шуд!

Кань мыссьö — гөстя воас

В И С Ъ Т

Төвся луныд, шондібан, оз на удит югдынысö, а видзöдан, да бара нин пемыд. Син лапнитлігкостіыд и пышъяс. Талун асывсянныс дзарикöн мыччысьліс шондіыс. Марья пöч весиг радлыштис. Сэзьмöма, буракö! Öнi ыркöдыштас! Вежон чöж нин ульöмасис, тырмас сэсся. Тöv шөрнас вевтъяс вылысь войтва тёпкö.

Внучкасö тшöтш шызьöдыштіс бабыс, пондіс тэрмöддыны:

— Алёнушка, оз тусьö, шондіыс со öшиньö нюмъялö, ывла ылö чуксалö. Вай жö чачаястö меститлам асланыс чомйö, мед шойччыштасны. А ми тэкöд ывла ылас петам гуляйтны. Йи чояд, көнкö, важөн нин посни войтырыс койтöны.

Пасьтасисны да мый да, аканьсö тшöтш исласьны босьтіс-ны. А петісны, да шондіыс кымөр сайö дзур дзебсис. Лым на мöдöдчыліс, но сайкаліс жö тай регыдөн. А исласян чойыс и збыль кынмыштöма да сэтшöм вильскöб лöмма, сöмын удит пуксынытö, шливкнитöмөн исковтöдас. Аканьöс и сылысь ичöt көзьякасö пöтмöныс ислöдліс. Сідзик и тадзик тушмылясисны. Марья пöч окотасö тешитыштіс и челядьдырсö казтыштіс: йи-зьöм картон ылö пуксьöмөн раз-мöдысь гыйгыштіс. Найö ичöt-дырйи öд исласьöмыс медрადейтанторйыс вöвлі. Телевизорөн да мультикъясөн сэки эз ылавлыны öнiя челядь моз.

Бура дыр лои ывлаас пальöдчöмыс. Гортас пырисны баба-внучкаа мудзöсь да кыпыд лолаöсь. Алёнкалөн нöшта на гажыс петіс мультик видзöдны, да сöмын нюм-ням сёйыштны выныс тырмис. Личкис унмыс.

«Мед узьö зарни ёкмыльö, мича вöt аддзö. Кекöньяснас тай öтторъя шеновкерö-а. Гашкö, вöтнас век гулюяс бöрся вöтлысьö? Исласигас тай пöтмöныс гулюяскöд варовитіс да котраліс. Локтöй пö мекöд тшöтш исласьыштöй.

Бöрти кык зонка кыскö воисны да повзьöдісны гулюястö. Лэбачьясыд пышйисны, да Алёнка зонкаяслы чуньсö петкöд-лöмөн грöзитчыштіс:

— Öнi асьныд и мунö да кутö найöс!

А зонкаяслы мый? Налы серам, ок пö кутшöм ичöтик, а ко-мандуйтö...»

Видзöдö узьысь внучка ылас бабыс да мелiа нюмъялö. А мөвпъясыс гулюяс моз жö ылöджык пышйыны көсийöны. Здукөн и вайöдісны ылö кольöм кадö, ичötдырö.

Со сійö, ар даса нывка, тадзи жö сулалö да видзöдö куйлысь батыс ылö, а сьölöмыс чеччалö повзьöмысла. Батыс нö кув-

ны мөй көсйө? Синъясыс тупкысаөсь, а вомнас мыйкө вашкө да вашкө. Бөрти нывка гөгөрвоис: мамсө чуксалө дīнас. А мамыс кор воис да кывзыштис батыслысь шөпкөмсө, дзик пыр и ыс-тисны быдтаснысө дінсьыныс, пет пө, нылукө, гулайтышт ывлаас, исласьышт, дадьтө босыт да, каникулъяс өд тэнад. Исласьынгтө радпырысь! Нывка паччөр вывсьыс гынкөм нин судзөдө, дженьыдик пасьтор пасьталө, тэрмасьө чышгьянсө юр гөгөрыс гартовтны.

А мам-батыслөн сійө гуся сёрни бөрын на дорө регыд мысти овмөдчис ар куима мусаник зонка. Мамыслөн Көсьта вокыс кыскө вайис. Машук пө, шуө, Витюш вокыд тайө тэнад, вор-сышт сыкөд да мед эз вөв өбидитөма.

— Ме сыкөд быд лун кута ворсны!— кыпмунис нывка.— Школа бөрын пыр кута ислөддыны.

Машук радысла кыскыштіс дīнас воксө, сывйыштны көсйис. А мөдыслөн кызкө кинас шевкнитчөм артмис да нывкалы син-мас инмис. Дөзмис Машук, тойыштіс дінсьыс воксө:

— Ог кут ме татшөмыдкөд ворсны! Синмөс дойдіс!

Мөдыс дузмуніс жө, бөрддзис, но гусьөникөн петкөдліс ныв-калы ичөт кабырсө.

— Со сэсса и кыкнанныд өбидитчинныд,— кайтыштіс мамыс. А батыс нюмдыштіс. Гашкө, тайө серпасторйыс и лэптыштіс сійөс вольпась вывсьыс, мездіс кулөмсьыс, а бөрыннас батыс кок йылас на сувтіс да лои мамыслы отсасьысьөн гортгөгөрсә удж вөчигөн.

Ловзыштіс батыс, и мамыс гажмыштіс. Со сійө кодакөкости ветлөма нин скөтнөй дворас куканьясө дөзбөритны, чибльөга да мича партука нин, пач вом дорын ноксьө да чуксалө Ма-шукөс:

— Чеччы, дитяө, мыссьы, пасьтась да пет сарайсьыд баты-тө чукөсты. Сөйыштөй, да тэныд өд школаад котөртны колө. Витюш мед узыштас на, эн кат сійөс.

Налөн, чоя-вокалөн, узыланіныс пач бокин джоджын паськыд идзас перина вылын. Машук эновтө вольпасьсө, шебрөдыштө узысь воксө да норасьө мамыслы, дзирыдпозйыд пө войбыд пессис да чужьяліс шебрассө, менам кокөй пө кынмөма.

— А мый керан тайө вильышпозйыскөд?— ышловмунө мамыс.— Дінө көть нин паччөр вылө босьта, да өд усьны вер-мас. ТерпITYшт, батыд тиянлы виль крөвать сараяд вөчө.

— У-у, виль крөвать!— другөн узян унмыс эновтө Машукөс, көмтөгыс да улыс дөрөм кежсьыс нывка лыйыштө өдзөс мөдарас батысө сарайсьыс чукөстны. И со нин найө, батя-ныла, пызан сайынөсь пөсь картупель сола чериөн сөйөны, а мамыс вайө рок гырнич да варовитө:

— Яя шыдтө талун ог пу: видзө пыран лун талун. Кослунгя сөяныс эм быдтор. Кос паренча көтөдам, да мед кампет пыдди челядьыс нөняласны. А регыд скөтнөй дворын куканьяс вөсна менам шогөй чинас: поставка вылө аски мясокомбинатө көс-йөны нуны. Шойччыштам, пока сураньяс-бураньяс выльясөс оз вайны. Ваясян кад өд локтө. Вот сэки миянлы тэкөд, Машук, уджыд содас!

Мамыс кукань видзысьөн вөлі, да ичөтысянныс Машө кыліс мөс да куканьяс вөсна төжд, налы көрым заптөм вөсна. Да и

төвнас сьёкыд вöлі турунсö вайны: зорöд дорöдзыс лымйöд келігкості Воронко усурмуналас, мед көть нин кок йывсьыс оз усь.

Мамыслөн төжд-маетаыс и Машуклы, буракö, вирöдзыс йиджöма. Эз кө öд йидж, сизимöд класс помалöм бöрын нывка эз эськö мун сельхозтехникумö велöдчыны. Пöдругаясыс ставныс то педтехникумö, то медицинскöйö, а Машö сельхозö. Агроном да скöт пельшер-ветеринар ним сетісны сылы кык вося курсьяс помалöм бöрын. Колхоз быртöдз сійö төдöмлунъяснас и мырсисуджаліс то фермаын, то виричьяс дорын. Зіль вöлі да пöсь сьölöма, ставсö удитліс. Та вöсна эз норасьлыны сы вылö йöзыс ни бригадирьяс, ни МТФ зав. Колхозьяс бырöдöм бöрын совхозьяс лоины, да уджыс кык пöв кокняммис. Фермасö Машö эновтіс, теплицаясынджык пондіс ноксьыны. Совхозсö бырöдтöдз сэсся и агрономаліс. А öні ас гортгöгöрса удж вöчö. Сиктса мортыдлы öд уджыс пыр кок улас. Картопель, капуста-морков быдтö. Да и көза дай ыжъяс на видзö. А öтнадыдлы уна и колö? Ловсö гажöдöм радиджык и ноксьö ыж-көзана. Öтнасөн коли та ыжда овмöсас да: керка и карта, сарай и пывсян.

Мам-бать кулöм бöрас Витя вокыс мунліс Печораö речнöйö велöдчыны. Сэсся армияö нулісны. Сэні флотö веськалöма. Морьякөн и лои нэм кежлö. Шочиника письмö ыстыліс. Гижас строчка дай. Чоюкö пö, таво тэ дорö отпускавны көсйыси воыны, да, буракö, нинöм оз артмы: ылі рейсö мунны приказ воис. Либö гижыштас: «Отпускавны гöтыр рöдвуж дорын көсьям».

А воліс кыкысь. Первой волігас мамыс ловья на вöлі. У-у, кутшöм моряк-краснофлотец! Юрас бескозырка лентаясыс сöмын лэбалöны! Чечётка йöктö. Кокъясыс тутш да тотш, тутш да тотш, синмыд видзöднысö мудзö, а кокыс сылөн оз мудз, тотшöдö. Мамыс видзöдö да сöмын шуыштас:

— Пиукö, гöтрасьны тэныд колö. Кад нин.

Мöдыс гылк серöктас воча кывсö сетіг:

— Код вылö, мамук, тэныд бурджык: китаянка вылö али негритянка вылö? Обещайтöны мутöгöрса рейсö мöдöдны.

Мамыс сöмын лапкерас кияснас:

— Чу, такöд сэсся и сёрнит пöсь сьölöмсяныд! Серамöс петкöдас дай. Китаянка да негритянка пö. Нылыс грездын абу сылы! Пиук тэ, пиук! Батьыд кө ловья вöлі, ёна и любуйтчис эськö.

— А ме тіянкöд любуйтча дай! Öшинюв йөрөн и,— воча кыв сетас мамыслы.— Рөгыд нин мунны колö, а меным неокота на. Тшак кө эськö вотяштны да вöрті котралыштны! Да кысь сійöс босьтан төвнас? А тшака шаньгаыд, мамукö, тэнад зэв чöскыд. Менам мунан луно сэтшöмсö уна пöжав. Нуа сьöрысь тьöщапұлы гöснеч. Гашкö, бурмас да нывсö менам сайö сетас верöс сайö.

— Сетас, пиук, сетас. Этатшöм сайö да оз сет! А шаньгатö пöжалам! Машук чойыд нин старайтчас татшöм вокыслы!

Машö ачыс нин важөн невеста, кызысь петöма, комынöс виччысьö, бур жöник йылысь мөвпалö, да кызкö абу на окота лэчкас пырны. Петан верöс сайö да сьöктан да... А уджыс, май-бырö, теплицаясас!..

Мöдысь волігас воксö Машö эз нин мамыскöд вочаав, а верöсыскöд, Степаныскöд. Да и вокыс эз жö öтнас лок — гö-

тырыскöд. Гöтырыс еджыдик юрсиа, мичаник, варова сёрнитö да зэв тешкодь акцентöн. Латышка пö, Юля нимыс...

Машöлөн ичöt кагаыс, Оля, Олюшка, зыбкаын, папыс и войнас чеччылö сійöс гычöдны, садьмас кö да бöрдны кутас. Оз кö лöнь, гöтыр дорас вольпасяс ваяс.

— Кынöмыс сюмавзёма, нёнöдышт,— шуас,— мед Олюшка унмовсяс да крепыда узяс, оз мешайт меным тэкöд мусукасьыштны. Лунтырөн сэтшöма гажöй бырлас, Машукö, тэысь! Смилитöмыд кö нин-а.

— Смитас кодкö,— шуыштас гöтырыс ун пырыс.— Лунтыр руль саяд пукалiгөн вежöртö нинöм абунас песан. Миянлы Олюшкакöд лунтыр гажа.

Гöсьтъясд воисны, да гознаныслы любö. Машö Юля моньыскöд пыр и лöсявны кутiсны, быттьö нэмыс öтлаын олiсны. А Степан мыйкö öддортчыштіс моряк зятьсьыс. Витялөн öд юр вылас öнi эз нин лентаяса бескозырка вöв, а офицерскöй еджыд фуражка. Да и погонъяс нин пельпомас тыдалiсны. Адмирал да и сöмын. Степан совхозын трактористалiс, гöсьтсö адмиралөн и ыждöдліс да öти асылö и шуис:

— Зятюшко адмиралö, айда мекöд тшöтш ветлам совхоз муяс видзöдлыны! Море кодöсь жö öд, паськыдöсь. Трактор руль на верма сетлыны и. Небось, вунöдiн нин муыслысь кöрсö.

— Эмыштö сійö грекыс,— шпыньмуныштіс адмирал да ичöt зонка моз вуч-вачкерис кинас радысла.— Кыдзи нö ог, рульсö кö на кöсийоны сетлыны. Ветла, дерт! Ме ичöтдырйи пыр мечтайтлі трактористöн лоны. По ошибке морякнас лои. Визув шор дорад танi быдми, да ва визулыс ылöдіс, сötана! Далеки гавани-плаваниеыс да...

Мунісны. Машö латышка гöсьтятö нуöдіс радейтана теплицаяс дорас, быдтасъяснас ошйысьыштны да дзоридза матiгöгöрсa видзясөн любуйтчыны. Кагасö босьтісны сьöрсъыныс. Сёянтор и вольöс ылö шебрас босьтісны, гашкö пö, гожйöдчыштны окота лö. А локтісны рытьявылыс, да верöсьясныс садьтöм кодöсь, гөрланитöны-сьылöны «Прощайте, скалистые горы, На подвиг отчизна зовет!» Машöлөн верöсыс кулаксö на лэптыштлö сьылiгмозыс. «Сötанаяс, юöмаöсь»,— вирдыштіс нывбабалөн юрас. Абу дивö, Степанлы кö сюрас помкаыс юыштны, оз öткажитчы да сэсся и вунöдас ставсö, гöра-кöдза удж кöть эндö, кöть турун заптöм, кöть кагаыд да гöтырыд бöрдöны. Сьылö да йöктö, гажöдчö, енэжын лэбалö. Вежонöдз юас да лэбалас, а сэсся личкас унмыс, да дась кöть нйит гуранö водны. Сиктсаяс тöдöны тайöс да лапкучкысьлöны, мый нö пö такöд лолö, этатшöм прамöй морт да. Ачыс тай коркö шуліс: «Стройбатын велавлі». Неважөн на совхоз директоркöд сёрни вöлі Машöлөн:

— Марья Алексеевна, эн дивит, тiян семья костö суитча да. Зэв зиль да уджач Степаныд и тöлкөн вöчö быд удж, а коддзас да, ачыд öд тöдан... Гашкö, колö лечитчыны сійöс ыстывны. Тэ мый думайтан та кузя? Лечитöны öд öнi.

Машö кокъяснас сöмын туп-топкерис, шуны немтор оз сяммы. Бөрти тай шуыштіс жö:

— Ачыс кö кöсьяс... Мырдöналöмнад öд...

Но сёрниыс сёрниөн и коли. Машö век мыйкö нюжöдіс, мый ылö кö надейтчис. Ачыстö мед нин позоритчис, да öд Витялы

кутшом вöлі латышка гöтыр водзас! Коми мусö и сиктса вой-тырсö век вöлі ошкö, пöтмöныс ошйысьліс, а зятъыс, Степанушкоö, учудитіс. Удж вылас мунны оз вермы и век румка вина корö.

Виталей вок гозъя и пондісны шуны Машöлы, лечитны пö колö, матайтчан такöд. Найöс колльöданмоз Машö нуліс верöссö карса больничаö. Лечаммыліс Степан, во-мöд эз ю. Да öд сибалöма кö нин нечистöйыс, перна новлытöм морттö оз бурөн лэдзас гыж увсьыс. Юöм помсьыс и сотчыліс коньöрö Степанö. Томөн дöваөн и кольліс Машö. Öти нывка удитліс жö козьнавны Степаныс. И таысь аттьö. Аслад кагаыд век нин радлун. А нывкаыс батътöг быдмис.

Гашкö, Степаныс сэки колтыстöм оласногнас и кöдзöдліс Машö дорысь Виталей воксö. Öні на Марья пöч та йылысь думайтлö. Сы бöрын сэсся вокыс эз нин волы отпуславнысö. Письмö шочиника ыстывліс, перевод на кымыныськö воліс, а ачыс эз мыччысьлы. Гашкö, и налөн сэн асланыс шог-могъяс, военной мортыд öд абу ас вöляа, ылысса плаванньöясын, гашкö, ветлö. А öд и олöмыс со кызди вежсис. Öні найö мöд государствоын олысьяс. Латвиясянь тай бөръя письмöыс воліс-а, Лиепаясяныс на жö. Ме пö öні гортын, и лöсьöдчам Сочиö шойчыны мунны. Öти сайын пö и пиös сэсь аддзöдлам: морфлотö жö служитнысö веськаліс, черноморец öні мöд во нин. Письмö помас пасйыштöмаöсь, гортö пö, Россияö, вуджöм йылысь клопочитам, гашкö и удайтчас. Сэки пö матынджыкöсь лоам да бара на волам тэ дорö гөститнытö.

Кызди мый сэсся налөн, вуджлісны-ö, али сэн на йöз муын олöны, оз и тöд Марья пöч. Юöрыс эз на волы. А колöккö, письмö ыстылісны сиктас, да со сійö карын öні да. Арсяныс нин карын ныв дорас олö. Мыйөн картупель идравсис, ныв-зятъыс пыр и воисны да кутісны мойдöмөн корны:

— Тані öтнады гажтöм дай пач колö ломтыны, быд лун пескөн ноксьыны. А сэні шоныд и гажа мянкöд лоö. Алёнка внучкаыд ас кок йылас нин, сёрнитö-төлöдчö — гажöдас. Тöвсö он и аддзыв, кызд прöйдитас. Тулыснас, көсьян кö, бөр муна гортад градъяс дорад ноксьыны. Сэки садикö нин, гашкö, Алёнкаöс сетам.

— А öні, мамук, быть мездыв менö,— кутіс кевмыны нылыс.— Зятъыд то, Максимушко, эновтны көсйö мянöс Алёнкакöд, мукöд том милиционеръяскöд ыстöны Чечняö. Виль воöдз пö ковмас сэні служитны. А центральной библиотекаад меным уджавны, ачыд тöдан... Абу сöмын лунся удж, рытьяснас унджыкысьсö ковмылö пукавны и ветлыны сэтчö-татчö, бокö на командировкаö ыстылöны и. Меным сэн зэв интереснö, да жаль лоö, эновтча кö.

Нылыс зэв сьölöмсяныс тадзсö кайтыштіс, да Марьялөн синваыс весиг пычиктсис:

— Да, дитяö, Олюшкаö менам, ог öмöй гөгөрво да верма öмöй öткажитны?

Нэмсö сиктын оліс Марья пöч, велалöма нин паччөр вылас узылыны, да ас дитя вöснаыд öд... Мамыс тай, поконча, шуліс, налькйö пö пыран и бур мортöс лёк кывйөн дойдны верман. А карö тöv кежлас овны вуджöмыд — абу налькйö шедöм. По-

зяс сэн и ывлаті гуляйтыштны, и внучкаыскöд гажöдчыштны. Веськыда кö шуны, эз эськö и ёна гажöдчыв да ветлыв йöзтіыс. Виталей гозъяыс кутшöма корлісны гöститны сэтчаньö Латвияс, миян пö гожöмнас Крымын кодь жö, волы, шойччыштан море дорас. Пыр кöсийысис Марья, да ветлытöм лои. Оз тöд море берегад шойччöмсö. Ыстывлісны öд и совхозсяньыс Крымö шойччыны, да абу нин велалöма да эз и ыштыв. Гортын пö тшак вотанмоз шойччышта. А Москваö сельхозвыставка вылö ветліс кыкысь. Ударнича öд вöвлі, стахановка да. Совхозъяс дырйи и «отличник соцтрудаөн» нимтыштісны. Öні на зарни шыпасөн гижöм сійö кабала листьясыс книга видзан шкапас куйлöны. Книгаяссö уна ньöблісны нылыскöд, Олыгалөн сійö биа висьöм кодь вöлі, бара и ньöбас кыськö выль книга либö изба-читальняысь ваяс да ошйысьö: «У, мамук, лöсьыд жö книгаыс! Комиён гижöма, лыдды тшöтш. Тороповлөн «Но, биа бордаяс!»

Тулыс-арнас да гожöмнас лыддысьынысö вöлі некор, а төвнас унакодь книга лыддыліс Марья пöч. Нылыс, Олюшкаыс, библиотекаын уджавны и велöдчыліс. А сэсся армияысь воис Максим, сиктса учительницалөн пиыс, да мырддис Марьялысь Олюшкасö, карö нуис, пышйöдіс мам дорсьыс. Учительница ньöбис налы карсьыс öти жыръя патера, ачыс мöд пи дорас кытчöкö ылö Архангельскöй обласьтö муніс овнысö, кага жö шуö видзигөн.

А мый сэсся, видзан! Аслад öд йылöм. Арсяньыс нин карын Марья пöч, öти жыръя дзескыд патераын куим энюлов олöны. Максим зятыс кöнкö Чечняын служба вылын-а.

Талун Ольга эз кöсийы локны öбедайтнысö. Мунам пö Эжваö читательскöй конференция нуöдны Геннадий Фёдоровлөн бөръя книга сертиыс. Коми кывлөн во öд пö таво. Петігас тай «Ме муні! Энö гажтöмтчöй!» горöдіс, быттö первойысь мунö да кытчöкö зэв ылö. Быд лун тадзи. И велаліс нин Марья пöч татшöм оласногас. Гажтöмтчынысö некор. Алёнушка оз бара-й сет. Пыр сыкöд ворс да варовит. То дзесяс улöс мышкö да горзö «Корсь менö!», то аканьсö водтöдö да тшöктö «Баю-бай» сьывны. Зэв сюсь вежöра нывка быдмö. Кань да руч йылысь мойдтö висьталас и «Серенькая кошечка» кывбуртö лыддяс и «Гоп-гоп, конь живой»-тö. Да нöшта на тшöктас рисуйтны котöртысь вөлöс.

Öні узьö, да чöv-лөнъ. Марья пöч бисö эз öзты ни телевизорö эз чуткы. Мед пö узыштитас-шойччыштитас внучкай. Казь-тылөмъясыс тай сідзикөн и воöны син водзас, кино быттö видзöдö. Эз кö телефоныс тринькнит, водзö на эськö позис сэтшöм киносö видзöдны. Эм тай мый казътывнысö, слава Богу, дыр нин олöма и уна нин аддзылöма. Позис и вугыртлыны, внучка дорас пöрöдчывны да. Но ковмис татшöм рытпуксьыс энöвтчыны да телефон дорö котöртны. Пажнайтнысö эз волы Ольга нылыс, да чайтіс, сійö звönитö. А вөлöма выль пöдругаыс, Катерина Ивановна, Марья пöчкöд тшöтшъя, тайö керкаас жö орчча подъездас олö. Кага жö видзö. Сыкöд на сöмын бурасö тöдмасис Марья пöч, кагукъясыскöд öтлаын гуляйтлöны да. Öні тай сы кузя жö и звönитö. Гажтöмтчöма. Мыйкö пö тай нö талун гуляйтнытö онö петöй?

— Кыдзи оз?— вочавидзöмыс ошйысьöмкодь и артмис.— Ми асывсяньыс талун пöтмөн нин исласим йи чойын!

— Но, сідзкө...— шуис пөдругаыс да кутліс нин, буракө, трубкасө пуктыны, да бара на шыасис.— Рытнас инө волы ме дорө гөститны. Али ме тиянө вола. Тиянын гажаджык.

Катерина Ивановна өтнас олө, кагасө видзны лун кежлас сөмын вайлөны кутшөмкө роч гозъя. Гажтөм, дерт, өтнады, телевизорсө шуис жугалөмөн-а. Мед локтө. Зэв варов да сибыд нывбаба. Быдтор төдө и кужө. Клубъясын да культура Керкаын тай нэмсө шусьө уджалігөн. Марья пөчлы зэв на и любө, татшөм пөдругаөс карысь аддзис да. Матын олө и гажөдны кужө, серамтө петкөдлас и синватө пычкас. Быттө асланыс сиктсаяс дорө и петалас гажөдчыштнысө. Төвся рыгъяснад өд сиктас олігөн клубө жө петыштіс гажөдчынысө. И тані поэь. Катерина нуөдчө театрө ветлыны. Виль театр пө ремонт бөрас воссис — ветлам! Но Марья пөч эз на ыштив театрад. Мунан, да Ольгаыс өтнас кольө кагаыскөд, шогавны кутас, верөссьыс гажтөмтчыны. Томдырйиыд өд мед мусукыд дінад. А Максимыс ылын көнкө ветлө. Сэтчаньын абу спокойнө, да пыр сьөлөмыд абу местаын, эз-ө нин ло мыйкө ськөд да эз-ө нин бандитъясыс вины. Пыр тай висьталөны телевизор пырыд сэтчаньысь пакөститчөмъяссө. Өтнасөс колян, да дзикөдз шогө вөяс. Кыкөныд век нин ыалан мисьтөм думъяссьыд, сьылыштан и шмонитыштан. Сэтшөм здукъясас Ольга шуыштілө:

— Мамукө, тэкөд рытыс өдйө кольө. Максим йылысь дзикөдз вунөдла. Кыдзи сэн олө-а?

Сэтчө мамыс дзик пыр и вомалө шмонь кывйөн:

— Мый кыдзиыс? Олас! Кыдзи и ставныс олөны. Абу өд өтнас. Менам мамө тай война қадад век жө вөлі шогсьө да кайтө. Мед көть оз жө пуля улө веськав, мед көть воас жө. И веськавлөма. И ловъя воліс. Сьөкыда ранитчылөма да муртса кок йылас сулалө. А сюсьмылөма жө коркө сэтчаньын нывбаба дуксө исыштны. Грек көть абу, а тэныд эг на висьтавлы. Виталей дядьтө өд меным вок пыдди куим арөса зонкаөн нин вайлісны детдомысь. Дедтө, вөлөмкө, разведкаө ыстылөмаөсь красноармейка нывкөд. Кынөмасьөма сэки разведчица нылыд, да демобилизуйтасны, гортас лэдзасны, а сэні пө ас сиктас йөзыс сплөшь висьөны тифөн, висьмөма и нылыд. Кагасө чужтыны кызкө отсаласны больницаад, а асьсө спаситны абу вермөмны, кулөма. Господи, кутшөм судьба коды Енмыс сетө! Фронт вылас дедыды удитлөма юөртны нылыд кага йывсьыс. Воис дедыд гортө, ранитчылөм бөрад да зэв слаб. Да и пи йывсьыс думъясыс, буракө, личкисны. Признайтчыліс коньөрө батьө. Питорсө сылысь, Витюшөс, гортө детдомсьыс вайлісны. Ловзыштіс сэки батьө и куим во саяс на оліс. А ме и өні на Енмыслы аттьө шула сійөторсьыс. Ай-мам кулөм бөрын эг өтнам коль, вок эм. Абу дінын, көнкө ылі мореясын плавайтө, а век нин кылан сылысь ме вөсна төждсө. Письмөтө гижас, шогтө юкас и ачыс корсюрө волас, и сьөмнад өна отсаліс. Сійө каднад өд сиктсалы зэв сьөкыд вөлі денегатөгьд. Налог-поставка мынты кызз кужан да көсьян...

Лөнъыштіс да ышлоалыштіс Марья пөч тайө ставсө Ольга нылыслы юөртөм-висьталөм бөрын да водзө нуөдіс сёрнисө:

— А олөмас он и төд, көні бурыс да көні лёкыс, черань вез моз гартчөма, да он гөгөрво, кысянь мый виччысьны. Виталей

отсöгнад ми Стёпöкöд эг и тöдлö шогсö налог мынтöмысь да деньгатöмысь. Да, гашкö, сійö жö и ышöдіс Степанöс кокниась-нысö вина юöмнас. Код тöдас... А тэ, нылукö, войт эн шогсьы Максим вöснайд!— татчö Марья пöчлөн гөлöсыс гораммыштіс да шмонь модаа лои.— Абу сэн öтнас да, и юөръясыс сысянь волöны öні кыпыдджыкöсь. Стрöйтчöны. Кодкö лунö на телеви-зорöд петкöдлісны зэв мича вичко-храм — асланыс Аллахлы кевманін восьтöмаöсь. А Максимыд кö быттö ваяс сьöрсьыс чеченок зонкаöс — быдтам! Öні нянь и сол, сакар и кампет — быдтор лавкаас тырыс!

Ольгаöс кезйöдыштіс мамыслөн татшöм шуасьöмысь:

— Чу, мамö, Ен мед видзас, эн тунав нинöм абусö! Максим сэні оз жö чурка вöч!

— Оз, дерт. Ме тай и шуа, некор сылы сэні,— вомалыштіс нывсö и мамыс, гөлöссö весиг содтыштіс, а сэсса и дивитыштіс на.— Эн тай и гөгөрво, мый мор вылö öні пыр на висьтаси тэ-ныд. Мый лоö, сійö и ставыс бур. Сöмын мед мөвпъясыд бурöсь да югыдöсь вöліны-а. Он мөй книгагяссыйд лыддьы: «Мый ду-майтан талун — аски сійö и лоö». И менам мамö, тэнад пöчыд, тадз шуліс. Олöй пö, кызди овсö, да аттö на шуöй, мый во-лінныд да оланныд. Сынöдыс и шондіыс тырмö, ки-кокыд эм, вомыд эм жö. Йöктöй да сьылöй, мед гажтöм да дур оз босьт, а кийд, майбырö, вöчас! Печкас и кыас, ытшкас и куртас, мөстö лысьтас и пестö кералас. Радейтлісны мамöс сиктсаяс, оз пö сьöкыдсьыс пов да шогыслы сетчы. И сөветуйтчыштны сы дорö пыравлісны. Ме чайта да, сійö и мортыдлөн шудыс, орччөн олысь йöзыс кö пыдди пуктöны. Матайтчöминад отсыш-тасны и мездыштасны...

Тайö сёрни бöрас Ольга эз нин ёна вензы да шуась. А ас-кинас вайис книга, музтеатрдорса книжнöй магазинысь пö нарошнö ньöби, кутам лыддьыны. Лазарев пö тайö зэв нималана автор, доктор ли экстрасенс ли, кызз шуны сэсса, ог тöд, ачым пö эг на жö лыддьыв да.

Со куйлö книгаыс крöватьдорса пызан вылын. Листалыштіс на сöмын Марья пöч кодкö рытö. Главаяс вылö гижöдсö юклöма, да позяс öти главаөн көть рыт помöдз лыддьыны. Позьö Алёнка узигкості и заводитны. Кухняö мунас дай лыддьысьыштас, сэні öйысь биыс öд оз мешайт внучкаыслы узынысö.

Кухняын, батарея дорын сулалысь улöс вылын, куйлöмөн зэв чöскыда да зіля мыссьö каньыс, Рыжуля.

— Кань мыссьö — гöстя воас,— горөн и артмис Марья пöч-лөн тайö шусьöгсö казтыштöмыс. Тайö каднас кодкö виччысьтöг звöнитіс öдзöсас. «Катерина Ивановнаö, буракö, локтö гөститны. Коді сэсса»,— думыштіс Марья пöч да уськөдчис öдзöссö вось-тыны.

— Но, Ивановнаö, локтан? Гажтöмтчин?— öдзöс восьтіг-костіыс и горөдіс, а сылы воча мужичöй гөлöс:

— Марья Алексеевнаыс тані олö?

Повзыштіс пöчö, петитчыштіс. Восьса öдзöс сайсьыс рыт-горув пемыдас тöдчыштіс быттöкö милиционер шапкаа морт. Öти здукөн и вирдыштіс мөвп: «Олюшкакөд мыйкö лоöма». Но öдзöссайса мужичöйыд вочакывсö виччысьтöг и воськовтіс по-рогсö да гылыда серөктіс:

— Машенька, чоюкө! Менө эн төд?! Примит вай, ывлаас көдзыд да, кынми!

Мужичөй вөлі кепысытөм, пась морөсыс кизявтөм, сьыліыс куш. Вөлісь Марья пөч төдіс воксө. Уськөдчыны дась сьыліас.

— Вокө! Виталей! Тэ ли мый? Чайті өд, милиция локтө. Муртса на и гаралі өні тіянөс ставнытө. Лок вай, лок! Пөрччысь! Миян тані шоңыд.

Шемөсмөмысла и радлунысла Марья пөч дзикөдз ыззис. Кухнясянныс нин кылө горалө-чуксасьö:

— Пөрччысь, шыльөдчышт сэні зеркала водзас да лок татчө пыр, жырьяс нывкаыс узьö, да мед ог катөй. Пось шыдөн и пось чайөн дона гөсьтөс чөсмөддышта.

А вокыс пөрччысьöма нин, кухняын сылы воча пыранмоз өти киас кучик сумка мыччө, мөдас — сеткаын рузумөн гартыштөм ёкмыль.

— Скрамненькөй гөснеч, тэныд, чоюкө, Юлясянь да грездса суседка Ульö Татьяна пөчөсянь. Пи-моньыс привет тшөктісны висьтавыны и.

Выль пөв падмис Марья пөч.

— Тэ гортын ли мый нин вөлін?! Некод өд сэні абу, ме татчө карас вои да.

— Ме сійөс и көйи висьтавыны, да тэ ордйин,— шпыньмуныштіс вокыс.— Ме Сыктывкарад вои да аэропортсянныс и мыськовті грездөдз, такси босьті да. А кильчө помад вои, да лымйыс кык весьт судта, кок туй весиг абу. Приехали, гавани мои далёкой плавани! Некод оз виччысь! Көн нө чойö? Повзылі өд! Бөрти, видзөда да, кутшөмкө старука лажъялө неылын да шыасьö ме дорö:

«Тэ абу-ö шыш? Мый ветлан таті? Марья Алексеевнаыс кө колö, сійö абу гортас, карö лэччис овнысö».

Суседка Клавди пөчыд и вөлөма. Гортас пыртөдіс, пось шыдөн вердіс. Адрессө карсьыд сетіс и. И со, ме татөн! Бөр шырзышті-вои! Везитіс на меным, таксистыс прамөй зон вөлөма, мекөд тшөтш пыраліс Клавди пөч дорö чайсö юны. Ковмис эськө сэтөн сутки виччысьны рейсөвөй автобус.

Марья пөч кывзö вокыслысь висьтасьöмсö да лапкучкысянмоз кайтö:

— Быдман-олан горт-позйыд инö сэтчаньын лючки на сулалö?

— Сулалö, чоюкө, сулалö! Кытчө лоас?— лөньөдö шызьөм чойсö гөсьтыд да вөййö «по-человечески» аддзысьны да варовитыштыны. Менам пö бушлат зептын коньяк доз эм, юыштам «за встречусö» пось шыдтö панявтөдз.

— А вокö тэ, вокö, век важ кодь, абу и вежсьöмыд ылі море-океаньястіыд плавъяліг. Пыр нюмыд петыштөма, шмоньлив гөлөсыд. Юыштам, дерт, за встречусö, коньяк дозтö кө вайин!

Вокыс татчө нөшта на кыпыд гөлөсөн содтö ассияныс:

— За встречу мөд помка на эм юыштынысö. Всё, чоюкө! Ме өні вольнөй птица-чайка. Отставнөй нин ме өні пөшти... Москвасянь ме өні. И оланінөс ыльлаө индісны. Северодвинскө. Сысянь менам кузь ва туйыс заводитчыліс и сыөн, буракö, помасяс.

...Кардор, Мурманск, Лиепая,
Амстердам, а сэн Гавайя,
Водзын помтöм-дортöм океан!..
Став свет вывсö кытшовтöма,
Быдсямасö аддзылöма..
Пола: эндас менам главнöй мог.
Ставыс сійö бөрö коли,
Ставыс сійö коркö вöлі,
Жаль зэв — полюсö эг волы,
Некод полюсас эг волы,
Эновтчыны öмöй лöö? Ок, ок, ок!
Вöчтöм кольö главнöй мог,
Таысь меным овлö шог...

Кывбур лыддьöм моз и сяркөдіс тайö ставсö Виталей да сэсся кузя ышловкерöм бöрын петыштлис кухняысь, здук мысти бөр пырис коньяк дозйөн, пуктіс пызан вылö да пуксис пызандорса улöс вылö. Чойыс лапкөдыштіс сійöс пельпомас да дэльöдöмөн моз шуис:

— Но-но, он нин инö сэсся кут Му шар гөгöрыд плавъявны да вошласьны быдса вежонъясөн да тöлысьясөн. Тшöкыдджыка аддзысьыны кутам. Кисьтав, то зэв лöсьыд кык румка дасьті.

Бабыслөн гора гөлöсыс кыз нö оз садьмöд узьысь внучкасö? Садьмис Алёнка да гөлöс шыясад кухня öдзöс дорö локтіс, сулалö, шы оз сет, баргö-видзöдö тöдтöм дядьыд вылö. Аддзис Марья пöч, бокъясас лапкерис:

— Алёнушкаö, садьмин? Ноко, дядьыскöд чолöмасьныс кызди кужан?!

Ичöтикыд мыйкö көсйис шуны да эз удит, дядьыс ачыс чеччис улöс вывсьыс да нывка дорö матыстчöмөн чургөдіс кисö:

— Здравствуй, Алёнушка! У, кутшöм сійö ыджыд да мича да варов!

Мöдыс воча кыв пыдди друг юалис:

— А папа где?

Серөктісны чоя-вока да первой румкасö тайö ичöтик ловъя лов вöснаыс и юисны. Алёнкалы дядьыс кампет көрöбка козьналіс, нывка сылы «Гоп-гоп, конь живой» сьылыштис да кокöнь-яснас топайтыштіс. Чоя-вокалөн аддзысьöмыс зэв гажа и лои. Кагуккöд ворсöдчыштасны и мöда-мöдыслы юасьны-висьтасьны удитöны. Зэв шоча аддзысьлöны, да юасян-висьтасянторйыд тырмö. Öтиыс сиктса олöм висьталö, мöдыс Му шар пасьта шöйтöмьяссö да Латвияын олöм-вылöмсö. Удитіс Марья пöч и пытайтыштны да чиршöдлыштны воксö:

— Кутшöм нö век гаралан эновтöм мог да полюсö мунöм йылысь шог? Эн öмöй пöт нин брöдзяжитöмсьыд?

Мöдыс тапкерыштіс кикарнас пызан пöвйö да гогнитыштіс юрнас:

— Да шогся, вернее — завидьта. Юрын али морöс пытшкын кодкö олö да чеплясьö, шуö, ичöтысянныд пö челюскинецъяскöд да Нансен походъяс йылысь мечтайтін, а öні отставка йылысь нин думайтан, лоан пö пенсионер да кутан крöватяд брунвидзны. Гавани далеко плаваниö!

Вокыслөн, тöдчис, сьölöмыс абу местаын, да Марья пöч такöдыштіс сійöс. Серөктыштіс да «Гавани-плаваниесö» сьылыштöм бöрын дивитыштіс быттьö Виталейöс:

— Но-о, пенсионеръясыс инö куйлöны?! Ме инö куйла?! Но, вокö! А менам град йöрын гожöмбыдыс кодi ноксьö? А этайö нывканас кодi вийсьö? Ноко, Алёнка, кыстур йывсьыд коминад висьтав кывбуртö! Мамыс карса, да ышмöма, рочасьö! А ме комион велöда!

А кагаыд рад, эз вунöдны сы йылысь да, ас кост сёрниас тшöтш сийöс пысаісны да. Лыддя пö, сöмын мед Виталей дядыс тшöтш отсалö. Бабыскöд öтлаын и заводитісны, да водзöсö Алёнка ачыс лыддис.

**Кыстур талун миян лög,
Эз и нюлышт весиг нök.
«Китекат» да «Вискас» корö,
Зыргчö лунтыр бабö дорын.**

Сэсся ачыс аслыс и кекöначалыштіс да котöртіс каньыс дорö ворсны. А чоя-вока кекöначасьöмön жö нимкодясисны да ошкисны ичöтик внучкасö. Виталейлы, буракö, окота на вöлі сийö сёрнисö водзö нуöдыштны да чöv усьлöм бöрын кайтыштіс:

— А тэ прав, чойö. Извинит, коркöя ичöt зонкаыс ме пытшкын чоюкыслы норасьыштіс да. Ме сідзсö — в форме на! И лябмунны дзик пыр ог на көсйы!

**Полюсад пö-й подöн муна,
Коркö тадзик Нансен шулöм,
А мен мый — ме верма пыжөн!
Йи увтіыс шыр моз — тюв!
Субмаринлөн оз ор сюв!**

Вот так-то, чоюкö! Серала, а гашкö, и збыль на интендантöн көть да веськавла на полюсас!

Шмонитö вокыс, да Марья пöчлөн тшöтш петіс серамыс. Тайö сёрнинас ылалöм чоя-вока эз и кывлыны, кыдзи Ольгаыс локтöма да весиг удитöма нин пöрччысьны. Алёнкалөн «Мам! Мама!» горалöмыс и пальöдіс найöс.

— Ольга, эта дыра ветлан! — лапкучкысьöмön паныдаліс сійöс мамыс. — А миян гöсьт! Виталей дядыд то. Аддзысьöй, да сёйышт, лунтыр, көнкö, тшыг.

— Тшыг тай, праздничайтанінысь локта да, — вомалыштіс мамсö Ольга да «Динь-динь-динь» лöсьыдика сьылігтыр уськөдчис дядсьö кутыштыны. А кутчысьлöм-окасьöм бöрын бара на «Колокольчик звенитсö» сьылыштіс да пондіс ошйысьны Эжваö велаöмön:

— Сэтшöм лöсьыд концерт эжваса школьникъяс дасьтöмаöсь да петкөдлісны. Сьölöмös вөрзёдісны, да век на со öнөдз чиктыла. Сиктса төвся рыт петкөдлісны. Войпук и коми ног сьылöм-йөктöм. А кутшöм лöсьыд кывбуръяс асьныс тэчöмаöсь да лыдисны. Кывзöй, öти кывбур вежөрö коли.

**Төвся лунöй, вай водлы да шойчышт,
Лымъя эрдыс — зэв небыд вольпась,
Югыд төлысьыс мыччöма юрсö,
Унтö видзны со сійö и дась.**

Но меным медъяна кажитчисны чоя-вока. Вокыс ичöтик на,

первой классын велöдчö, лыддис Пушкинлысь «Сквозь волнистые туманы пробирается луна». А чойыс — восьмöйын. Воча сылы сьылis «В лунном сиянии снег серебрится», да сэтшöм небыд, лöсьыд гөлöсыс. Менам синваöй чепöсийс.

— Максимтö, небось, казтыштін,— кайтыштis мамыс да кутшöмкö руш гөлöсөн содтis.— Радлун и гаж эськö вайинныд талун меным, да Виталей дядьыд то регыд нин мунны көсийö.

— Мунны нин?!— Ольга ичöтик моз чушкыльтчис.— Виталей дядь, Виталий Алексеевичö, кыз абубу яндзим? Сöмын на метэнö аддзи да. Юасьны-висьтасьны на көсий-а. Мамö, вай огö на лэдзöй!

— Да, Оленька, менам билет. Юля, пöди, ёна нин виччысьö,— кывкöрталis быттö дядьыс, но здук бöрти содтыштis.— Да меöд эг на мун, со танi на. Юась, сямма кө — вочавидза.

— Да мый он сяммы,— Ольга нюмдыштis.— Көсий юавны, тэöд быдлаын нин вöвлін да, көнi медмича местаясыс, кутшöм кар-столица медся ёна кажитчис да?

Дядьыс серöктыштis:

— Понял вопрос, вочавидза. Медся мича и муса меным гортын, боргана шор дорын ворсыштны да нöрыс йывтiыс котраыштны. А вообщесö, асногыс быдлаын мича и гажа. А вот мый менö медьёна шензьöдis — висьтала. Дубай кар. Кывлiн?

— Дубай? Кывлi эськö да. Көнкö эсчаньын Океанияс, Арабскöй Эмиратын буди. Но мый сэнi сэтшöмыс? Абуöд Париж!

Оля весиг юмбыртышталis вомсö, но дядьыс тшолкнитis кывнас да мурöктis:

— М-м, эн шу, тöдан сэнi керкаясыс кутшöмöсь! Гашкö, сё судтаöсь! Видзöдны кутан на вылö, да ачыд быттö качан кытчöкö вывлань. Но, а кытысь сiйö лоöма да кызди — ачыд тöдан, небось, лыддян газетьяссö. Дай и «Аладдин да волшебнöй лампа» мойдсö, көнкö, тöдан.

Ольга эз на удит öбидасö петкöдлыны, дядьыс водзö шмоньсяма сёрнисö нүöдis:

— Тшöкыдджыка, дерт, шензьöдlс да шемöсмöдlс морейс, кор гыяснас путкылясьöм бöрын сэтшöм чöv-лөнь пуксяс. Ва веркöсас быттö эзысь кысьтöмаöсь, шыльыд-шыльыд лöсталö. Ылын шондi ымралö, ва веркöссö окалö, гөгöр ылöдз тыдалö, пель чунгымөн лөнь! Библиясыд öти гижöдтор пыр и тöд вылад усяс, кызди Кристосыс ва веркöстi джодж вывтi моз мунö.

Оля аддзö, дядьыс оз көсий сыкöд серьёзнöя сёрнитны, ставсö шмонь пыр висьталö, да ичöтик улö лэччысьöмөн кайтыштis:

— О-о! Да тiян инö сэтöнi и морейс вермö по стойке смирно сулавны! Ме тай Чёрнöй море дорад вöвлi, да ва веркöсыс пыр гыбалö-ворсöдчö-а.

— Сiйö сэнi тiянкöд ворсöдчö, а миянкöд мукöддырйи — оз!— лöсьыдика шеноввöчис кияснас дядьыс да сэсся малыштis Ольгаöс кагаöс моз.— Эн дöзмы да дивит дядьтö, Олюшка, шмонита да. Меöд тiянкöд аддзысьl да тадз ышми. Но колö нин пасьтасьны. Тэ менö, Олюшка, колльöдан аэропортöдзыс? Мед Алёнкакöд бабыс кольчас. Найö мекöд мудзисны нин, лунтыр гажöдisны. А ми тэкöд и пöпути вермам сёрнитыштны. Гортын менö Юляысь кындзи виччысьöны серьёзнöй сёрнияс

да делöяс. Ковмас энóвтны Латвиятö, матöджык тiян дорö вуджны. Северодвинскö али Видеевоö, ог на тöд. Юлялы, дерт, рöднöй карсö энóвтны жаль лоö, да öд... Юляысь гажöй ёна бырöма! Да но ладнö, вой кежлас узьны сы дорö локта!

Пасьтасисны лöня, но Алёнка адзылис мамыслысь пасьтасьöмсö да няргыштiс, ме пö тшöтш кöсья мунны, и Марья пöчöс пö босьтам. Ичöтиктö лöсьыд на ылöднытö. Ми пö ставөн мунам, да каньыд öтнас кольö, бöрдны кутас. Нывкаыд пыр и ылалiс кань дорас. А Марья пöч мунысьясöс кольöдны гыöра балкон öшиньсö на восьтылис да сзтысянь мыйкö нöшта горöдiс. Сэсся синваыс тöдлытöг тюркнитiс, дай ковмис лöня чöвтавы пернапас да благöслöвитны мунысьясöс. Найö бура тыдалiсны рытгорув пемыдын. Ольга водзас мунiс, öтторъя шенасис, висьталiс, буракö, мыйкö. Мöдыс бöрсяныыс мунiс, зумыда тувччалöмөн.

Синвасö чышканмоз и пöдлыштiс öшиньсö Марья пöч да шыасис канькöд ворсысь Алёнка дорö:

— «Бибигонтö» кутам ог видзöдны, Алёнушкаö? Вай телевизортö чуткам. Гашкö, и Катерина на волас кинотö видзöдны, гажöдыштас нормöм сьölöмöс. Кöсийысис öд волыны.



Радейтана, муса

Шань видзёдлас, мелі нюм, небыд гёлёс... Тайё югыд мор-тыскёд сёрнитём бёрын сёлёмыд шоналё, шаньмё, йиджтысьё сылён небыдлунён. А гижёдъяссё лыддигён лолыд кыпалё, око-та лоё нёшта на ётчыдысь найёс ас пырыд нуёдны. И сэки гёгөрвоан, мый тэ водзын — збыль гижысь, ыджыд сяма, енбиа морт. Тайё — Нина Никитьевна Куратова. Сёрнитіс Алёна ШОМЫСОВА.

— Нина Никитьевна, Ті ногён, коді сійё — гижысьыс, мый сійё — гижёмыс? Торъялё-ё гижысь мукёд йёзысь?

— Гижысь — джуджыда, пыдісянь мёвпалысь морт. Сійё восьтё олём визьсё, олём пытшкёссё, гижё сы йылысь, мый сійёс шызьёдё, мый сійёс ловзьёдё, мый сійёс повзьёдё. Гижёмыд — зэв сёкыд удж, абу кокни морт думъястё пет-кёдлыны. Гижысьнад оз быдён ло, талантыс Енсяньыс жё, да и рёдсяньыс мортыслы вуджёны кужанлунъясыс. Гижысьыд зэв ёна кывкутё лыддысьысыс водзын, ёд сійё мыйёкё велёдё аслас гижёдён, мыйкё восьтё. Колё эськё бур вылё сёмын велёдны да...

— *Кутшём литература радейтанныд лыддьыны?*

— Сёлём вылё ёнджыка воё философскёй литература. Философьясыд унаторйё велёдёны, шуёны, мёвпыд пё зэв ыджыд вын кутё, та вёсна век колё бур йылысь мёвпавны. Мый думайтан, сійё и збыльмас... Радейта классика, сэки йёзсё морт туйё на пунктисны. Ёні ёд абу мортыс донаджык, а сыён вёчёмторъясыс да уджыс, выль восьтёмъясыс. Коми гижысьяс пиысь медьёна радейтлі Илья Пыстинёс. “Войвыв кодзувтё” век лыддя и.

— *А кыдзи Тіян чужё гижёд подулыс, сюрёсыс, мёвпыс?*

— Сюрёссё ме век босьта олёмысь. Мукёддырийыс кутшём-кё кыв кыла, кодёскё аддза либё мыйкё менё вёрзьёдас, и ме заводита мёвпавны. Корсюрё гижёдёй кокниа артмё, корсюрё сёкыдджыка...

— *Ті уна висьт-повесьтлён автор. А романё энё босьт-чылёй?*

— Эг. Менам сэтшём характерыс, ичётджык формаас и кыскё. Ичётдырий тай дженъыд костсё одйё котёртлі, а кузь вылас вынёй эз тырмывлы. Сідзи и гижан уджын. Висьтъяс-джык менам артмёны.

— *Геройясныдлён эмось прототипъяс? Восьтінныд-ё ку-тшёмкё героиня пыр ассьыныд характертё?*

— Геройяссё век олёмысь босьта, но мыйсюрё, дерт, сод-тышта, медым характерыс интереснойджык вёлі. Йёзыс ёд сэт-шём разнёйёсь. Мукёддырийыс мортыслысь сэтшёмтор ад-

дзан — пыр и окота лоо гижёдад пыртны. А аслам характерой, көсъя көть ог, быдлаын петкөдчө.

— *Быд гижысьлөн аслас кыв. Мый Тi верманныд шуны асланыд, И.Куратовлөн, Тима Веньлөн, Г.Юшковлөн, И.Тороповлөн кыв йылысь?*

— Ме сиктса баб моз и сёрнита, гига сійö жö кывнас. Важ кывйыс öд мичаджык, öнi тай быдсяма выль кывсö кутисны пыртны-а... Зэв ёна кажитчö Тима Веньлөн кывйыс, сійö быттö зыбкаөн гычöдö, лов вылад лöсьыд лоö. Лыддысьысьлы сёлöм вылас öд оз содержаниеыс, а манераыс, гижанногоыс ёнджыка мөрччö. Зэв бур Иван Тороповлөн кывйыс. Геннадий Юшковлөн кывйыс сёкыд, ёнджыкасö оз сёлöмад пуксы, а вежöрад. Иван Куратовлысь первойсö нинöм эг гөгөрво, öнi вöлисти кутi гөгөрвоны. Сылөн кывйыс казтылö меным пöрысь мамös, сылысь мывкыдлунсö.

— *Мыйын, Тiян серти, мортлөн шудыс?*

— Кодыр тэ йöзыскöд сёрнитан-аддзысьлан, сійö и шудыс. Колö лоны восьсаөн. Сэтшöмыс зэв шоч. Кодi ас пытшкас ставсö кутö, налы сёкыд... И быдөнлы окота, медым сійöс радейтисны.

— *Кыдзи Тi гөгөрвоанныд морт олöмлысь вежöртассö? Гашкö, юксянныд и асланыдөн?*

— Öти кывбур лыддя:

Тöдан, олöмыслөн эм
Вески да кык гира.
Öтиыс кө пöдö йирö,
Мöдыс вывлань тiрö.

Пöрысь мамöй на тадзсö шулис, ме кывбурсö лöсьöдыштi-а. Найö öд миянысь мудрöйджыкöсь вöлины, көть и грамотатöмöсь. Налөн олöмыс сёкыдджык вöли. Пöрысь мамöй шулис, абу быть пö йирас пырны либö небесаас качны, лабутнöя олöдай, мед танi олöмыс лючки-ладнö вöли, энö пö вывтi уна корöй Енмыслысь и энö жö сетчöй. Менам öд ичötдырöй зэв сёкыд вöли. Пöрысь мамöй и велöдис, мый колö кутчысьны олöмас, не усьны. Нöшта öти кывбур лыддя.

Шог-печалыс мыйлакö
Ляскö увлань.
А кор сёлöм вылад рад —
Пырджык сывлан.

Олöмас öд мед и радлыштан, и шогсыштан, мед ставыс шöриөн. Олöмыс олöм и эм. И некод оз куж стöча шуны олöм йывсьыс, быдөн ас ногыс донъялö. Кыдзи колö, медым бурөн лоны, бура овны, гректöмөн лоны? Сёравно он куж, зэв нин эськö бура мукöддырийыс көсъян да.

— *Мый Тi думайтанныд öнiя коми литература йылысь? Аскиа лун йывсьыс?*

— Öнi зэв жö лöсьыда гижöны. Бөръя кадас миян литератураö зэв уна нывка кутис воны. Кодкö меным шуис, но тэ тай заводитiн, да мед нывкаяс воасны, налысь пö небыдджык лыддынысö, «про любовджык» гижöны да... Литератураыс олöмсö

петкөдлө, а олөмыс пыр вежсьö, и литератураыс абу жö веж-
сьывлытöм. Олөмсö жö эськö колö петкөдлыны, мед эськö не
сöмын лэбалөмсö, а мортлысь пытшкөссö, мөвпъяссö.

Литератураыс колö мортлысь, но сійö надзöник вежсяс,
миян дырйи нин вежсис. Öнi компьютер вылысь позьö лыд-
дысьны, но сы пыр мортсö он кыв, лолыс оз воссьы. А книгатö
восьтан — и мортсö кылан.

— *Гашкö, мыйкö окота сины гижны босьтчысьяслы?*

— Мед оз кöдзöдчыны. Босьтчисны кö гижны, сідзкö, найöс
кодкö чуйдiс, судьбаныс. Мед олөмсö тöдмаласны, ёна лыдды-
сясны, мед бур сёлөмөн ставсö вöчöны.

— Нина Никитьевна, аттьö сёрниысь. Тшупöда пасөн Тiя-
нöс! Сиам Тiянлы крепыд дзоньвидзалун, кузь нэм, бур шуд
да выль гижöдъяс!



Зэра-лымъя костас...

* * *

Талун, зэрöй, ме тэкöд ог бöрд,
Талун, зэрöй, ме нюмъяла. Видзöд.
Мед кö шудöй зэв вöсни да ичöt,
Но öд ловъя, а абу нин вöt.
Со и та вöсна, зэрöй, тэ пöсь,
Со и та вöсна, зэрöй, тэ юмов!
Юав, зэрöй, вай, öдйöджык юав,
Кутшöм ме ордын пукалö гöсьт...

* * *

А ме таляла гылалöм коръяс,
А ме гажтöмтча медводдза лымйысь.
Мед кöть ачым и кынмыссьыс кынмысь
Да толаас бöрдлывлі кымынысь,
Да кымынысь ловшыöй орліс.

А ме таляла арыслысь дойсö,
А ме лöсьöдча тöлыслөн (мыйö?).
Гашкö, сибала кодлөнкö сывйö —
Гашкö, кодкöыс важөн нин кыйöдö
Да ошкö дзик кодзувтöм войсö...

* * *

Меным водз на казътылöмъяс гижны —
Зумыд кывйыд меным оз на сюр.
Ме со неважөн на дугді гыжöс йирны,
Сідзкö, водзын менам маникюр.

Сідзкö, водзын премия да орден.
Водзын ыджыд слава да почёт...
Ме автобусөн на кайла гортö,
И оз яндысь меысь важся ёрт.

Кутшöм лöсьыд, ставыс на кор водзын,
Кор на кужан петкöдлыны веж.
Му шарыс кор буретш тöрö соддзад,
И дзик нинöм вылö сійöс тэ он веж...

* * *

Менам талун бара на оз узьсьы,
Кольмөдоны юрөс помтөм мөвптьяс.
Ошинь сайын надзөникөн усьö,
Гашкө, лым, а гашкө, небыд вөтьяс.

Киняулад куткыртчышта гусьон,
Лолалөмад лолалөмөн ладма.
Мед сэн лымйыс вөтьяс сорыс усьö.
Сөмын тэ мед, донай, он садмы...

* * *

Вашкөдчö войыскөд —
Сьод синма чойыскөд
Кывбур.
Сёрнилөн сунисыс
Енэжлөн туйясö
Шлывгö.
Кодзула ольöдыс
Йöлаыс колльöдö
Шыяс.
Корсяна-аддзыттөм,
Эскана-лачатөм
Тыяс...

❖ ❖ ❖

Ок эськӧ нин тайӧ вежӧгтӧмыд да...

КЫК ЮКӦНА ВОРСАНТОР

ОЛӦМ СЕР ВӖЧЫСЬЯС:

РУЧОВ
КИРА
ЛИЗА
ФИМА
ӦКСИНЯ

МЕДВОДДЗА ЮКӦН

Воддза серпас

Карса патера. Шӧрас — ыджыд гостинӧй, ӧтарас тыдалӧ прихожӧйлӧн дзоляник юкӧн, а водзасджык — кухня, кӧнӧ тыдалӧны холодильник да пызан. Сцена мӧдар помас, авансцена пельӧсас, ичӧтик жырыын — пызан да улӧс. Прихожӧйӧ пырӧ Кира. Бур пася, киясас сумкаяс.

КИРА. Лиза!.. Лиза, мися!.. Тэ гортын? *(Кост.)* Бара нин кытчӧкӧ усйысьӧма. *(Кост.)* А тэ, Петя? Тшӧтш абу. Но мо-касьтӧ!.. Ладнӧ нин, шуам, Лиза... А Петяыс мыйла помся сёрмӧдчӧ? Эз-ӧ кӧть нин гуся пӧдругаӧс лӧсьӧд? *(Пӧрччысьӧ да пыртӧ сумкаяссӧ кухняс.)* Кӧкъямысӧд час, а сийӧ век на абу... Семьяа мортлы оз жӧ позь таdzi. Ковмас чырыштны. Лизалы абу и дивӧ. Сийӧ невеста ныв. Ок-ок-ок... *(Пуксьӧ.)* Лэбӧ тай кадыс, он небось сувтӧд. Сийӧ и виччысь, регыд зонмасьны пондас. Да-а... Абу эськӧ и дивӧ... *(Мыйсьурӧ сугзӧдӧ сумкасьыс да броткӧдчанмозыс индӧ холодильникас.)* Но и олӧм пуксис. Но и олӧм!.. Ерӧмакань, кыз шулис менам пӧльӧй. Донъясыс!.. Донъясыс быттӧ рокӧс вылын быдмӧны. Лунысь-лун ыдждӧны и ыдждӧны. Деньга серсӧ сӧмын и аддзылан. Демократъясӧн шусьысь демократистъясыд лӧкиник олӧмӧдз вайӧдисны. Петя кӧть и сералыштӧ ме вылын, мый ме пӧръясысь «демократьястӧ» демократистъясӧн шуа, но ме чорыда аслам кыв вылын сулала: найӧ абу прамӧй демократьяс, а демократьясӧ уськӧдчысьяс. Сидзкӧ, демократистъяс. Сюрсысь унджык видзи, а быттӧ нинӧм чӧскыдсӧ, дефицитнӧйсӧ, тайӧ сгушӧнка кындзиыс, эг и босьт. Да-да... Ме ӧд муса мортлы сьӧлӧм бурмӧдантор вылад сьӧм ог жалит... Со тайӧ «Молочная душасӧ» кӧть, но ньӧба. *(Босьтлӧ кияс сгушӧнка банка, бергӧдлыштӧ. Ышловзьӧ.)* А Петя тарыт, тыдалӧ, бара сёрмӧдчас... Ок-ок-ок да ок-ок-ок. Ас пыддиыс кӧть тайӧ банкасӧ окышта... *(Окыштӧ банкасӧ, сзэся петӧ прихожӧяс, босьтӧ мӧд сумкасӧ, пырӧ гостинӧяс, сугзӧдӧ бумага тубрас, разьӧ сийӧс да паськӧдӧ мича сера рӧма шӧвк пома.)* Час, нӧшта видзӧдла ньӧбӧмторйӧс. *(Павкнитӧ вы-*

лас, видзѡдчѡ рѡмпѡштанѡ, когі быттьѡкѡ тыдавтѡм нѣльѡг стенмас.) Мича... Зѣв мича платтьѡ петас. Бур козин лоѡ Лизалы кызь арѡс тыригкежлас. Со ѡд, со ѡд! Кызь арѡс нин. Самѡй нылалан кад. Ѣні сійѡс гортын он кут. Мый сѣсся вѡчан? Кыдзи шуѡны французяс: «Се ля ви». Сійѡ и виччысь, верѡс сайѡ чеччыштас. Менѡ пѡчѡн вѡчас!.. Абу на жѡ эськѡ окота сійѡ чинѡдзыс воны да. Нелямын сайѡ на ѡд сѡмын и воськовті. Оз на жѡ эськѡ сылы верѡс саяд пыльснитны ков да... А мый эськѡ и вѡчан? Ок-ок-ок... Ѣтарсянь кѡ, мед эськѡ пѡрысь нылѡн оз жѡ коль, мед эськѡ ѡдйѡджык прамѡй верѡспукѡд паныдасяс... А мѡдарсянь кѡ... Оз на жѡ ков тѣрмасьны. Мед эськѡ колледжсѡ помалас да вѡлисти нин зоньяс вылѡ кыйкьялас. А сідзнад, прамѡй невеста нин. *(Бергалыштѡ на рѡмпѡштан водзас.)* Мича, мича платтьѡ лоѡ. Аслым эськѡ тшѡтш выльѡс колѡ лѡсьѡдны, да ѡнія доньясѡн рѡзѡритчан, кынѡмтѡ ковмас джаджѡ пуктыны, а сювьястѡ — кѡрт тув йылѡ ѡшлыны.

Прихожѡяс триньѡ звѡнок — кодкѡ вѡйысьѡ.

Но, кодныскѡ тай локтѡны жѡ. А гашкѡ, кодкѡ бокѡвѡй? *(Юалѡ.)* Коді сэн? *(Вочакывѡйс гѡгѡрвотѡм. Восьтѡ ѡдзѡссѡ. Пырѡ Ѣксинья суседка.)*

ѢКСИНЬЯ. Олан-вылан, Кира Сергеевна.

КИРА *(кѡдзыга)*. Видза, Ѣксинья... ѡ-ѡ-ѡ...

ѢКСИНЬЯ. Кирилловна.

КИРА. Да-да, Кирилловна. Кутшѡм мог нѡ суис?

ѢКСИНЬЯ. Водзѡсасьны локті. Ужын кѡсья дасьтыны, а истѡг абу. Асывнас на шулі аслым, мися, истѡг колѡ ньѡбны, да вунѡді. Водзѡсавлы вит-ѡ-квайт тув.

КИРА. Мый нин вит-квайт тувнад водзѡсасьны. Колѡкѡ, дзонь кѡрѡб сетла.

ѢКСИНЬЯ. Водзѡсавлы. Коркѡ ѡд бергѡда жѡ. *(Кира пырѡ кухняс, а Ѣксинь кыйкнитлѡ горничаас, агдзѡ шѡвк поматѡ.)* О, кутшѡм мича сатин пома...

КИРА *(мычѡ истѡг кѡрѡб)*. Со, Ѣксинья Кирилловна.

ѢКСИНЬЯ. Аттьѡ. А тѣ, видзѡда, выль платтьѡ вылѡ пома ньѡбѡмыд.

КИРА. Ньѡби тай.

ѢКСИНЬЯ. Сатин али ситеч?

КИРА. Шѡвк.

ѢКСИНЬЯ. Но? Весиг шѡвк!?

КИРА. Эг аслым, Лизуклы.

ѢКСИНЬЯ. А аслыд нѡ мый он?

КИРА. Аслым вевьяла на. Ныв морттѡ ѡд колѡ верѡс сайѡ дасьтыны.

ѢКСИНЬЯ. Сійѡ, дерт, сідз. Нылыдлы колѡ мичаа вѡччыны, мед аслыс пѡвсѡ аддзыны. Олѡмыс тай ѡні сѣтшѡм. А водзті сьывлісны «потому, что на десять девчонок по статистике девять ребят».

КИРА. Сідз тай и вѡлі...

ѢКСИНЬЯ. А ѡні статистикаыд висьталѡ, «десять девчонок» вылад пѡ сѡмын кѡкьямыс зонка. И кымын водзѡ, сымын лѣкджык.

КИРА. Да?

ӨКСИНЬЯ. Да-да... Верөсъястө колө бура кутны. Ёна и мевйөдны да сюся видзөдны на бөрся, мед кутшөмкө том ныв либө мича дөва эз ылөд да эз пышйөд аслас позйө.

КИРА. Слабог, Петюшөй зэв ёна радейтө менө, том нывъяс да дөваяс вылад оз кыйкъяв.

ӨКСИНЬЯ. Да-да... Петяыд зэв ёна тэнө радейтө. Ловсө тэ вөсна сетас. Ме весиг видзөда тиян ылө да нимкодьяся. Со өд, мися, кыдзи радейтөны өта-мөдсө... Весиг веж петө тиян олөм ылө.

КИРА. Аттьө, Оксиньюшка, бур кывссыд. Аттьө... Мед Ен сетас и водзө тадзи жө бура миянлы овны да лов петтөдз өта-мөдөс меліавны да радейтны.

ӨКСИНЬЯ. Да-да... Ен мед сетас... Мед сетас... Сөмын... (Джөмгө.)

КИРА. Мый?

ӨКСИНЬЯ. Ставыс тиян бур... Сідзи и колө, сідзи и колө, мися, но...

КИРА. Мый, мися?

ӨКСИНЬЯ (нямлясьыштө быттө). Ставыс бур и сідз, кыдзи и колө, но... Оқ, Кира Сергеевна, асьтө оз жө ков вунөдны, эн өшибитчы. Том нылыд и мича платтьөтөгыд мича да муса. Чу-жөмыс шылыд, бандзибйыс алөй. А тэа-меа кодъыдлы буретш ас понданым колө ёнджыка төждысьны.

КИРА. Чайтан? А мыйла?

ӨКСИНЬЯ. Мед мужикъясыдлы пыр кажитчыны да ас дінө кыскыны. Мед ми пыр вөлім мичаникөсь да лөсьыдикөсь: кос-кыд нюдз и морөсыд джаджйөн.

КИРА. Чайтан?

ӨКСИНЬЯ. Дерт жө. Мед оз көдзавны!

КИРА (пагъялө на). Сідз эськө, да тэа-меалы оз нин ков мужиктө корсьны. А Лиза коддьөмлы өні буретш и колө мичмөдчыны да асьнысө мыччөдлыны.

ӨКСИНЬЯ. Кира, ылалан! Найөтө аддзасны на. Мися, найө и сідз шылыд чужөмаөсь, радейтасны и мевйөдасны.

КИРА. Нем абусө жө эськө висьталан да.

ӨКСИНЬЯ. Нем, шуан. И тэнад дона Петрөваныд оз кыйкъяв нывъяс бөрся?

КИРА. Чайтан, кыйкъялө?

ӨКСИНЬЯ. Чайта...

КИРА. Мыйла?

ӨКСИНЬЯ. Тэ синтөм-вежөртөм али мый?

КИРА. И синма, и вежөра на, чайта.

ӨКСИНЬЯ. Да тэ мый?.. Тэ тай... Öні кымын час?

КИРА. Но, шуам, көкъямысөд матысмө.

ӨКСИНЬЯ. Вот!.. Уджалан кадыс кык час сайын нин помассис, а тэнад Петрөваныд көні?

КИРА. Көні, юалан?

ӨКСИНЬЯ. Да.

КИРА. Служба вылас манитчө. Вывті пө уна уджыс. Юр выв тырныс вөйөмны.

ӨКСИНЬЯ. Тадзи тэныд висьталө, а збыль вылас код төдас көні манитөны?

КИРА. Чайта, оз ылӧдчы. Налӧн неважӧн сокращение вӧлӧма, кык морт пыдди уджавны пӧ лоӧ. Ас кадӧ оз вевъявны, а он вӧч — вермасны и турки-таркиавны.

ӦКСИНЬЯ. Пӧръясьӧ. Синтӧ сӧмын пӧртӧ. Налӧн сэнӧ, ыджыд керкаясас, томиник да мичаник, верӧстӧм на нылыд ном мында.

КИРА (*гӧзмӧмӧн*). Эн лӧсьӧдлы.

ӦКСИНЬЯ. Ме лӧсьӧдла? Ме?..

КИРА. Оз жӧ ӧд удж вылас мусукась. Мусукасьӧм вылад ӧд колӧ и кад. А ӧти часнад кутшӧм мусукасьӧм вермас лоны?

ӦКСИНЬЯ. Тэ, буди, прӧч йӧй, нинӧм он гӧгӧрво... Дзонь часыд буретш тырмас и окасьны, и маласьны, и кульсьывны да пасьтасьны. Он кӧ мем эскы и ов синтӧм кутю моз. Аттьӧ истӧгсьыд. (*Кӧсйӧ мунны, но порог горас сувтовкерӧ.*) Тӧдны кӧ кӧсьян... Сійӧ... Ладнӧ, ог нин висьтав...

КИРА. Сулавлы! Заводитӧн кӧ нин, висьтав.

ӦКСИНЬЯ. Ог, мися, висьтав. (*Бара кӧсйӧ мунны.*)

КИРА (*кутӧ*). Висьтав но! Полан али мый?

ӦКСИНЬЯ (*неуна нӧрӧвитыштӧ да вӧлисти*). Тэнад Петрӧ-ваныд и ме дӧнӧ лемасьны пондыліс. Кор тай Василейкӧд юксим. Ёна и мӧдліс мевйӧдны, да... ме сійӧс ӧкуратнӧя ӧтдорті.

КИРА. Но?... А мем Петя висьтавліс, мый ачыд пондылӧмьд...

ӦКСИНЬЯ. Со ӧд, со ӧд сійӧ кутшӧм! Тадзи и висьтасис? Повзис, тыдалӧ, мый явита тэныд.

КИРА. Пӧръясян жӧ буди-а?

ӦКСИНЬЯ. Кутшӧм мем выгӧда?

КИРА (*эскытӧма*). Кутшӧм пӧ... Мыйла нӧ эськӧ висьталін? Ог гӧгӧрво... Вай дугдам та йылысь. Кольӧма и вунӧма...

ӦКСИНЬЯ. Медъя, медъя... Вунӧдам. Сӧмын водзӧ сюсьджы-кӧн ло да видзӧд-туясь. Шуан, удж вывсьыс эз на во. Тайӧ каднас ёна на и вевъяласны мусукасьныд. Кык часнад...

КИРА. Тырмас! Эн дэльӧд да усьӧд.

ӦКСИНЬЯ. Ог эськӧ усьӧд да... Быд рыт сёр локтӧ-а. (*Ыш-ловзьӧ.*) Но, аттьӧ истӧгсьыд. Водзӧстӧ пырта. (*Мунӧ.*)

КИРА (*ӧтнас*). Но и суклясьысь. Бара на шызьӧдіс! Сьӧлӧмӧй быттӧ барабан колскыны пондіс. (*Кост мысти.*) Бӧръя кадӧ и ачим нин казавны куті, удж вывсьыс тшӧкыда сёрмӧдчӧмӧн воӧ. Сӧмын пыдди эг пукты-а, но... Думыштчан да и гӧгӧрвоан: збыль ӧд, сійӧ кӧдзалискодь, оз нин важ мозыс менӧ мевйӧд. Но эг кӧсйы лекторыслы эскыны, а этійӧ суклясьысь бур сосед-каӧй бура и лӧдсалис. Быттӧ чусалысь биӧ бензин койыштіс. Мый нӧ мем ӧні вӧчны? Миритчыны да синъяс тупкӧмӧн чӧв-лӧнь овны, быттӧ нинӧм ог казав? Али зыксьыны да пожъ-ялыштны юр вежӧрсӧ? Сӧмын ӧд... Кутшӧм тӧлк зыксӧмсьыд. Кута пинясьны да быд кыв дӧнӧ крукасьны — вермам и юксӧмӧдз воны. Чукӧртас кӧлуйсӧ дай мунас мусукаыс ордӧ. Гашкӧ, бурджык кызкӧ сералӧмӧн чуткавны да янӧдны? Мӧрч-час-ӧ? (*Кост.*) А гашкӧ, удж вылас ветлыны да гусьӧник кыйӧд-чыштны? И кызди тайӧс вӧчан? Гусьӧнтӧ ӧдвакӧ артмас. Ок-ок-ок... Но мокасьт... (*Кост.*) Нӧшта ӧти тӧжд содіс... Лиза дӧнӧ кутіс воливлыны пӧдругаыс. Серафима. Фима-Серафима. Зэв мичаник да авъя ныв, весиг аслам веж петӧ сьлӧн мич вылӧ. Петяӧй сы вылӧ зэв меліа да вежалӧмӧн видзӧдлывлӧ. Ок и меліа ськӧд сёрнитӧ. Бӧръя волігас, кор Фимаыс кутіс мунны,

Петюкөй уськөдчис сы бөрся, кватитіс паськөмсө да зэв нин сьолөмсянныс пасьтөдіс, весиг кутшөмкө бус чир ли гөн тор босьтіс пальто вивсьыс да пөльыштіс. Ок өд кутшөма ныв ді-нас леститчис. Сё ей Бог, сы вылө радейтчис. Кутас кө и водзө воливлыны нывкаыс, мый мем и вөчны? (*Торгөдчө.*) Со, өдзөсын, кылө, ключөн гольснитісны, кодныскө локтөны.

Пырөны Лиза да Фима пөдругаыс.

КИРА (*оз на агдзы найөс*). Коді нө? Тэ, Петя?

ЛИЗА. Тайө ме, мам!

КИРА. Воин жө...

ЛИЗА. Пөрччысь, Фима, прөйдит. (*Пөрччөны пальтояссө, пырөны горничаө.*)

ФИМА. Видза оланныд, Кира Сергеевна.

КИРА (*нылысы*). Көн нин та дырасө шөйтан?

ЛИЗА. Мам! Кутшөм тэнад мода: пырөмөн тшөтш юасьны, көні вөлі да мый вөчи? Ме өд абу нин дзоля. Пөдруга водзын весиг абу лөсьыд.

КИРА. Сідз нин велалөма.

ЛИЗА. Батьлысь сідз жө: көн вөлін да мый вөчин?

КИРА. Сылысь пыр и колө юасьны.

ЛИЗА. Мыйла эськө?

КИРА. Мед оз вунөд, мый сылөн эм гөтыр да семья.

ЛИЗА. Оз тай и вунөд.

КИРА. А көн нө, сідзкө? Регыд көкъямыс час, а сылөн и дукуыс абу...

ЛИЗА. Удж вылас манитчө.

КИРА. Гашкө и удж вылас. Стөчджыка кө шуны, уджала-нінас... Сөмын, бара жө стөчджыка кө шуны, коді сәні сійөс кутө?

ЛИЗА. Дугды, мам. Миян бать абу сэтшөм. Эн янөд бокөвөй морт дырйиыс.

КИРА. Но-но, тырмас и эм. (*Вежө гөлөссө.*) Чай юаннныд?

ЛИЗА. Юам. Но водзвыв ми пыралам менам вежөсө. Сёрни-тыштны колө.

КИРА. Но-но... Батьыд воөм бөрын ме тіянлы мыйкө мыч-чөдла. (*Мунө кухняас.*)

Лиза да Фима мунөны мөд жырийө. Кира пырө кухняас, ноксьө плита дорын. Некымын здук мысти торгөдчө.

КИРА. Петрөванөй воис! Ключнас гольскөдчө со.

Кухняө юрсө сөйлө Ручов.

РУЧОВ. Кирочка-а!.. Бур рыт...

КИРА (*забегуйтөмөн*). Воин жө сэссия...

РУЧОВ. Вои, вои.

КИРА. Ноко, видзөдла көть тэ вылө. (*Кутө верөссө пель-помьясөдыс да дыр сюся видзөдө сылөн чужөмө.*) Мусаөй! До-наөй!.. Вай ме тэнө окышта.

РУЧОВ. Ме абу паныд. (*Окасьоны.*) Кынөмын шутялялө.

КИРА. Вирдало кө-а?

РУЧОВ. Ладно, вирдало. Чайта, ме они верма сейны дзонь кукань дай ведра рок.

КИРА. Но?.. (*Эскытөма.*) Мый нин сідзи? Көні да кутшом удж лөмитін, мый сэтшөма тшыгыялін? Сортөвөй вөр порөдін али из лөсін?

РУЧОВ. Ни өтисө, ни мөдсө.

КИРА. Ноко, ноко, нөшта видзөдла чужөмад. Син гурантыасд быттьо вөйөмаось... Сідзкө, шуан, мый сэтшөмсө вөчин?

РУЧОВ. Кыдзи пыр — бумага марайтi.

КИРА. А мем кажитчө, тэ ылөдчан. А?..

РУЧОВ. Да тэ мый? Мыйла сідз чайтін? Некор тадзи эн юасьлы да!

КИРА. Да ог, ог... Сөмын... Мусаой! Вай эн ылөдлы менө. Ме өд тэнө сэтшөма радейта!

РУЧОВ. Мый талун тэкөд лои? Татшом ногөнсө важөн нин эн сёрнитлы мекөд.

КИРА (*кватитчө да кутыштө асьсө*). Сёрнита кыдзи и пыр. Кыдз сёрниті төнлун и вөйдөрлун.

РУЧОВ. Ой, Кира... Онджык сідз... Мыйкө миян лоис? Кутшөмкө притча суис?

КИРА. Некутшом притча эз су, ставыс бур. Сөмын... Вель дыр рытыяснас гортө он во да... Дөзмыны куті. Гажөй бырө.

РУЧОВ. Тэ мый? Он-ө көть нин вежөгты менө?

КИРА (*серамсорөн*). Ог, ог... Сөрөдз кутін манитчыны, мися, да сійө медсясө. Бумага марайтысьыс тай төрөкан моз рөдмыны кутінныд. Регыд бумагасө вөчны оз кутны вевъявны.

РУЧОВ (*эскытөма*). Да? А сёрнитан сідз, быттьо мыйкө лоис. Но эз кө, и эз. Тырмас та йылысь. А эстөн, прихожөяд, өшалө пальто... кажитчө, Фималөн?

КИРА. Сылөн...

РУЧОВ. Лизакөд жырьяс?

КИРА. Сэн.

РУЧОВ. Зэв бур...

КИРА. А мый бурыс?

РУЧОВ. Мый воывлө. Лизуккөд ёртасьө-дружитө. Гашкө...

КИРА (*мудеритөмөн, дзебыштөм серамөн*). Мый — гашкө?..

РУЧОВ. Гашкө, вердыштан нин?

КИРА. Да дерт нин вердышта. И найөс көсий чайөн юктөдны.

РУЧОВ. Сідзкө, бур... Ёти сайысь и менө, и найөс. А ме радпырысь отсала тэд дасьтыны и чай, и сөян-юан.

КИРА. Но? Зэв тай бур... Ётчыд көть отсалышт...

РУЧОВ. Мый нин тэ, Кира... Ме пыр дась... Кор эшта... Кор вевъяла...

КИРА. Некор он вевъявлы. А они буретш вевъялан?

РУЧОВ. Вевъяла, вевъяла. Сөмын ветла да чолөмала Фимасө. (*Мунө Лиза жыр өгзөс дорө да торкөдчө.*) Позьө-ө? (*Саялө.*)

КИРА (*аслысмоз*). Терпенньөйс өд со абу, окота өдйөджык адзөддыны. Тайө абу прөста, абу весь. Но-но, чолөмась, а ме сюсьджыка кута кыйөдчыны. И тэ бөрся, и сы бөрся...

Пемдылө. Сэссия югзьө авансцена пельөсын Лизалөн жыр.

ЛИЗА. Тэ, Фима, зэв сюсь да писькӧс морт. Меным ёна кажитчан.

ФИМА. Эн жӧ вывтӧ ошкы.

ЛИЗА. Ньӧти ог. Весиг бать шуліс, мый тэ кажитчан сылы.

ФИМА. Ошканныд, ошканныд, да сэсся и ошкӧ пӧра.

ЛИЗА. Абу весь ошкӧм. Велӧдчан бура. Студенческой рытьяс вылын бура сёрнитан-выступайтан. Сэтшӧм авторитет шедӧдін, мый комитетӧ бӧрйисны. Ме весиг вежала, завидьта тэныд.

ФИМА. Тэ и ачыд бура велӧдчан.

ЛИЗА. Тэнад отсӧгӧн бурджыка кутӧ. А водзтӧ... Ладнӧ, ог нин висьтав...

ФИМА. А мыйла? Мый сэтшӧмсӧ кӧсьян гусьӧдны?

ЛИЗА. Тэкӧд тӧдмасьтӧдз... Меным отсасис ӧти зон...

ФИМА. Да? Тайӧ интереснӧ. Но-но, висьтав, заводитін кӧ.

ЛИЗА. Ме дружитӧ ӧти зонкӧд, кодӧ велӧдчис кык курсӧн водзджык. И мем сетывліс ассъыс конспектьяссӧ.

ФИМА. Но и зэв бур. Таысь секрет вӧчны оз и ков. А кодӧ сійӧ?

ЛИЗА. Ог на висьтав. Ми ськӧд зыксим.

ФИМА. Мыйла?

Пырӧ Ручов.

РУЧОВ. Серафима, рочакань!.. Мем нимкодъ бара аддзыны тэно, и сьӧлӧмсянь пӧся чолӧмала. Вайлы китӧ... (*Окыштӧ мыччӧм кисӧ.*) Тэ лунысь лунӧ мичман и сӧвман, кыдзи медмича дзоридзыс.

ФИМА. Пётр Тимофеевич, мый нин тӧ? Ме со весиг гӧрдӧдӧ. Чужӧмӧй, кӧнкӧ, сотчӧ.

РУЧОВ. Кор тэ гӧрдӧдыштан, нӧшта на мичаджыкӧн овлан.

ФИМА. Пётр Тимофеевич, тӧ менӧ прӧч шӧйӧвоштӧд. Меным весиг лӧсьыдтӧм лой... Прӧститӧй, ме, пӧжалуй, муна. (*Кӧсйӧ мунны.*)

РУЧОВ. Энлы, эн на мун. Ужнайтышт миянкӧд.

ФИМА. Ме абу тшыг.

РУЧОВ. Но и мый? Чай юан. Ме тэно сӧдз ог лэдз. Здук виччысьыштӧй, муна тэрмӧдлышта Кираӧс. Тӧ тан варовитыштӧй, а некымын здук мысти ми чукӧстам тӧянӧс. (*Мунӧ.*)

ФИМА. Ёна жӧ нин тэнад батьыд вежавидзысь. Весиг деливӧ лолӧ. Родышта ме сыысь.

ЛИЗА. Сійӧ сэтшӧм и эм. Йӧзтӧ пыдди пуктӧ. Олӧмаӧс кӧть томӧс.

Лизалысь жыр пельӧссӧ югдӧдысь би кусӧ.

ПЕМДЫЛӧ.

Мӧд серпас

Сэн жӧ. Сӧмын на помалӧмаӧсь ужнайтӧм. Ӑти бӧрся мӧд чеччӧны пызан сайысь.

ФИМА. Аттьӧ тӧянлы, Кира Сергеевна да Пётр Тимофеевич. Ставыс вӧлі зэв чӧскыд. Тӧ, Кира Сергеевна, кулинарнӧй мастер.

КИРА. Менам оз на ставыс сідз артмы, кызди мамлӧн. Вот сійӧ вӧлі мастер, сійӧ восьтіс мем ассьыс секретъяссӧ.

ФИМА. Дзик весь асьнытӧ омӧльтанныд. Збыль, ставыс чӧс-кыд.

РУЧОВ. Кажитчис кӧ Кирочкалӧн сёян-юаныс, водзӧ волев-лы. Чаюйтны ли, ужнайтны ли. *(Помся зэв меліа виззӧдлывлӧ Фима выль.)*

ФИМА. Аттьӧ водзӧ выль корӧмысь, аттьӧ. Но, ме муна. Ка-дыс сёркодь нин.

КИРА. Эн на тэрмась. Кора виззӧдлыны да донъявны ньӧбӧм-торйӧс.

ФИМА. Дерт жӧ, дерт. Тайӧ зэв интереснӧ.

РУЧОВ. Но? Меным зэв жӧ окота аддзывны.

КИРА. А тэ, Лизук, мый нинӧм он шу?

ЛИЗА. Кӧсйи пызан вывсьыным идравны. Но энотчыла... Виччыся, сідзкӧ. Мый сэтшӧмсӧ мыччӧдлан?

КИРА. Дерт нин мыччӧдла.

**Разьӧ тубралӧм шӧвк помасӧ да паськӧдӧ. Ставӧн чуймӧмӧн нюжӧдӧны:
«О-о».**

ФИМА. Зэв мича. Тіянлы зэв на и лӧсялас.

КИРА. Ог аслым. Чайта Лизалы чужан лун кезлӧ вурӧдны платтьӧ.

ФИМА. О-о! Лизалы тайӧ нӧшта на ёнджыка мунас.

ЛИЗА. Мамук!.. Аттьӧ тэд!.. *(Сывъялӧ да окалӧ мамсӧ.)* А ме буретш кӧсйи та йылысь сёрнитны. Мися, регыд чужан лун, да бур эськӧ сэк кезлӧ выль платтьӧ лӧсьӧдны. Аттьӧ, мамук.

РУЧОВ. Збыль лӧсялас. Молодеч, Кирочка.

КИРА *(Лизалы)*. Ноко, павкнитлы вылад.

Кира паськӧдӧ помасӧ Лиза пельпом выль, Лиза мунӧ рӧмпӧштан водзӧ да тшапитчыштӧмӧн бергалӧ.

ФИМА *(Лизалы)*. Менам ӧти тӧдса нывлӧн эм модаа жур-нальяс, матысса лунъясӧ верма вайлыны, мед бӧрйыны фасон. Кӧсьян?

ЛИЗА. Дерт, кӧсья. Вайлы, вайлы.

КИРА. Вайлан кӧ, зэв бур.

ФИМА. Но, аттьӧ тіянлы, ме муна. Аддзысьлытӧдз, Кира Сергеевна. Аддзысьлытӧдз, Пётр Тимофеевич. Лизук, дью. *(Мӧдӧдчӧ прихожӧяс.)*

РУЧОВ *(мунӧ сы бӧрся)*. Волы, быть волы. Кор окота лоӧ ли-бӧ кутшӧмкӧ мог суас, сэк и волы. Кӧть журналӧн, кӧть сытӧг. Ми пыр лоам радӧсь. Час, ме тэд отсала пасьтасьныд. *(Босьтӧ Фималысь пальтосӧ да отсалӧ кышасьны.)*

Лиза век на бергалӧ рӧмпӧштан водзын, а Кира мунӧ Ручов бӧрся да ви-ззӧдӧ, кызди сійӧ ноксьӧ Фима дорын.

ФИМА. Аттьӧ тіянлы, Пётр Тимофеевич.

РУЧОВ. Дзик немесь.

Нюжөдө кисё Фималань, ныв нюжөдө кисё воча, а Ручов окыштö. Фима
вöчö книксен да мунö. Кост.

КИРА (сулалö öгзöс шöрас). Но-но... Сьölöмыд бурмис?

РУЧОВ. Мыйысь?

КИРА. Мый нин сöмын кисё окыштін? Коліс и вомдоръяссö
чупнитны.

РУЧОВ. Тэ мый, Кира? Вежөгтан али мый? (Кост.) Пыр
элясян, быттö уджвывса нывбабаяс дінын манитча, а öні и
Лизалөн пöдрута дінö вежөгтыны пондін?

КИРА. А мый нö эськö?.. Менсьым киöс тай некор на эн
окышты, а тайö кузь бöжа катшаыслы помтöг окалан.

РУЧОВ. Кирочка! (Кöритана, тешитчыштöмөн.) Дугды нин
тэ сьölөмтö песны да юртö дурмөдны. Ме радейта тэнö, и сö-
мын тэнö.

КИРА. А мыйла мукөдлысь кияс окалан, а менсьым он?

РУЧОВ (сералö). Окала, колөкө, окала. (Кватитö да окыштö
Киралысь кисö.) Ме тэнсьыд не сöмын киястö окала... Но и
баңзибтö, и вомдортö... (Окалö.) Но? Сьölөмыд бурмис?

КИРА (лигышмунлö). Эз...

РУЧОВ. Мыйла?

КИРА. Ставсö колö вöчны ас кадö. Оз ков виччысьны, кор
тэнö нырнад зульöдасны.

РУЧОВ. Со кыздз... Ладнö, кута тöдны. Сöмын... Ме мөд ног
ог нин куж...

КИРА. Нэмыс эн кужлы... Мыйла сöмын и петавлі тэ сайö?

Лиза босьтö пызан вывсьыс кутшөмсюрö дозмук да көсийö нуны кухняяс,
но öдзөсас быттö джөмдö.

ЛИЗА. Ті зыксянныд али мый?

РУЧОВ. Ог нин, ог... Ставыс бур... Но, муна аслам пельöсö.
Колö вöчны кутшөмсюрö пасйөдьяс.

Лиза да Кира новлöны пызан вывсьыс.

ЛИЗА. Тэ, мамук, мыскав, а ме муна неуна занимайтчышта.

КИРА. Мун, мун, занимайтчы.

Лиза мунö, а Кира локтö гостинйö да видзөдчö рөмпöштанö, шылькнитö
чужөмбансö.

КИРА. Чукрыс тай эськö абу на жö, но... сійö и виччысь,
мый аски-аскомысь лоас. Ковмас кутшөмкө кремьяс да мазьяс
ньюбны. Петрованой прöч көдзалас, чукрыөссьыны кө понда. Со
өд, со өд кызди Фима-Серафима вылас видзөдö. Вежалөмөн.
Гашкө, и збыль нин радейтчис. Лоö ас бөрся бурджыка ви-
дзөдны. (Видзөдыштö аслас паськөм вылö.) Платтёой абу нин
сэтшөм мича и. Колö эськö выльöс жö лосьөдны, да сьөмнад
тай дзескыд лои. Донъясыс — юрсиыд сувтас!.. Да и вурөдны
ательеын — бура кулыштасны... Мый и вöчны?.. (Думыштчö.)
А мый эськö, Лизалы ньюбөмсьыс кө аслым вурөдны?.. Сусед-
каным тай шуö, том нылыд пö и сідз на мича да шыльыд чу-

жӧма, а миянлы, олыштӧма бабаяслы, ас вӧснаным ёнджыка колӧ тӧждысьны. Сё збыль... Сідзи и вӧча. Вурӧда ас вылӧ, а Лизук терпITYштас. Чужан лунӧдзыс тӧлысь сайӧ на... Мыйкӧ думыштрам сэтчӧдз.

ПЕМДЫЛӦ.

Коймӧд серпас

Ручов патераын. Авансцена пельӧсас Кира видзӧдӧ телевизор. Кылӧ кутшӧмкӧ мича сыланкывлӧн пом.

КИРА (*видзӧдлӧ часі вылас*). Кад нин и ужын дасьтыны. (*Кусӧдӧ телевизорсӧ да мӧдӧдчӧ кухняӧ. Триньгӧ звӧнок.*) Со кодныскӧ воисны. (*Восьтӧ ӧдзӧссӧ. Пырӧ Оксинья.*)

ӦКСИНЬЯ. Бур рыт, суседка.

КИРА. Бур рыт, бур рыт.

ӦКСИНЬЯ. Уджйӧзтӧ вайи. Со. (*Мыччӧ истӧг кӧрӧб.*) Аттьӧ водзӧсалӧмсьыд.

КИРА (*веськодя*). А-а... Нинӧмысь.

ӦКСИНЬЯ. Платтьӧтӧ Лизаыдлы закажитін нин?

КИРА. Эг на...

ӦКСИНЬЯ. Мый сідзи?

КИРА. Думайтам на... Фасонсӧ пока эг бӧрйӧй.

ӦКСИНЬЯ. А-а... Да-да... Фасонтӧ колӧ бура бӧрйыны. Ӧнія том йӧз ёна чигӧсь да бӧрйысьысьсӧ.

КИРА. Ми эськӧ бӧрйысьлім жӧ да. Сэсса верӧс саяд петӧм бӧрын чайтам, быттьӧ оз нин и ков ас йывсьыд тӧждысьны. Ставсӧ судзӧма, и быдтор тырмӧ... Но ӧні ме мӧд ног думайта.

ӦКСИНЬЯ. Кутшӧм ногӧн нӧ?

КИРА. А тэ уськӧд тӧд вылад, мый кодкӧлун висьталін...

ӦКСИНЬЯ. А мый нӧ ме висьталі? Менам и вунӧма нин, мый йылысь сёрнитім.

КИРА. Шулін, мый миянлы, мужика бабаясыдлы, нелямын арӧс тырӧм бӧрад ас йывсьыным ёнджыка тӧждысьны колӧ. Мед пыр мичаӧсь да мусаӧсь вӧлім, мужик рӧдтӧ кысканаӧсь.

ӦКСИНЬЯ (*серамсорӧн*). Да-да... Висьтавлі и эм. Но тайӧ ӧд збыль сідзи. Лэдзчысян кӧ, мужикъясыд мӧдъяс вылӧ пондасны кыйкъявны. Сэки на бӧрся — ой! — сюся колӧ видзӧдны. Ой сюся!.. Со ме некымын минут сайын... (*Джӧмгӧ.*)

КИРА (*кост бӧрын*). Но?.. Мый бара кӧсьян висьтавны?

ӦКСИНЬЯ. Да ме сідз... Мед водзӧ вылӧ тӧдін. (*Быттьӧ кӧс-йӧ мунны.*)

КИРА (*кутӧ суседкасӧ*). Ӧксиньюшка, эн мудерит. Висьтав, мый кӧсийн.

ӦКСИНЬЯ (*ышловзӧ*). Но паськыд вом! Мый сэсса вӧчан. Тэнад муса верӧсыд гортад нин?

КИРА. Эз на лок.

ӦКСИНЬЯ. Но!.. Сідзкӧ, век на сэні... Сыкӧд?

КИРА. Кӧні? Кодкӧд?

ӦКСИНЬЯ (*довкйӧдлӧ юрнас, быттьӧ каитчӧ да видӧ асьсӧ*). Но пеж вом... Но кутӧдтӧм кыв...

КИРА. Кытысь аддзылін? Но!.. Больснитін кө нин, висьтав помөдз...

ӨКСИНЬЯ. Да сідз шусис. Нинөм ме эг аддзыв...

КИРА. Эн пөръясь! Висьтав, висьтав!..

ӨКСИНЬЯ. Некодөс эг аддзыв. Нинөм ог төд. (*Бергөдчө, бара көсйө мунны.*)

КИРА (*кутө Оксиньөс*). Сулав, мися!.. Висьтав, мый аддзылін?

ӨКСИНЬЯ. Крукасин тай... Аддзылі, аддзылі!

КИРА. Кодөс?.. Петяөс?..

ӨКСИНЬЯ. Сійөс тай пукті-а. А гашкө, эз и сійө вөв. Мем прөстө кажитчис...

КИРА. Кодкөд? Кодкөд, мися?

ӨКСИНЬЯ. Сыкөд...

КИРА. Кодкөд сыкөдыс?

ӨКСИНЬЯ. Лизаыдлөн пөдругаыскөд... (*Кватитчө быттьө. Веськодя моз.*) Да эз сійө вөв! Сорси, көнкө.

КИРА (*усьөм гөлөсөн*). Сідзи и чайті... (*Өксиньялы.*) Көні? Кытысь аддзылін?

ӨКСИНЬЯ. Улич вылын паныдасисны.

КИРА. Кутшөм улич вылын? (*Шөйөвошөмөн.*) Окасисны?

ӨКСИНЬЯ. Кор аддзысисны, Ручовыдлөн чужөмыс шонді моз югзис, сэсса Фима-Серафимаыслысь кисө окаліс.

КИРА. Водзө мый?..

ӨКСИНЬЯ. Муртса сёрнитыштисны да мунісны матысса кафеө.

КИРА. Кафеө? Тайө кор вөлі?

ӨКСИНЬЯ. Сөмын на.

КИРА. Көні, кутшөм кафеынөсь?

ӨКСИНЬЯ. Кыдзи и висьтавны тэд?.. Коді тай площадь вылад.

КИРА. Со кызд?! (*Уськөдчө пасьтасны.*) Час, ме сылы мыччөдла пуж! Став юрсисө някрала. (*Өксиньялы.*) Ме муна. (*Петөны.*)

ПЕМДЫӨ.

Нельөд серпас

Сэн жö. Патераас некоді абу. Недыр мысти пырö Лиза, а сы бöрся и Фима.

ЛИЗА. Мам, тэ гортын? (*Чөв-лөнъ.*) Абу. Но и мед... Пөрччысь. (*Пөрччысьöны да пырöны ыджыд жырьяс.*)

Листалöны модаа журналъяс.

ЛИЗА. Со тайö кө-а... (*Индö серпас вылө.*) Абу омоль. Буретш. Морöсыс абу ёна вöсьса и. Сөмын... Морöссö кө нöшта дорöсавны неыджыд оборкиөн. А?

ФИМА. Позьö. А паськөдыштны кө декольтэсö?

ЛИЗА. Оз ков. Татшөмыс тырмымөн. Вöчам закладка да листалыштам водзö. (*Костас пуктöны закладка.*)

ФИМА. Ладнö. (*Бара листыштöны некымын лист бок.*) А вот тайö кызди тэд?

ЛИЗА. Абу омоль... Но и воддза сертиыс абу бурджык. Пасйылам, колөкө. (*Бара вöчöны закладка.*)

ФИМА. Видзӧдам мӧд журналсьыс. (*Листыштӧны лист мӧг-коймӧг.*) Эн тэрмась, видзӧдлы тайӧс. (*Ингӧ.*) Меным тайӧ медся кажитчӧ. И ме думысь, мамыдлӧн ньӧбӧмторйыс тайӧ модель вылас буретш лӧсялас.

ЛИЗА. Да, тайӧ, пӧжалуй, медся лӧсялас.

ФИМА. Гашкӧ, тайӧс и босьтам?

ЛИЗА (*ыгъясьӧмӧн*). Видлалам нӧшта...

Листалӧны. Некумынысь сувтышталӧны, но листалӧны водзӧ.

ФИМА. Водзӧ нинӧм интереснӧйыс абу. Ме гортын кык пӧв нин листалі став журналсӧ.

ЛИЗА (*бара на ыгъясьыштӧ*). Ме век жӧ помӧдзыс листала.

ФИМА. Но, листав колӧкӧ...

Лиза листалӧ на некумын лист. Фима сюся видзӧдӧ, сэсся сувтӧдӧ Лизаӧс.

Гашкӧ, тайӧ тӧд кажитчас?

ЛИЗА. Воддзаясыс интереснӧйджыкӧсь...

Прихожӧяс тыдовтчӧ Кира.

КИРА. Лиза, тыдалӧ, гортын нин. (*Пырӧ водзӧ да гжӧмгӧ.*) Но?! Да и Фима-Серафима тані жӧ... Кор и вевъялӧма миянӧ? (*Аслымоз.*) Кыдзкӧ вежӧнасим?

ЛИЗА. Гортын нин, мам, гортын.

КИРА. Но и бур. Мый нин вӧчаннӧд?

ЛИЗА. Видзӧдам журналъяс. Бӧръям фасон.

КИРА. И бӧрйиннӧд нин?

ЛИЗА. Эг на. Пасйим куим-ӧ-нӧльӧс.

КИРА. Мыччӧдлӧй...

ЛИЗА (*петкӧдлӧ водгза листъясьяныс*). Со тайӧс. (*Видзӧгӧны. Кост.*)

КИРА. А ме вылӧ тайӧ фасоныс лӧсялас оз?

ФИМА. Лӧсялас жӧ, буди...

ЛИЗА (*ловзьӧмӧн*). Мам, тэ аслыд тшӧтш кӧсьян вурӧдны?

КИРА. Думайта.

ЛИЗА. А кутшӧм матерьеысь?

КИРА (*нямлясьыштӧ быттӧ*). Кыдз эськӧ и висътавны тэныд?.

ЛИЗА. Висътав, кызди мӧвпалан.

КИРА. Кыдзи мӧвпала, шуан?

ЛИЗА. Дерт нин сідзи.

КИРА. Ме со витӧд дас вылӧ вуджи. Чужӧмӧй чукурӧссьыны пондіс, мустӧмма... (*Видзӧгчӧ рӧмпӧштанӧ.*) Тыдалӧ, лӧӧ заводитны краситчыны-баситчыны. Ті, том йӧз, верманныд чуйдӧдны менӧ, кутшӧм кремъяс да мазьяс ёнджыка лӧсяласны.

ФИМА. Мый нин ті, Кира Сергеевна. Ті зэв на томӧн видзӧдчад и мичаӧсь на...

КИРА (*Фимакӧг сёрнитӧ кӧдзыда, коса*). Век жӧ абу нин дас кӧкъямыс-кызь арӧса, кызди тэ. А-а?.. Али тэ он кӧсйы мем отсавны? Со суседкаяс да уджыввса ёртъяс шуӧны, абу пӧ нин важся кодъыд. Колӧ пӧ мичаджыка пасытасьны-вӧччыны. Тшӧ-кыдджыка вежлавны платтьӧ-ковтаястӧ.

ЛИЗА. Тэ, мамук, дзик весьшөрö таысь майшасян.

КИРА. Йöзыс кө шуöны, сідзкö, збыль. Да-да. Ме сідзи жö куті мөвпавны. Томдырся мичтö воштöм пыдди, колö мичаджыка пасьтасьны. Вот ме и чайта, мый тэныд вылö ньöбöм шöвксьыс вурöда аслым. Сьöмъяснад ми дзескыда олам и кык платьö öтпырйö вурöдны ог вермöй. А сэсся чукöртыштам сьöм да тэ вылö вурöдам.

ЛИЗА (*вежсьöм гөлöсөн*). Мамук... А ме сэтшöма öзйылі!..

КИРА. Виччысьыштан. Сöмын эн дöзмы ме вылö. Сідз колö. Батьыд со кутіс томджыкъяс да мичаджыкъяс вылö кыйкъявны. (*Видзöдлö Фима вылö.*)

ЛИЗА. Мыйла сідз чайтан?.. И код вылö сійö кыйкъялö. (*Ворсöдчыштöмөн.*)

КИРА. Эн на кө казаяв, регыд аддзан. Регыд. Сöмын сюсь-джыка видзöд ас гөгöрыд.

ЛИЗА. Но, мам, тэ менö чуймöдін.

КИРА. Кор аддзылан, нöшта на ёнджыка чуймавны кутан.

ЛИЗА. Ог көсйы эскыны. Кодкö батьöс ёна и суклялöма.

КИРА. Видзöдлам, видзöдлам. Но ладнö, вайö журналъястö виддалам. Сöмын бөръям ме вылö.

Лиза да Фима шöйöвошöмөн видзöдлöны öта-мöд выланыс да ышловзьöны.

КИРА. Тэ, Фимушка, ме вылö бурджыкöс дерт, бөръян... Сідз öд?

ФИМА (*кусыштöм гөлöсөн*). Дерт жö, Кира Сергеевна.

Листалöны.

Кызди тiянлы кажитчö со тайö?

Кост. Прихожöйын тыдовтчö Ручов, пöрчысьö да пырö гостинöйö.

РУЧОВ. Бур рыт, донаяс! Мыйöн нин менам муса аньясыс тані ноксьöны?

Нывъяс кыпыда чолöмалöны Ручовöс, Кира видзöдö сы вылö букуштчöмөн.

КИРА. А тэныд ёна колö тöдны, мый ми, бабйö котырыс, гортаным вöчам?

РУЧОВ. Дерт жö окота.

КИРА (*лөгпырысь*). А мем вот окота тöдны, көні тэ та дыраыс шландайтін? Кодкöд кафе-ресторанъясöдыс шныркйысян?

РУЧОВ. Мыйла тэ чайтан, мый ме ресторан-кафеын шныркйыся? Кытысь татшöм мөвпыс чужис?

КИРА. Тайö мөвпыс, Петюш, эз ачыс чуж, тайö юöрсö менам пельöдз вайöдісны.

РУЧОВ. Но, дивö! Балябöжöс гыжйыштны он эшты, а гортын тöдöны нин, көні ме да мый вöча. Кутшöм телеграфистка тэд юөртіс?

КИРА. Тэд тайöс абу быть тöдны. (*Лёка.*) Но!.. Висьтась! Вöлін кафе-ресторанас?

РУЧОВ. Но, шуам, вöлі...

КИРА. Кутшöм кралякöд нин ресторанъясöдыс кысьясян?
РУЧОВ. А ог кö висьтав?

КИРА. Ачыд он висьтав — ме висьтала.

ФИМА. Кира Сергеевна, мекöд сийö пыраліс кафеас. Мекöд.

КИРА. И тшöкыда сэн аддзысьланныд? Гашкö, Лизуккöд ёр-
тасьны пондін буретш сы понда, мед не сöмын кафе-ресто-
ранъясын аддзысьлыны, а и миянö пырны?

РУЧОВ. Кира!.. Мыйла нö нем абусö шуалан? Оз öмöй позь
тöдса морткöд пыравны кафеö?

ФИМА. Кира Сергеевна!.. Мый ті лöсьöдланныд?! Тайö позь-
тöмтор. Лизаыдкöд тöдмасьтöдз ме Пётр Тимофеевичöс эг тöдлы,
ни эг аддзыв. А талун... кызкö случайнö паныдасим. Пётр Ти-
мофеевич юаліс, кытчö муна. Шуи — кафеö, мися, кофе юышт-
ны. Но вот... Сийö тшöтш мекöд пыраліс.

ЛИЗА. Мам! Мый тэкöд лоис? Он жö öд Фимаöс вежөгты!..

КИРА. А мый эськö и огыс? Менö тай некор кафе-ресто-
ранад оз нуöдлы...

РУЧОВ. Да сэтшöма нин кö тэд окота, колöкö, öні жö и
мунам.

КИРА. Бокад тувкниттөг, небось, он нуöд...

РУЧОВ. Ветлам, колöкö. Дерт, сэн зептö гугöдасны, но сэт-
шöма кö нин тэд окота, мунам.

ФИМА. Кира Сергеевна, ті дзик весь тадзи думайтад. Дзик
весь... *(Чеччö.)* Прөстит, Лиза, ме муна. Журнальяссö кольла.
Аддзысьлытöдз. *(Мунö прихожөяс.)*

ЛИЗА. Тэ, мамук, дзикöдз менö янöдін.

**Тшöтш мунö прихожөяс. Сэтчö жö мунö и Ручов, көсийö отсавны Фималы
пасьтасьны.**

ФИМА. Пётр Тимофеевич, оз ков... Ме ачым... Позьö öмöй
та бöрын?.. Прөститöй.

РУЧОВ. Тэнö прөститныс немьсь. Тэ прөстит менö. И Кираöс
тшöтш. Садьялас да кайтчыны жö пондас. Аддзысьлытöдз. *(Ру-
чов мыргысьöнмоз оқыштö Фималысь кисö.)*

КИРА. Со кыз!.. Но и Петюш!.. Ми коддьöмсьыс умин. То-
миник нывъяс ковмисны? Яндысьтöм син!.. *(Матыстчö Ручов
дорö да швачкö бан бокас, мунö горничаас, пуксьö пызан горас
да бöрггзö.)*

ФИМА. Прöщайтöй. Прөститöй, мый тадзи артмис. *(Петö.)*

РУЧОВ *(ышловзьöмөн)*. Да-а-а... Зэв мисьтöма артмис. *(Пырö
ыджыд жыръяс.)* Кира, кызди тэд абу яндзим?

КИРА. Яндзим? Мем?.. Кыдзи тэд абу яндзим? Тэд?!.

РУЧОВ. Кира, тэ дзик весь. Ни Фимакöд, ни кодкөдкö мөдкөд
ме ог мусукась.

КИРА *(яра)*. Висьтавныд позьö. Ме тэнö радейтлі и нэмыс
эскылі. А öні — шабаш!.. Дырджык кö кутан манитчыны «удж
вылад», игнася и ог кут лэдзны. Мун мусук дінад да сэн и ов,
а ми Лизуккöд тэнö öтдортам. Вöтлам!.. Көлуйтö чоботанö тöба
и петкөда öдзöс сайö. *(Кост.)* Кылан? Видлы сöмын сёрмөд-
чывны!

МӨД ЮКӨН

Витөд серпас

Сэн жө. Кира кухняс, дасьтө ужин. Лиза аслас жырйын лыддысьё.

КИРА (*майшасьёмөн*). Дзонь вежон нин ас кадө воліс. А талун бара сёрмөдчө. Регыд со сизим час. Тырмас, менам терпенньöй потіс! (*Мунө Лизалөн ögzös gorö, чукөстө.*) Лиза! Ужнайтныд кө көсьян, лок дасьты.

ЛИЗА (*петө ыджыг горничаас*). А тэ эськө мый?

КИРА. Батьыдлысь көлуйсө чукөрта. Бара код дінө кө сибдіс, көнкө. Гашкө, и Фима пөдруга дінад. Тырмас терпитны!

ЛИЗА. Мам, эн йөйтав. Фима дінө сійө эз лемасьлы и өні нин нөшта оз.

КИРА. Мыйөн тэ төдан, көн сійө и мый вөчө? Регыд со сизим час... Вөч, мый тшөкта. (*Мунө гозьялөн жырйө, но сувтлө.*) Воас да звөнитас кө — эн восьты. (*Саялө.*)

ЛИЗА. Но и мам... Быттьө кутшөмкө дур пон курччалөма. Тадзи лёкавны оз жө позь...

Триньгө звонок — кодкө вөзйысьё. Лиза мунө прихожөйланы. Аслас жырйысь котөрөнмоз локтө Кира.

КИРА. Эн восьты өдзөссө, шуөма!...

ЛИЗА. Батьө, тэ?

ГӨЛӨС. Ме-ме...

Лиза көсйө восьтыны өдзөссө, но Кира кутө.

КИРА (*чорыда*). Эн восьты!

ЛИЗА. Да кыдзи ме батьөс ог лэдз?.. Эн кут, мам! Эн кут!

КИРА. Мун тась! (*Вермасьоны. Лиза вермө, и Ручов пырө.*) Йөюк! Эз ков лэдзны!

РУЧОВ. Тэ, Кира Сергеевна, эн жө вывтіась.

КИРА (*лөкысь*). А-а-а, Кира Сергеевна тэн лои!.. Ме войт ог вывтіась! Ме тэд шулі, кутан сөрөн воны — ог лэдз. Кытөн вөлін, сэтчө и мун. (*Тойлалө Ручовөс, көсйө вөтлыны.*) Мун татысь, му-у-ун.

ЛИЗА. Мамук, дугды! Эн йөйтав! Серам вылө суседъяс водзын асьнымөс эн лэпты!

КИРА. Тэ, Лиза, вывті на том и мян костө ныртө эн суй!

РУЧОВ. Да тэ көть кывзы, мый висьтала.

КИРА. Висьтавтөг гөгөрвоана. Шуан, удж вылад манитчин, а збыль вылас кодкөдкө мусукасин. Гашкө, Фимакод...

ЛИЗА. Тырмас, мам! Весиг менам терпенньöй кутіс потны.

КИРА. Мун аслад жырйө! Тэтөг рөзберитчам!

РУЧОВ. Удж бөраным өти мортөс ми колльөдім пенсия вылө.

КИРА. Висьтав, висьтав, лөсьөдды. Водзвыв, көнкө, лөсьөдін тайө помкасө.

РУЧОВ. Сө збыль, Кира! Вөлі сөбранньө кодь. Ставөн чукөртчылім, мед чолөмавны мортсө, козинъяс сеталім, аттьөалана кывъяс висьталім. Мортыс матө кызь во мырсис.

КИРА (лӧньыштӧ). Сӧбранньӧ пӧ! А ме шуа — бабакӧд вӧ-
лін!

РУЧОВ. Но, Кира! Тэ юрнад эн-ӧ торксый?

КИРА. Ме аски пырала удж вылад, тӧдмала ставсӧ.

РУЧОВ. Пырав-пырав... Но, лӧнин?

КИРА. Нӧшта кӧ коркӧ тадз сӧрмӧдчан... Ме тэнсыйд кӧлуйтӧ
чоботаньясӧ тӧби нин. Петкӧда порог сайӧ, и мун, кытчӧ гажыд...

РУЧОВ. Олӧм тай эз кут лоны... (Мунӧ аслас жырьӧ.)

ЛИЗА. Пап, а ужнайтныд?

РУЧОВ. Ме тайӧ зыкнас пӧт. Вукӧдтӧдз... (Саяӧ.)

Кира пуксьӧ да бӧрдӧ.

ЛИЗА. Тадзи лӧкалӧмнад, мам, олӧмӧд оз артмы. Ӗвсый да
нем абусӧ эн думайт. Ок эськӧ нин тайӧ вежӧгтӧмӧд...

Квайтӧд серпас

Сэн жӧ. Прихожӧяс тыдовтчӧ Кира.

КИРА. Гортын кодкӧ эм? (Шы ни тӧв.) Абуӧсь. Но и бур...
Коркӧ ӧд воасны жӧ. Слабог, Петюкӧй раммӧдчис. (Ӗти сумкасӧ
кольӧ кухня пызан вылас, мӧднас сыйӧгтырьи мунӧ горничнаас,
сумкасьыс сугзӧгӧ тубрас, разьӧ сийӧс, паськӧгӧ вурӧгӧм плат-
тьӧ. Сийӧ матерьясьыс, мыйыс кӧсйис вурӧгны нылыслы. Павк-
нитлӧ вылас да видзӧдчыштӧ рӧмпӧштанӧ.) Найӧ воигкежлӧ
пасьтала. (Мунӧ асланыс жырьӧ и регыг воӧ бӧр, платтьӧсӧ
пасьталӧма нин. Бергалӧ, вальсируйтӧ да бара видзӧдчӧ рӧм-
пӧштанӧ.) Но вот, зэв на и бур лоис. Бытьӧ дас арӧс вылӧ
томми. Чайта, Петюшлы бара на кута кажитчыны. Дугдас жӧ
ӧд сӧсся томджыкъяс бӧрсяыд кыйкъявны... (Бытьӧ сӧрнитӧ
верӧсыскӧг.) Бур рыт, Петюшӧй... Кыдзи талун уджавсис?.. И
меным зэв бура. Директорным весиг ошкыштӧс. (Кост.) Тэ ни-
нӧм он и казьяв? (Бергӧдчыштӧ ас гӧгӧрыс.) Дзикӧдз ме дӧнӧ
кӧдзалин. Прамӧя он и видзӧдлы. Он и казьяв, мый ме пасьталӧ?..
Да?.. Збыль кажитчис?.. Ме ӧд, Петюк, тӧнӧ зэв ӧна радейта.
Зэв ӧна. А тэ менӧ?.. (Кост. Жугыльмӧ, ӧшӧгӧ юрсӧ да ышловзӧ.)
Кыдзи тайӧс тӧдмалан?.. Часлы, чай юыштны окота лоис. Чайник
пузӧдӧгмозыс пошта куд дӧнӧ лӧччыла. (Мунӧ. Кост. Бӧр локтӧ.
Ӗти киас газет-журнал, а мӧдас — письмӧ.) Письмӧ?! «Сык-
тивкар, улица, дом номер... квартира... Ручову Петру Тимофе-
евичу». А вевдорас содтӧд пасйӧд: «Личное». Тешкодъ... Со ӧд
кыдз... Увдортыс весиг кык визьӧн тӧдчӧдӧма: Лично пӧ... Но
и но... Кодсянь нӧ эськӧ? Весиг адрессӧ ассьыс абу гижӧма.
Тешкодъ. А гижан киподтуйыс мича. Явӧ нывбабалӧн! Абу-ӧ
кӧть кутшӧмкӧ пӧдругасянь? (Бергӧдлӧ письмӧсӧ, видлалӧ, босьт-
чылӧ восьтыны, но оз вермы.) Бура лемӧдӧма. Весиг ем йыв он
суйышт. Эз кӧ вӧв гусятор, тадз эз клеитны. Но, Петя!.. Но и
Петрӧванчик!.. Эн прӧста кӧдзав ме дорӧ... (Бытьӧ Петяыслы.)
Но ӧнӧ сюрин!.. Ӗнӧ, Петюк, бӧжтӧ топӧда!.. Ӗнӧ тӧнӧ эрдӧда,
суд водзӧ моз сувтӧда!.. Колӧ эськӧ тӧдмавны, кодсянь пись-
мӧыс. Киподтуйыс эськӧ бабйӧлӧн, бабйӧлӧн... (Бара бергӧд-
лыштӧ письмӧсӧ.) А кытысянь? (Видзӧгӧ штемпельяссӧ ӧтар-

сяньыс и мōдарсяньыс. Шыпасъясыс ляссьōмаōсь. Сōмын помас тōдчō «ар».) А кутшōм кар либō сикт «ар» вылас помассьō?.. (Мōвналō.) Краснодар?.. Но сэн некутшōм рōдня ни тōдса миян эз вōвлы и абу... А-а!.. Кудымкар!.. А сэтчō Петя ветлывліс командировкаясō... Вермис лōсьōдны кутшōмкō пōдругаōсь.. Ноко, ноко... Кымын шыпас сэн? Ляссьōма, да он на и артав. Ōкмыс ли дас ли... Дерт нин Кудымкар... Но Петя!.. Яндысьтōм бугыль!.. Тōдмала, кодсянь письмōбыс, да гижа ассиянь сэтшōм воча кыв!.. Янōда!.. А Петялы и висътавны оз ков письмō йывсьыс. Мед оз и тōдлы. Воча кывйыс сысянь оз во, и йитōдъяс орōны... Но друг кō письмōбыс... Удж кузя? Сідзкō, дзебны оз позь. Колō гусьōник восьтывны. А кызди? (Думайтō.) Ōти киноын тай. Пакетсō пōсь ру вылын шонтōмōн восьтылісны...

Вайō пызан вылас руалысь чайник да кутō письмōсō ру вылас. Прихожōй-сянь гусьōник пырō Лиза. Сійō кыйōдчō мамыслōн мошкоритчōм бōрся.

ЛИЗА. Мам, мый тэ вōчан?

КИРА. Ой!.. (Шлѣпкысьō-усьō улōс вылас.) Господи! Кок йылысь тай уськōдін. (Саймовтō письмōсō.) Эг и кывлы пырōмтō.

ЛИЗА. А мый тэ вōчан?

КИРА. Нинōм ог... Чай со кōсья юны. Горш косьмис...

ЛИЗА. Мам... Эн ылōдлы менō. Абу ōд синтōм. Кодлы письмōбыс? Кодсянь?..

КИРА. Кутшōм письмō? Мый тэ, нылук? Тэд кажитчис кō-а...

ЛИЗА. Мам... Эн пōръясъ. Письмōбыс, дерт, меным, а тэ кōсийн восьтывны да лыддыны?.. Вай ōдйō!

КИРА. Тэд ка-жит-чис...

ЛИЗА. Эз кажитчы. Аслам синъясōн аддзылі. А йōзлысь письмō лыддыны абу мича. Вай татчō!

КИРА. Письмōōдзыс тэд некутшōм мог абу.

ЛИЗА. Мам... Абу и яндзим?

КИРА. Шуа, абу тэд.

ЛИЗА. А кодлы? Тэд? Сідзкō, восьты да лыдды... (Кост.) Он? Сідзкō, абу тэд.

КИРА. Лизонька... Сē збыль, абу тэд.

ЛИЗА. А кодлы?

КИРА (мыжа моз). Папыдлы...

ЛИЗА. Папалы? А тэ кōсийн восьтывны? Вайлы, видзōдла.

КИРА. Нинōмла.

ЛИЗА. А-а... Полан... Сідзкō, сійō век жō мем. Вай татчō!..

КИРА. Мый сэсса тэкōд вōчан... На, видзōдлы, колōкō. (Мыччōдлō письмōсō.) Но киад ог сет.

ЛИЗА. Збыльысь папалы... Кодсянь?

КИРА. Ме мыйōн тōда. Гижōма тай: «Личное». А почеркыс нывбабалōн.

ЛИЗА. А-а... Тэ чайтан, мый письмōбыс нывбабасянь да та понда кōсьян восьтывны?

КИРА. Коді нō эськō гижис «личноесō»? Дерт, кутшōмкō том баба ли дōва. Гортōдз письмō воис кутшōмкō пōдругасянь. Со ōд мыйōдз воис.

ЛИЗА. Мам, дугды. Весь майшасян. Мед миян папа татчōдз лэдзчысис. Ōвсьы, мам... Ноко, мыччōдлы письмōсō нōшта. (Ви-

gzögdö.) Энлы, энлы... Да тайӧ жӧ!.. Вайлы мем киӧ, бурджыка видзӧдла.

КИРА. Киад ог сет.

ЛИЗА. Ог ӧд сёй... Эн пов.

КИРА. Ладнӧ. Сӧмын нинӧм эн вӧч. (Сетӧ.)

ЛИЗА. Мем кажитчӧ, мый тайӧ киподтуйыс...

КИРА. Тӧдса ли мый?

ЛИЗА. Фималӧн...

КИРА. Кодлӧн, кодлӧн?

ЛИЗА. Серафима пӧдругалӧн.

КИРА. Сідзкӧ, вай бӧр мем.

ЛИЗА. Гашкӧ, ме сійӧс батьӧлы сета?

КИРА. Нырӧтӧ быдлаӧ эн суй.

ЛИЗА. Мыйла ог?.. Ме ӧд абу бокӧвӧй морт. Ог кут видзӧдны, кызди ті...

КИРА. Мый ми?.. Тэ доръян найӧс?.. Вай письмӧсӧ!.. И вунӧд сы йылысь!..

ЛИЗА. Мем, гашкӧ, дзик весь и кажитчис...

КИРА. Вай, мися, письмӧсӧ!..

Лиза сетӧ письмӧсӧ, Кира пуксьӧ да бӧрддзӧ. Лиза топӧдчыштӧ мамыс бердӧ, малалӧ сылысь юрсӧ.

ЛИЗА. Дугды, мам, весь майшасян. Дугды, а то и ме тшӧтш бӧрддза.

КИРА (*гугдӧ, косӧдӧ син доръяссӧ*). Тӧдан, мый ми вӧчам?

ЛИЗА. Мый?

КИРА. Пуктам письмӧсӧ газетъяс костас, и мед ачыс аддзас. А ми быттӧ ог и тӧдӧй сы йылысь, кутам гусьӧник видзӧдны, мый вӧчас. А сэсса...

ЛИЗА (*ызьбӧмӧн*). Да-да. Збыль, сідзи и вӧчам.

Кира суйыштӧ письмӧсӧ газет костӧ да мунӧ кухняс дасьтыны ужын, а Лиза мунӧ аслас жырйӧ. Пырӧ Ручов. Портпельсӧ пуктӧ матысса джек вылӧ.

РУЧОВ. Бур рыт, мусаясӧй! Коді мый нин вӧчӧ?

КИРА. Ме дасьта нуръясянтор.

РУЧОВ. А ме кутшӧмсюрӧ содтӧдъяс ужын дінад босьті. (*Судзӧдӧ портпельсыс кулӧк, пуктӧ пызан вылас.*) Со.

КИРА. Мый нин сэнӧ?

РУЧОВ. Котлетъяс.

КИРА. Бара котлетъяс... Ме нин дӧзми наысь. Прамӧй да радейтысь верӧсьяс чӧсмасянтор вайӧны. Апельсин да мандарин, шоколад да мармелад. А тэ — помся коклетъяс да шницельяс.

РУЧОВ. Кира!.. Шоколад-мармеладнад он пӧт. Радейтчана вынтӧ он содты ни. (*Кӧсйӧ окыштны Кираӧс, но сійӧ ӧтгортчӧ*.) Мыйкӧ бара дузъялан. Мый лоис?

КИРА. Ог висьтав.

РУЧОВ. Он кӧ ӧд висьтав, ме ог тӧд кызди бурӧдны тэнӧ?

КИРА. Мем, гашкӧ, буретш шоколад да мармелад и колӧ. Во чӧжнас ӧтчид-мӧдысьтӧ позьӧ и чӧсмӧдны. А тэ он убӧлиты. Ме вылӧ сьӧм жалитан, а кутшӧмкӧ пӧдругаясӧс ресторан-кафеясті новлӧдлан.

Аслас жырйысь петö Лиза да кок чунь йылас матыстчö, кывзысьö бать-
мам сёрниас.

РУЧОВ. Ок-ок-ок... Бара на нййтöн резсян... Кор и дугдан?

КИРА. Кор чöскыдторйöн чöсмöдан, сэки и шаньма.

РУЧОВ. Öнi жö ветлыны, али аскиöдз виччысьлан? *(Кост.)*
А ме эськö нянь да ва вылын ола, сöмын мед öчередьын не
сулавны.

КИРА. Нянь да ва вылад кыстö регыд нюжöдан.

РУЧОВ. Коркö, уна дас сюрс во сайын, йöзыс овлöмны сöмын
турун да вуж вылын. Абу тай кувсьöмны.

КИРА. Ковмас тэнö збыльысь турун да вуж вылö и пук-
сьöдны.

РУЧОВ. Сидз вöчны оз жö ков. Ме öд сöмын тöд вылö усь-
кöдöм могысь шуи тайöс. *(Пырö горница жырьяс.)*

Лиза босьтö книга, пуксьö пызан дорас, быттö лыддысьö.

Бур рыт, Лизочка... Лыддысян?

ЛИЗА. Лыддыся.

РУЧОВ *(вигзöдлö книга коркасö)*. Гиппократ... Медицина из
«йиран»?

ЛИЗА. Сидзи.

РУЧОВ. Бур. Мед нюжöдны мортлысь олöм, колö мездыны
висьöмтьясысь.

ЛИЗА. Да, папа, тэ прав.

РУЧОВ. Велöдчы, велöдчы. Лыддысь. Кыдзи шулöмны важ
йöз: репетицио эст матер студиорум. Повторенньö пö — мать
учения.

ЛИЗА. Буретш сы понда ме и репетицио.

РУЧОВ. Но и молодец. Мemento мори!.. Кутшöм выльторьяс
тиян колледжын?

ЛИЗА. Некутшöм. Ставыс важ моз.

РУЧОВ. Гажтöма оланныд. *(Пөрччö пинжаксö.)*

ЛИЗА. Сидзкö, ми пыдди тi гажаджыка оланныд.

РУЧОВ. Зiлям. *(Пуксьö журнальнöй пызан дорас га босьтö
газет.)*

ЛИЗА. И выльторьяс эмöсь?

РУЧОВ. А кыз нö найötöгыс?

ЛИЗА. Юксьышт мекöд.

РУЧОВ. Мыйсюрö тэд некыз оз позь тöдны.

ЛИЗА. Оз кö и оз.

Ручов паськöдö газетсö, джоджас усьö письмö. Лэптö письмöсö да чуймыштö.
Син бöжнас кыйкнитлö öтар-мöдарö да гусьöнмоз сюйö письмöсö гач зептас.
Кира тайöс адзылö. Кост. Кира пырö горницаас да заводитö кос ветьöкөн
чышкавны мебель вывсьыс буссö. Чышкö öтилаысь, мöдлаысь да сувтö верöс
водзас.

КИРА. Нолтö, чеччы да мöдлаö пуксьы. Буссö колö чышкыштны.

Ручов пуксьö мöдлаö, но звук-мöд мысти гöтырыс бара нин сы водзын.

Чеччы улöс вывсьыс. Аддзан, чышкыштны колö.

РУЧОВ. Пöжалуйста, пöжалуйста...

Пуксьö мöдлаö, но здук мысти гöтырыс бара нин сы водзын, виччысьö, кор Ручов чеччас да мунас мöдлаö.

Тайö креслöсö тэ öд чышкин нин.

КИРА (*стрöга*). Ог помнит. Чеччы, вудж мöдлаö.

РУЧОВ. Мый бара талун тэкöд? (*Кольö газетсö да мунö кухняс. Косьыштö письмö горсö, заводитö лыддьыны. Лиза — сы бöрся бырс пырö кухняс. Ручов öдйö суйö письмөсö зептас.*) Тэд мыйкö колö?

ЛИЗА. Горш косьмыны кутіс, ва юыштны көсья. (*Юö да тшöкмунö, кызöктылö.*) Мöд горшö, тыдалö, веськаліс.

РУЧОВ. Эз ков тэрмасьны.

Сэтчö жö локтö и Кира.

Чышкавсис бустö?

КИРА. Чышкавсис.

Ручов мунö бөр горничаас, пуксьö да кыйкнитлö кухня-прихожöя öдзöслань, перйö письмөсö, бара заводитö лыддьыны. Лыддьö и нюмъялö. А Кира да Лиза кыйöдчöны, кок чунь йыланьс матыстчöны Ручовлань, сувтöны мыш саяс да тшöтш лыддьöны. Ручов кылö нальс лов шысö да дзебö письмөсö, мудеритöмөн видзöдö эня-ныла вылö, босьтö газет.

КИРА. Петюк, ме тшöтш көсья тöдны, кутшöм сэтшöм гажа юөръяс вайис письмөыд.

РУЧОВ (*лэдзчысьö гөгөрвотöм улö, вильшасьö*). Письмö? Кутшöм письмö?

КИРА. Кодös зептад суйин.

РУЧОВ. Некутшöм письмö менам абу. Ме со газет лыдди.

ЛИЗА. Пап, эн соссьы. Ми адзылім.

РУЧОВ. Колök, зепъясös гутöдла, видзöдлöй. (*Перйö зепъяс-сьыс носовик да ключьяс футлярчик, гутöглö зепьяссö.*) Со, абу.

КИРА. А тэ мышвыв зептö гутöдлы тшöтш.

РУЧОВ (*гутöглö и мышвыв зепсö*). Со, колökö... И тані нинöм.

ЛИЗА (*чуймыштö*). Пап... Эг думайтлы, мый тэ таdzi кужан!..

РУЧОВ. Кутшöм письмö ті менсьым пычкад?

КИРА. Йöй улö эн лэдзчысь и мянös йöйяс туйö эн пукты.

РУЧОВ (*серамсорөн*). Мый лоис? Кутшöм мазі тiянös чушкис?

КИРА. А гашкö, тэнö мутиясыс чушкисны? Гуся олөмөн кутін овны?

РУЧОВ. Ме? Ме ола гуся олөмөн?

КИРА (*горöгöмөн*). Көнi письмөыд?!

РУЧОВ. Мем кажитчö, мөдарö: мутиясыс тэнö чушкалöны да тойлöны.

КИРА (*Лизалы*). Вот. А тэ эн лэдз менö восьтивны письмөсö. Таdzi, наянитöмөн и соссьяс.

ЛИЗА. Пап, мыйла соссян? Письмөсö аслам киын куті. Выліас гижöма «личное». Мам көсйис восьтивны да лыддьыны, но ме эг лэдз.

КИРА. Но... Мый öні нем он шу? Кывтö курччин?.. Гуся олö-мыд воссис. (Лизалы.) Аддзан, Лизук? Ме важөн нин казялі: дугдіс менö радейтны. Некор бур ногөн оз и малыштлы да окыштлы. Мукöд бабаяс гөгөр гартчö. Весиг тэнад Фима-Серафима пöдруга бöрся öддзыліс укаживайтны.

ЛИЗА. Ме эскö тайöс эг казявлы да.

КИРА. Тэ, дерт, эн казявлы, а ме приметиті. Сьölöмöй вöлі дась потны, кор сы гөгөр бергаліс: пельпомъяссö малыштлас, пальто отсалас пасьтавны, кияссö окалö. А кыдзи нюмъяліс да сёрнитіс сыкөд!.. Сю-сю-сю да сё-сё-сё...

РУЧОВ. О, Господьöй!..

ЛИЗА. Фима, көнкö, сылысь меліасьöмсö пыдди эз пукты ни эз казявлы весиг.

КИРА. Фимаыд, гашкö, эз и пыдди пуктыв, но колö вöлі аддзывны, кыдзи батыд сы дінö лемасьö.

РУЧОВ. Водзö, водзö... Зэв интереснö...

КИРА. Сэсся тай медбöрын терпенньöй потіс.

ЛИЗА. Мый тэ, мам? Фима абу сэтшöм.

КИРА. Тэ том на, нинöм он гөгөрво. А помнитан, миянö во джын сайын кымын воывліс Марина. Верöсыскöд торйöдчы-лöма. Помнитан?

ЛИЗА. Помнитышта. Ті сыкөд öтилаын уджалінныд.

КИРА. Ми сыкөд бур ногөн ёртасьлім. А помнитан, кыдзи батыд сы гөгөр гартчис? Порог дораным вöлі паныдалас, пөрччöдас. Дась вöлі горничаö ки вылас пыртны. А сэсся босьтчис сыкөд кургыны. Тё-тё-тё да ля-ля-ля... Нюмъялö — вомыс пель-ясöдзыс!

РУЧОВ. Варов морткөд нö кыдзи он варовит.

КИРА (Лизалы моз). Мекöд, небось, сідзи эз сёрнитлы. А налы — чайтö ныр улöдзыс ваяс, а мунны кутасны — пукалышт пö ещö, варовитышт...

РУЧОВ. Пöдругатö тэнсьыд ог жö вöтлы.

КИРА. Мунігмозыс пальтоöдас и пельпом-морöссö малыштас. А менö важөн нин эз пасьтöдлы ни кульсьöдлы.

Ручов сералö.

Мый сералан? Эз али мый сідзи вöv?

РУЧОВ. Сідз-сідз. Стöч сідз. (Сералö.)

КИРА. Мися жö.

РУЧОВ. Ме эг и гөгөрволы, мый тэ вежöгтан.

ЛИЗА. Гашкö, Маринаыс вежöгтöм пондаыс и дугдіс миянö воывлыны?

КИРА. Да!.. Ми сыкөд пинясим. Чирышті сійöс миянö воывлöмысь. Нинöм, мися, йöз мужикъяс вылö ыштыны. А сэсся и дзикöдз выживиті миян кантораысь. Усинскö муніс.

РУЧОВ. Но и дивö!..

ЛИЗА. Тэ, мам, содталан жö буди-а.

КИРА. Öні бара код дінö кутчысьö-а.

РУЧОВ. Сідзкö, висьтав, кодöс нöшта ме вылö көвъялан?

КИРА (Лизалы). Помнитан, арнас Кудымкарö командировкаö ветліс?

ЛИЗА. Помнита. Но и мый?

КИРА. Письмӧйс, кодӧс папыд дзебӧ, буретш Кудымкарысь.

ЛИЗА. Мыйла сідз чайтан?

КИРА. Штемпельыс ляксьӧма, но бӧръя кык шыпасыс бура тӧдчӧ. «...ар». Сідзкӧ, Кудымкар.

Ручов сералӧ вак-вакӧн.

ЛИЗА. Збыль?.. Он жӧ ӧд нем абуюссӧ лӧсьӧдлы?

КИРА. А тэ тӧдан, мый менам сьӧлӧмын вӧчсьӧ? Ловъя вывсьыс космӧ.

ЛИЗА. Дугды, мам. Ставыс тайӧ тӧд кажитчис.

КИРА. Кажитчис? А ноко, яндысьтӧм бугыль, висьтав, Марина бӧрсяыс ухаживайтлін?

РУЧОВ. Но, пальтосӧ мыччылі и пасьтӧдлі.

КИРА. Вай татчӧ письмӧсӧ!.. Яндысьтӧм син!.. Кыдзи ме водзджык эг гӧгӧрвогы. Вот йӧйыд!.. Кызь во быттӧ синтӧм вӧлі. Ӧні сӧмын и воссисны синъясӧй. Вай татчӧ! (*Нюжӧгӧ кисӧ.*) Он кӧ, пырысьтӧм-пыр жӧ чукӧрт дӧрӧм-гачтӧ и весась.

РУЧОВ. Мыйла нӧ ме весася? Патераыс ӧд менам. Ёна кӧ нин окота, ачыд...

КИРА. Ок ӧд кутшӧм!.. Лиза тӧкӧд оз кольччы, а сідзкӧ...

ЛИЗА. Ті нӧ йӧйминныд али мый?

КИРА. Ми Лизакӧд кольччам татчӧ, а тэ верман мунны пӧд-ругаяс дінад. Либӧ общежитиеӧ.

ЛИЗА. Мам, дугды!.. Письмӧйс, гашкӧ, абу и бабйӧсянь да...

КИРА. Мыйла сідзкӧ, оз сет?

РУЧОВ. Но, збыль кӧ шуны, тырмас и эм нин тешитчыныд. На, Лиза. (*Сугзӧгӧ письмӧсӧ сос пытшсьыс.*) Сӧмын лыддъы гораа.

ЛИЗА (*лыгдӧ*). «Видза оланнӧ, Пётр Тимофеевич! Гижӧ Лизаыдӧн пӧдругаыс, Серафима Кызьюрова. Ме тшӧкыда казътыла тӧянын колявлӧм рытъяс и жалита, мый лой дугӧдчыны тӧянӧ воывлӧмысь и весиг Лизаыдкӧд ёртасьӧмысь кӧдзалим. Кӧть тшӧкыдакодъ аддзысьлаам. Меным сійӧ, кыдзи пӧдруга, кажитчӧ. Кажитчиннӧд и ті...»

КИРА. Но! Мый ме и шуи!..

ЛИЗА. Мам! Чӧвлы!.. (*Лыгдӧ водзӧ.*) «Ті кыпыд да авъя морт. Кужаннӧд быдтор йылысь сёрнитны и интереснӧя висьтасьны. Мыйта быдторсӧ ті тӧданныд».

КИРА. Со ӧд кыдзи леститчӧ...

ЛИЗА. Мам!..

КИРА. Лыддъы, лыддъы водзӧ.

ЛИЗА. «И паныдасяс кӧ меным коркӧ ті кодъ жӧ том морт — ме эськӧ пыр и радейтча сы вылӧ. Эн дӧзмӧй, мый тадзи веськыда гига. Ме надейтча, мый паныдасяс сэтшӧм том мортыс. Ме завидьта Кира Сергеевнаны...»

КИРА. Ме тай шулі...

Лиза скӧрпырысь дзӧркнитлӧ мамыс вылӧ.

ЛИЗА. «Кира Сергеевна прамӧй и бур морт. Сійӧ зэв ёна радейтӧ тӧянӧс. Но мем кажитчӧ, мый сылӧн эм ӧти тешкодъ сям...»

КИРА. Ещö мый?

ЛИЗА. «Мем кажитчö, мый сійö вывтіджык вежöгтö тiянöс, кыйöдö тiянлысь быд воськов...»

КИРА. Быд воськов пö öд...

ЛИЗА. «Гашкö, ме сорси, гашкö, мем кажитчис, но гижа веськыда, мый думайта. Кира Сергеевна кутiс вежöгтыны тiянöс ме дiнö. Корсюрö казьявлывлi сылысь лöсьыдтöм видзöдлассö. Весиг со кучкис тiянлы. Ме и усйыси öдйöджык...»

КИРА. Эз кö усйысь, ачым на верми тодмышкавны.

ЛИЗА. «Тi, Пётр Тимофеевич, зэв культурнöй морт. Но, кыз мем кажитчö, гöтырыдлы этшаджык вичмöданныд сьölöм пöсь-лунтö да муслунтö. А тайö зэв омöль. Кымын унджык внимание гöтырды вичмöдад да ёнджыка мевйöдад — олöмныд тiян лоö праздник кодьөн.

КИРА. Вот тайö збыль!

ЛИЗА. Эн торкав. Кывзы. «Ставыс тайö кö мем кажитчис, кора прöща. Надейтча, мый письмöй восьтас синъяснытö да водзö выlö тiян костын ставыс лоö бур. Нöшта öтчид кора прöща веськыда гижöмысь. Думайта, он дöзмöй, да колям бур ёртъясөн. Ыджыд чолöм Лизалы, чолöм и Кира Сергеевнаны. Мед оз лөгасыны ме выlö тайö письмöсьыс. Гижанныд кö воча кыв, лоа рад, но паныдасыны да аддзысьлыны тiянкöд, Пётр Тимофеевич, польшта. Мед и не дöзмöдны гöтыртö да выльысь не öзтыны вежöгтöм. Кызъярова Серафима».

Кост. Син бöжъяснаныс видзöдлывлöны öта-мöд выланыс.

КИРА. Нем лоöма вöчныс да гажтöмлаыс немторъяссö гижö. *(Вешйö бокöджык да пуксьö юрсö öшöдöмөн.)* Сюсь, сюсь морт.

ЛИЗА. Мам, тырмас сэсся Серафимасö...

Кост.

РУЧОВ *(кыпыда нин)*. Но, верданныд он сэсся талун? Пöдруга видзысьсö... *(Сералö.)*

Кира кыйкнитлö верöс вылас да дышеника мунö кухняö.

ПОМ.



Тэ йылысь мөвпалөмөн...

* * *

Пызан вылын
кык стөкан
пось тшайөн.
И некымын печенньö.
Миянлы тырмөмөн.
...Шонді көч югзьөдіс
сьөлөмтö асылөн.
И Тэ, буракö, ас ногыд
радейтан менö.
Эн дözмы кывкөртöдысь,
Прöста тавося арыслы
ме ёнджыка эска...

* * *

Казялі: мый йылысь гижә — сійö и збыльмö.
...Тунала лоны Тэкöд олөм чөж...
И гашкö, öтчыд, асывводз,
Шонді көчиль пыдди
Тэ окыштан палявтөм на нюмös,
И менам муслун лэбачöй
пöттöдз юас асья лысвасö...

* * *

Коран кө — воа
Тэ дорад водз асылын,
Сёр рытын...
Верма лоны Тэнад вуджөрөн...
Сöмын — коран кө...

* * *

Регыд менам синъясысь
вошас арыслөн гажтöмысь...
Чукрала казътылөмъясöс
и чöвта Олөм пачö...
Арыслөн торйöдчан дукуыс
вежсяс төвся сынöдөн.
Еджыд лым вывтi вöсьлалiгөн
нюмös койышта мездлунлы...

* * *

Кый менö кывбуръяс костысь,
Ме öд сöмын гижöдын ола...
И ме сöмын гижöдын коля
Тэтöг
Тэ йылысь мöвпалöмөн.

* * *

Шоныд зэркöд
вашкöдча паркын,
И гуся думнам
виччыся тәнсьыд
муса кок шыястö...
Гажтöм гожся войсö
кольöдлыны тэтöг.
Öти мöвпысь чусма,
И вежөрöй гудрасьö войөн,
кор гөгөрвоан:
часыдлөн стрелкаясыс кадсö
оз торйöдны меным,
Кытчöкö тэрмасьöны,
Помтöг тэрмасьöны...
А ме виччыся...
И бара весьшөрö.

❖ ❖ ❖

Войся ангел*

РОМАН

Воддза юкөн

23

Югыд войясыс гуисны унсö Лазарь Кузьмичлысь. Сöмын на ойбыртас, и локтöны кутшöмкö тешкодь вöтьяс. Пырджык вöталö юсьбöжса вöвлöм кöзйакасö, кодöс дзебöмсянь колис тöлысь кык. Вера Ильинична воывлö сы ордö еджыд юсьлөн бордъяс вылын ангел-нывкаö пöртчöмөн. Оз, оз повзёдды тайö вöтыс Костинöс, а вот мый йылысь висьталö татшöм ног покончасö аддзылöмыс — майшöдлiс комын арöса гöтыртöм мужичöйöс.

Лазарь Кузьмич олiс мамыскöд уна öшиня, нель жырья, джуджыд кильчöа короминаын. Керкаыс Эжва берегас зэв га-жайнын. Лёмдiн кузяа нюжöдчöма ю пöлöныс, Костинъяслөн кодь оланiныс сы берегын уна. Батыс лыддысьылiс ас кадас велöд-чöм мортөн, кызь квайтöд воын бöрйылысны весиг профсоюз-яслөн уезднöй бюроса юралысьöн. Во-мöд мысти котыртчис Лёмдiнса леспромхоз, и Кузьма Костин нэм помöдзыс уджалiс сэтчöс контораын разнöй должностъясын. А кувсис война му-нигөн ветымын куим арöсөн ракысь, кор Лазарь велöдчис Сык-тивкарын областнöй партшколаын.

Лазарлөн томджык чойыс, Юстина, Лёмдiнын медводдзаяс лыдын помалiс шöр школа, сэсса Коми государственнöй педаго-гическöй институт. Карын велöдчигөн тöдмасис аслас курсса зонкöд, и диплом босьтöм бöрын гöтрасисны, мунiсны верöсыс-лөн чужанiнö — Сыктив районса öти сиктö.

Лазарь Кузьмич чеччис мукöд лунъясö серти водзджык. Лунö бана öшинь пыр дзик ныр улас моз тыдалiсны лöня шлывгысь Эжва, паськыд мöдлапöв. Юыс пуксьöма нин аслас берегъясö, но абу на меженьын. Неуна горулынджык ыджыд лыа кöса, кöнi Лазарь челядьдырйиыс ворслывлiс ас коддьöмыскöд. Ке-льыдлöз чышъян рöма енэж улын молля сир кодь югыд гожся асыв. Мамыс, кылö, ноксис пач вом дорас.

— Мам, тэ верман висьтавны, мый водзö морт вöталö по-кончаöс? — виччысьтöг юалiс пиыс.

— Покончаöс?! — чуймис мамыс Глафира Ананьевна. Кыдзи помнитöны лёмдiнсаяс, сiйö важöнсянь уджалö ветлысь-мунысь-ясöс узытöддан керкаын, мöд ног кö, колхозниклөн керкаын.

* Заводитчöмыс 2009 вося 11-12 номеръясын, 2010 вося 1 номерын.

Шөр сиктад район пасьтаысь волысьыд уна, и шоча овло сэн прöст местаыс. Öти жыр, нель мортлы төрмөн, торйöдöма карсянь волысь гырысьджык чинаяслы. Көть и пустуйтö, некодöс сэтчö оз овмöдны. Керкаыс кык судта, накесөн пöвъялом öшиньяса ыджыд, кирпич вичкокöд воча.— Коді нö эськö покончаыс?

— Юсьбöжса көзяйкаöй. Нывкаö пöртчöмөн юсь бордыаса усьлö вöтö.

— Тайö, дитя, тэнö видзысь ангелыд. Шулöны, покончатö пö бур водзö вöталан. Ангелыд, тыдалö, гөтрасьны тшöктö. Ветлін дзебнытö, кольöма паметяд, вот и локтö ангелыд көзяйкаыдлөн томдырся мыгөрөн. Кад нин, дитя, гөтрасьны тэн, семья лöсьöдны. Мамыслы ветымын арöс нин, окота на мен видзыштны нукъясöс. Чойыд со утөвтис мöд районö-а. Кывзан али он менö?

— Кывза, мам.

— Тэнад юрын сöмын уджыд, сэсса нинöм абу. Вай пет райкомсьыд, мед сэн пернатöм сьыліас уджалöны, а тэ бөр вöзйысь учителявны. Со кутшöм мича Лёмдінад шөр школаыс — кык судта, миян керка моз жö ю дорын, гортсянныд матын. Кывзан али он менö?

— Кывза, мам.

— Батгыд тай нö эз вöв кид нывъяс дінад, а тэ кысь лоöмыд — öнöдз невестапүөс эн аддзы. Вот босьтча да ачым и төдмöда эжвакатыдса медмича нылыскöд. Тöрыт, рытгоровнас нин, колхозник керкаö локтис военнöй паськöма ныв пилоткаа, гимнастёркаа, морöсас кык медаля, зэв лöсьыд туша-мыгаа, мичаник. Чужöмыс быттьökö и төдса, но эг төд. Öти вой кежлö пö места колö. А прöст местаыс сöмын чина йöзлы жырйын эм. Кысь нö, мися, воин? Ягдорсянь пö, неважөн на пö Берлинсянь. Иналі нывтö, воча пуксьöмөн сёрнитыштім. Елизавета нима, войнаöдзыс татчöс больничаян медсестраөн уджавлöма. Сы вöсна и төдса, вöлöмкö, чужöмыс. Верöстөм на. Сэтшöма мен кажитчис сійö, көсийи гортö вайöдны, но тэнсьыд юавтөг эг лысьт. Көзяйкаыс, көні овлöма тані, лэччöма пиыс дінö Затонö, и керкаыс томана. Кывзан али он менö?

— Кывза, мам, кывза,— кайтыштіс пиыс, коді пызан пельöсö пуксьöмөн бритчис.

— Көсья пö воддза уджалан местаö инасьны. А татчö локтöма военнöй да партийнöй учёт вылö сувтны, сёрнитны тшöтш и удж кузяыс. Ме висьталі, менам пийö, мися, райкомын уджалö; ковмас кө, мися, отсөг, шыöдчы сы дінö; зэв, мися, шань пийö; Костин, мися, овыс, а шуöны Лазарь Кузьмичөн; гөтыртөм на, мися. Кывзан али он менö?

— Кывза, мам, кывза. А öні вай сёйышта и котөрөн удж вылö.

Эжва дорсянь мир туйöдзыс нывкöса кайысь чой. Райкомыс тасянь катыдланнын кык судта керкаын. Коминөд воясöдз сэні овліс öти семья, сэсса кулакалісны и короминасö мырддисны. Мырддьöм керкаясын и мукöд учреждениеяс да организацияяс. Сиктсаяс лöгалісны яндзим төдтөм власьтыас вылö, но ассьыныс лöглунсö явö петкöдлыны эз лысьтны. Партия да Сöветьяс йылысь лөк кыв гораа шуны эз позь, позис сöмын ошкыны. «Став власьт — народы!», «Став власьт — Сöветьяслы!» лозунгыас улын вöлі Октябрса революция, но ни öтиыс, ни мöдыс эз

пöртсы оломö. Став власьтсö, тшöтш и Сöветъяслысь, асалис большевикъяслöн партия. Сийö лоис и милöсьт сетысьöн, и палачöн. Медводз чöвтисны Царös, сэсся вичкояс жугломöн йöз вежöрысь кöсийсны киритны Енмös, и большевикъяслöн партия асьсö кутис лыддыны Царөн и Енмөн. Унаөн пырисны партияö сы вöсна, мед кыпöдчыны служба кузя. Таысь найös некод эз дивит, öд партбилет — сийö оломö путёвка, мортлөн судьба. Партбилет вермис кыпöдны весиг бöб мортös енжöдз, вермис и сюсь вежöраös ляскыны му бердö.

Быдторйыс воывлö юрас Лазарь Кузьмичлы. Öнi, райкомöдз туй костын, сы син водзын сулалис вöтыс — юсь бордьяса мичаник нывка, кодös мамыс шуис пиыслөн ангелөн. Збыльысь мöй эмöсь мöд мирын олысьяс, кодъясös аддзывлам сöмын вöтөн? Луннас, сюрас стрöка да, Костин бытьөн ветлас библиотекаö, юалас: эм-ö вöтъяс висьталан книга? Кодi сийö ягдорса Елизаветаыс, кодös сэтшöма ошкис мамыс?

Колхозник керкаысь петöм бöрын Елизавета Воробьёва медводз веськöдчис военкоматлань. Военком Фефилов — латшкös тушаа, мугöминик чужöма, ар нелямына майор — небыдика топöдчылöмөн чолöмасис медслужбаса лейтенанткöд. Майор корис кык стöкан чай, и чай юигмоз варовитисны вель дыр. Военкоматсянь Воробьёва кыпöд сьölöмөн мöдöдчис райкомö. Кыпöдчис вылыс судтаас, кöнi шуйга кивыв вöли некымын öдзös. Веськалис сэтчö, кöнi печатайтчан машинка сайын тэрыба котшкöдчис шöр арлыда нывбаба. Сылөн жырсянь позьö веськавны кык кабинетö. Öти öдзöсын гижöд: «Л. К. Костин», чинсö абу индöма. Чолöмасьöм бöрын машинистка шуис:

— Тiянös корис пыравны Лазарь Кузьмич. Öнi сы ордын некод абу, верманныд пырны.

Сöмын на восьтис кабинет öдзöссö, а паныда стенсыс сы синмö шыбитчис Сталинлөн уна рöма портрет — зарни погоньяс вылас герб да ыджыд звезда, китель морösас Геройлөн Зарни медаль. Вождылөн портрет весьтын, бумагаөн тырöм пызан сайын, пукалис кабинета кöзяин, районын медыджыд чина начальникъясысь öти — Лазарь Кузьмич Костин — шыльыда бритчöма-шыльöдчöма, еджыд дөрöм морösас галстука, руд пинжака.

— Здравствуйте!— пырöмөн тшöтш шуис лейтенант и тайкö честь эз сет.— Елизавета Воробьёва, локтi сувтны учёт вылö.

— Здра-здравствуйте!— мыйлакö тшöкмунис Костин, петис пызан сайысь, и ки на ки чолöмасисны. Шöркөдь тушаа, тэрыб восьласа, райкомса секретар корис пуксьыны погона аньös пызан дорö матöджык.— Тöрыт мамö висьталис тiян йылысь, зэв ёна воöмныд сьölöм вылас. Кöсий пö нуöдны гортö узыны, да эг лысьт.

— Мамыд, тыдалö, зэв шань. Мен тiян йылысь тожö висьталис.

— Райздравад вöлiнныд нин?

— Эг. Военкоматсянь локтi татчö. Майор Фефилов шуис, талунья пароходөн пö районö бара воас вель уна садат.

— Медъя нин öдйöджык воасны, колхозъяснымös колö сувтöдны кок йылö. И медикъясыд ёна колöны.

— Ме эськö кöсий, мед бөр татчös больницаö веськали, кысянь и мунли фронт вылö.

— Вєськаланныд. Ме звѣнитлі главврач Белоголовлы, ськѡд тї тѡдсаѡсь. Кутасны виччысьны тїянѡс, но райздравотделѡ колѡ пыравны.

— Да, тѡдсаѡсь. Белоголовыд хирург, сы дїнын ме уджавлі медсестраѡн. Пасибѡ тїянлы, Лазарь Кузьмич.

— И кор кѡсьяанныд босьтчыны уджѡ?

— Талун, пароход вотѡдз, колѡ корсьны патера. Лун-мѡд мысти и локта.

— Эн корсьѡй. Ми мамѡкѡд кыкѡнѡсь, миянѡ инасянныд,— Лазарь Кузьмичлѡн да лейтенантлѡн ѡтлаасис видзѡдласныс. Аньлѡн сьѡд синъясыс сьѡд картеч моз сатшкысисны райкомса секретарлѡн сьѡлѡмѡ.— Кѡсийсянныд кѡ, мамѡ лѡѡ зѡв рад, и ачым тшѡтш.

Медсестра воштіс кыв-ворсѡ, эз и тѡд, мый шуны татчѡ, но чѡвлунсѡ торкис ачыс Костин:

— Пѡдлиннѡ, эг ѡд и юав: гашкѡ, тїянлы кык мортлы былѡ колѡ?

— Оз. Ѳтнамлы,— Елизаветалѡн нюммуномысь быттьѡкѡ нюммуніс тшѡтш и Костинлѡн югыд кабинетыс.— Ме верѡстѡм; и, кызд шуны, кага ни баля на абу.

— Аслам абу на жѡ гѡтыр ни котыр. Чѡйѡй томджык меысь, но кум во нин верѡс сайын, нывкаѡс быдтѡны.

— Менам Ваньѡ вок кызь нѡль арѡсѡн гѡтрасьліс, война вылын усис. Кызь арѡс вѡлі невестаыслы верѡс сайѡ петігас, пи быдмѡ, нѡль арѡса.

— Унаысь вѡвлі Ягдорад, медводдзаысьсѡ комсомолын уджалігѡн кайлі. Бура помнита, Веня Турьев менѡ вуграсьны нуѡдліс, комсомолѡ ме сійѡс примитлі.

— Веня Турьев пѡ вошѡма «без вести».

— А Ваньѡ вокыдлѡн кодї гѡтырыс?

— Як Марьяѡн шуѡны, нывдырся ним-овыс Маша Осипова. Юсьбѡжын помавліс сизим класс, а водзѡ велѡдчѡмыс эз лѡ. Водз кувсисны бать-мамыс, ичиньыс ордын быдмис.

— Помнита ме Маша Осиповатѡ, Юсьбѡжса школаын велѡдді. Сэсся Ягдорын колхозникьяслѡн собраннѡ вылын аддзысьлі.

— Жаль, томѡн колис дѡваѡн да. Война чѡжыс и ѡні на олѡ пиыскѡд знька-айка ордас — менам бать-мам ордын. Аслас керкаыс, кодѡс стрѡитліс Ваньѡ вок, пустуйтѡ.

— Бать-мамтѡ кызди шуѡны?

— Батьѡй Сергей Емель, воюйтлѡма первой мирѡвѡй война вылын, эм сылѡн Георгиевскѡй крест. Нэм чѡжыс вѡралѡ. Кызди медбур вѡралысьясысь ѡти, войнаѡдзыс на сы йылысь гижлісны «Вѡрлэдзысь» газетын. Мамѡй Трепил Иван Ѳгаш, медпунктын санитаркаалѡ, но унджык кадсѡ колхозын уджалѡ.

— Веня Турьев висьтавліс мен уна буртор Трепил рѡд йывсьыс. Сїдзкѡ тѡ, Елизавета Емельяновна, Трепил рѡдыслысь кѡленасѡ водзѡ нуѡдысь,— Костин вуджис «тѡ» былѡ и медводдзаысь ним-овнааліс аньѡс.

— Трепил нимыс Ягдорад ѡнѡдз олѡ му-видз нимъясын. Ыджыд мамѡ на висьтавліс, Трепил вокъясыс вѡлѡмаѡсь зѡв зільѡсь, Ягдорью вылас стрѡитлѡмаѡсь кык ва мельнича, уна вѡчѡмаѡсь му-видзтѡ. Трепил Иван да Трепил Ѳльѡксей ю бергас кыпѡдлѡмаѡсь кык судта ыджыд керка. Выліас олѡмаѡсь кык воклѡн семьяяс, уліас восьтѡмаѡсь лавка. Но овнысѡ сэн

удитöмаось регыд, мыйсянькө öзйöма и короминаыс сотчöма кушöдз.

— Кутшöм воясö тайö вöлі?

— Мамöлы сэк вöлöма куим арös, ыджыд мамöлы кызы куим. Сідзкө, сюрс көкъямыссё öкмысдас көкъямысöдын. Та бөрти вокъясыс стрöитасны аслыныс торъя олан керкаяс, тожö гырысьöс. Мамö сійö выль керкаас и быдмас.

— Вот и тöдмасим, Елизавета Емельяновна. А пажын кадö тöдмöда патеранад, көн кутан овны. Аддзысям тані жö, кута виччысьны. Локтан?

— Локта,— мöд кывйыс эз сюр Лизалы.

Сэк, кор Воробьяева петіс учётö пасйысян кабинетö, Костин звöнитліс крестьянин керкаö мамыслы. Висьталіс Елизаветакод аддзысьöм да сёрни йылысь, и юörtтіс, локтам пö пажнайтны кыкөн и сетіс кутшöмсюрö индöдьяс.

— Вöча, дитя, ставсö сідз, кызд тшöктан,— нимкодпырысь вочавидзис мамыс. Глафира Ананьевналөн сэтшöм модаыс: комын арöса писö шуны дитяөн.

Ставыс артмис бура, пажнайтісны и юисны чай Костин ордын. Лазарь Кузьмичлөн удж вылö мунöм бöрын нывбабаяс вель дыр на варовитісны. Глафира Ананьевна некымынысь öлöдіс Елизаветаос: патера йылысь пö мед сэсса некутшöм сёрни эз вöv, лок да и ставыс. Мöдыс көсйысис инөн и ладөн. Керкаысь петігөн көзйяка петкөдліс кильчö öдзös томансьыс ключ дзебанінсö. Емель Лизалөн Льöмдінö волöмыс эз ло весь. Пароходлөн вылыс палуба вылын кыпыд да кокни сьölöмөн сійö катіс Ягдорö.

Лазарь Кузьмичлөн киас эз кут пырны некутшöм удж. Некызд на эз вермы мездысьны бөръя воясса вöтьяссыйс, а со тай аддзысис мича ань — Елизавета Емельяновна. Гашкө, юсь бордъя ангелö пöртчöмөн Ильинична и тöдмöдіс Лизаыскöд да? Удж помасьöм бöрын Костин эз гортас мун, а шуис ветлыны библиотекаö. Эжва катыдын сійö медся важъясысь да медся озыръясысь öти, вöлі восьтöма сюрс көкъямыссё öкмысдас öкмысöд воын. Книгаяссö меститöма Максим Горький нима культура Керкаса жыръясö.

Кадыс водз на и библиотекарысь öддор залас некод эз вöv. Райкомса секретар сёрнитыштіс öттор-мöдтор йылысь, юалис: эм-ö кутшöмкө книга вöтьяс йылысь? — дзормöмысла идзас рöма юрсиа, олöма нывбаба вочавидзис: аддзам пö. Дерт, эз кут юасьны, мыйла ковмöма татшöм книгаыс райкомса секретарыслы. Кутшöм сылы делö, коді мый лыддьö. Недыр мысти аныд мыччис Костинлы кык книга. Öтиыс шусис «Сон и язык сновидений», мöдыс — «Сновидения». Кыкнансö лэдзöмаось зэв нин важөн ленинградса типографиясын. Медводз нуöдіс син пырыс водзкывъяссö, сэсса, пызан сайö пуксьöмөн, босьтчис листавны и öтисö, и мöдсö. Ноко, мый водзö вöталö кулöмасö, торйөн кө, томиник Илля Верасö? И аслысмоз вомгорулас шöпкөмөн лыддис: «...чаще всего приносит неожиданную помощь или спасение в сложной ситуации, или вы получите хорошее известие; может принести также выполнение давнего желания». Мамыс тай прав вöлöма, коді шуис: кувсьöм морттö пö бур водзö вöталан.

А юсьсö мый водзö? Листалыштис книгасö и аддзис: «Лебедь во сне — символ прекрасной и гордой любви. Вы обретёте человека, который станет вам верным товарищем на всю жизнь». Тайöс лыддьöм бöрын шензьöм босьтис Лазарь Кузьмичöс, сійö öд и збыльсы любитчис! Та бöрти нö кыз он эскы вöтьяслы? Томиник Илля Вера воывлö войяснас Кузьма Лазарь дінö юсь бордья ангелöн. Ноко, кутшöм юөр вайö сьöрсьыс тайö ангелыс? «...добьёшься любви и дружбы, обретёшь большое внутреннее спокойствие». Вöлöмкö, ангелтö вöталöмыд висьталö сы йылысь, мый тэнад оломын бытьöн лоасны гырысь вежсьöмъяс, и сöмын бурланьö.

И лоисны вежсьöмъясыс Лазарь Кузьмичлөн оломын. Эз дыр патеранткаав сы ордын медсестра. Сійö жö वोся августын Елизавета Воробьёва лоис Костинаөн, Глафира Ананьевналы моньöн. Гётрасисны лöня, гора свадьбатöг, кызди и колö коммунистьясы. Чукöртчылісны Льöмдинö. Ягдорысь волісны Лизалөн мамбатыс да Як Марья, босьтлісны и Воваöс. Эз на помасыны школьникяслөн гожа каникулъяс, и вермисны воыны Юстина чой гозьяыс, а сідзжö Юсьбöжсянь Георгий Евгеньевич да Ольга. Видзöдöмпыръяысь, воисны öта-мöдныслы сьöлöм выланис сватсваттяс. Эз вöв голь пызан вывныс, вöлі, мыйысь дасьтыны сёянсö. Сергей Емель да Öгрöпена мешöк тыр вайисны косьтöм йöра да көч яй, пöтка яй да. Гриша другыс тайö лун кежлас солалöма медся чига гырысь черисö. А пöжассö дасьтöма ачыс Глафира Ананьевна.

И сідз, кузь нэм да бур шуд выль семьялы!

24

Ловйöн кольöм саддатыс сёр арöдз воалісны гортаныс. Сöмын тай, бöрсö воисны зэв этшаöн. Выхь велöдчан во кежлö Ягдорö эз лок и Екатерина Михайловна. Гожöмнас гётрасьöмаöсь война вылысь воöм жöникискöд, и роноыд кольöдöма чужан сиктас. Ягдорса школаö воис выль велöдысь — юсьбöжса верöстöм на ныв, коді воюйтлöма жö, вöвлöма зенитчицаөн. Шуисны Антонина Николаевнаөн, мунлöма фронт вылö пединститутлөн коймöд курсысь.

Кыштис ловнас Анна Платоновна, коді пыр на веськöдлö «Заря» колхозöн. Ловсö кыпöдысьнас медводз вöлі верöсыс Öстап Вась. Эм эськö мый пасьтавы Васьлы, но пырджык ветлö морöсас «За отвагу» медаля гимнастёркаөн. Дас вит мортысь, кодъяс воисны фронт вылысь, öкмысыс бойяс водзвылын пырöмаöсь большевикьяслөн партияö. Неважөн ягдорса ордö воліс райкомсянь Костин ёрт. Чукöртліс коммунистьясöс, восьсөн сёрнитісны став сьöкыдлунъяс йывсьыс, сэсся котыртісны первичнöй парторганизация. Секретарнас бөрйисны комын öти арöса вöвлöм фронтöвик Степан Андреевич Нестеровöс. Ягдорö вермис воыны и ичöтджык чина морт, но Лазарь Кузмичлы окота вöлі аддзысьлыны тестыскöд да тьöщачыскöд.

Ягдор весьті нораа сьылігтыр лунвылö лэбисны юсьяс. Чужан муас быдтысисны, бордйöдісны челядсö и тöвйыны мунöны

шоньд муясö. И тадзи му пуксьöмсяньыс. Пемыд арыс шымыр-тис аслас сывйö сикт-грездъяс, ланьтисны мича гөлöса лэбачъяс, и колис кравзыны катша-рака. Слабог, оз нин мун война, и крестьянин олö аския лунö лачаөн. Господьöй-Енмöй, волас-ö коркö коми сиктö тыр судзяна югыд олöмыс?! Али сідзи-й сьöдас кутас кольны во бөрся во. Торъя нин пемыд да шог на-лы, кодъяс колисны челядя дөваясөн.

Вөр-ваыс тöдö ассъыс уджсö. Некымынысь усьліс уль лым, некымынысь сывліс, сэсся көдздöдіс, и колхозник-сезонникъяс петисны лэдзны вөр — нажөвитны сьом и аслыныс, и колхозлы. Вөйысис петны бригадиралöмысь Педот Надьö. Сы местаö индісны Тикөн Опоньöс, коді и водзті, войнаөдз на, бригадиравліс и веськавліс Ставсоюзса выставкалөн Почёт книгаö. Опонасей босьтис аслыс отсасьны армияö на ветлытöм том мортöс, и ськөд заводитисны дзоньтавны скöt картаяс. Педот Надьö да Як Марья йи туй сувтöм бöрын мөдлапöлысь да ылі видзяс вылысь кыскалісны турун.

Нелямын квайтöд воын, январ помын, Ягдорын нуöдісны колхозникъяслысь собранньö. Анна Платоновна звөнитліс райкомö, корис воыны Лазарь Кузьмичöс. Öд сійö öні ягдорса зять, и позис шыöдчыны сы дінö повтөгджык. Воліс собранньö вылö и сиктсөветса юралысь Пелагея Петровна. Стöчджыка кө, тайö вöлі войнабөрса медводдза сиктса скöд, и сійöс нуöдісны клубын. Медводз сёрнитисны вöвлöм салдатъяс, казътылісны усьöм землякъясö. Колхозын талунъя тöждъяс йылысь висътасис Анна Платоновна и ас пыддиыс вөйыс тöрытъя фронтöвик, коммунист, Гөрд Звезда ордена да некымын медаля Кирилл Антипович Латкинöс. Тайö кандидатурасö собранньöөдз видлалісны правленньö вылын, көні вöліны тшöтш и Костин да Журавлёва. Латкинöс öтсöгласөн ошкöмыс көть и эз артмы, шуисны вөйыны сійöс. Паньдсö сувтис сэн Як Марья. А помканас лои со мый.

Öтиысь, война кусöм бöрын нин, Як Марья да Зина Терентьевна костын вöлі татшöм сёрни.

— Тöдан, Машö, мыйла татшöм мичаа пасътасьöны Васька Парасьлөн челядьыс?— юалис пошта Зина.

— Кывлі, но стöчасö ог тöд.

— Быд вежон Германиясянь Парасьыслы воö пöсылка. Берлинсянь мөдöдö верöсыс, Кириллыс. Кыкнан пиыс со ветлöны немецкöй дөрöм-гачөн, назöдчöны вомөн ворсан немецкöй гудöкөн. Гортас керка öшиньясас öшалöны немецкöй занавесъяс.

Тайö збыльторйыс регьд лои тöдса сиктсаяслы и чужтис налысь кутшöмкө лöглун и завидьлун. Старшöй лейтенант Кирилл Латкин воис гортас нелямын витöд вося ноябрын. Вöлөмкө, сійöс кольöдлөмаöсь уджавны Берлинö районса комендатураö. Быттöккө, вежавнысö и нинөмла, вöлөма позянлуныс, вот и мөдöдіс пöсылкаястö. Но найö, кодъяс колисны дөваясөн, тайöс гөгөрвоны эз көйыны.

Кирилл Антиповичлысь нимсö казътыштöм бöрын залын кыліс кизьöриника клопайтöм. Собранньöсö нуöдысь парторг Нестеров шуис: ті пö ставныд бура тöданныд Латкинöс, и сылысь биографиясö висътавны ог кут, гөлөсуйтамöй пö.

— Коді сы вöсна, медем «Заря» колхозса юралысьөн бөрйыны Кирилл Антипович Латкин ёртöс, кора лэптыны киньтö.

Залын чөв-лөнъ. Кыпöдiс кисö нель-ö-вит морт. Ставöн, ты-далö, виччысисны, мый шуас президиумын пукалысь райкомса секретар. Но сийö чөв оліс.

— Позьö мен шуны кык кыв?— шыасис Педот Надьö.

— Позьö, көть куимöс,— вочавидзис нуöдысь.

— Менам эм вöзйöм: кольны председательöн Анна Платоновнаöс. Ми, колхозникъяс, сыйкöд вуджим война кадся медсьöкыд вояссö. Сылöн эм веськöдлан ыджыд опыт, сылы сöмын на комын вит арöс — буретш председателялан арлыд. И, главнöйыс, öнi мирнöй кад, лоö ёна кокныдджык воддза серти. Но, кыдзи колхозникъяс?

Залын кылісны гөлöсъяс:

— Мед лоö Анна Платоновна!

— Колям Анна Платоновнаöс!

— Кутам гөлöсуйтны Анна Платоновна вöсна!

Нестеров копыртчыліс Костинланъ, тыдалö, юалис, мый пö кутам вöчны?

— Ладнö, собраннö нуöдам водзö. Мужикъясöс кора не куритчыны залын,— синнас нуöдiс залсö Нестеров.— Гашкö, мыйкö ачыс шуас Анна Платоновна?

Сийö кыпöдчис пызан сайысь, көсйис мыйкö шуны, но гөр-дзасис горшыс и нинöм шуны эз вермы. Кикарнас чышкис ныр боксыс синвасö и бөр пуксис.

— Кодi сы вöсна, медым «Заря» колхозса председательöн кольны Анна Платоновнаöс, кора гөлöсуйтны.

Лэптісны кинысö тшöтш и найö, кодъяс лэптылісны Латкин вöсна. Бөрйисны и правленнöса членъясöс. Лазарь Кузьмич кисö кутыштлöмөн чолöмаліс Анна Платоновнаöс, сиис став бурсö колхозникъяслысь уджсö котыртöмын, сэсся висьталіс неыджыд речь:

— Таво август 22 лунö Коми Автономнöй Сöветскöй социалистическöй республика котыртöмсянь тырö 25 во. Тайö юбилейсö бурджыка пасйöмö ассьыныс пай пуктасны и вөр лэ-дзысьяс, и видз-муын да культураын уджалысьяс. Колö содтыны быд гектар вылын урожайяс, содтыны гырысь скöтлысь юр-лыд, ёнмöдны көрым база. Колö öдйöджык пыртны турун кодзаа севооборотъяс. Паськöдны уна вося турунъяслысь кодзаяс...

Гажтöминик речсö Костин помаліс тадз:

— И нöшта öтитор. Кык вежон мысти, февраль 10 лунö, СССР-са Верховнöй Сöветö бөрйысьöмъяс. Депутатö кандидатъяс лыдын и эжвакатыдса миян земляк, Сöветскöй Союзса Герой Георгий Фёдорович Тимушев. Чуксала ставнытö дружнöя гөлöсуйтны странаса депутатö кандидатъяс вöсна.

— Öнi сета кыв сиктсöветса юралысь Журавлёва ёртлы,— юөртiс парторг, кодi водзö нуöдiс собраннöсö.

— Льöмдiн район и водзтi, и öнi нималö аслас сюсь вöра-лысьясöн,— паніс сёрнисö Пелагея Петровна.— Вöралан уджсö котыртысьяс миян республикаын «Заготживсырьёлөн» да Ко-ми потребсоюзлөн контораяс. Налөн юөртöм серти, война воясö вöралысьяс сдایتöмаöсь государстволы 367 сюрс ур ку унджык сы серти, мыйта вöлі сдایتöма войнаöдзса нель воөн. Дона ку-яс сдایتан сезонся нормаяссö вевтыртöмысь республикаса ветымын медбур кыйсьысьлы сетöма «Лучший охотник СССР»

почёт ним да значок. На лыдын и ягдорса вөралысь Емельян Сергеевич Воробьёвлы. Вайё клопайтамой! Потребсоюз конторалон тшөктөм серти öнi ме сета тайö наградасö. Емельян Сергеевич, кöнi тэ?

Костин тöдiс, тестыс вежон нин абу волöма вöрысь, но вунöдiс висътавны Журавлёвалы.

— Сергей Емельыд оз пукав гортын, вöрын сийö,— кылис гөлöсыс Öгрöпеналон, кодi пукалис Марья моньыскöд орччон.

— Аграфена Ивановна, матыстчыв татчö, босът верöсыдлысь наградасö,— корис сиктсöветса пред.

Öгрöпена матыстчылис пызан дорö пытшкöсса радлунон, öд сэнi пукалис сълон зятъыс.

Пелагея Петровна юöртiс нöшта öти выльтор. Чукöртлiм пö сиктса активистъясöс и воим öти кывйö: клубысь вуджöдны изба-читальнясö мöд керкаö. Тi пö сийöс тöданныд — керка джын, кöнi некод оз ов. Эм сэн места, кытчö позьö сувтöдны нигаяслы, журналъяслы, газетъяслы джаджъяс, а сiдзжö лыддысьны окотитысьяслы пызанъяс. Изба-читальня кутас уджавны во гөгөр, вермасны волювыны сэтчö верстыö и челядь.

— Клубон да изба-читальняон кутас веськöдлыны öти и сийö жö морт, кызди и Юсьбöжын,— водзö висъталiс Журавлёва.— Веськöдлысьсö бöрйигон ми кутiм тöд вылын сылысь арлыд, образование, основнöй да общественнöй удж. И тырвыйö лöсялис Мария Яковлевна Воробьёва. Удж опытон тöдмасьом могысь Мария Яковлевнаос ми корлам Юсьбöжжö, кöнi уна во нин избачалö Ольга Ермолаевна да кодi районын култураса уджалысьяс пöвсын медбуръясысь öти.

— Та вылын собраннö помасис. Пасибö льöмдинса да юсьбöжса гöсьтыяслы. Клопайтамой! Öнi, мужикъяс, верманныд куритчыны,— парторг перйис зепсьыс көшельсö и гартыштіс кыз чигарка.

Войналон пиньтуя нелямын квайтöд воын тырмымон вöли шоглуныс и радлуныс. Буретш странаса Верховнöй Сöветö бöрйысян лунö Ольга Ермолаевна чужтіс пийс. Георгий Евгеньевич лоис батён. Кагаыслы сетiсны ним — Лазарь. Лазарь Георгиевич Игнатов лоис Юсьбöжын медводдза кагаон, кодi чужис война бöрын.

Июнь помын, медкузь лунъясысь öтиö, мамон лоис Елизавета Емельяновна — чужтіс нывкаос. Эз жуглы юрсö Лазарь Кузьмич, кутшöм ним сетны медводдза каганыслы. Вера дай ставыс! Ой, кутшöм мича ним!— ошкис гöтырыс. Нывкалон чужом йылысь свидетельствойн лоис пасйöд: Костина Вера Лазаревна.

Му выlö овны локтö войнабöрса көлена, кодi, колö чайтны, кутас овны бурджыка мам-батъныслон да пöль-пöчныслон поколение серти.

Немечос вермөмсянь во тыран лунö Як Марья вуджис гортас, Емель Ванён стрöйтлөм керкаö. Тайö пöрийö Öгрöпена эз сувт вуджöмыслы паныд, а Володя внуксö пöль-пöчыс и водзö кутасны быдтыны пи пыдди, код ордын көть сийö эз ов. Сёрнитчисны да, энъка-айкаыскöд öтвылысь кутасны видзны öти мөс.

Марья медавліс кык том мортос весавны öшинь увсьыс ва

трубасö. Кыдз кражйысь сруба юкмöсьд нинöм на абу лоöма. Медводз ведраöн лэпталисны трубасысь васö, сэсся тадзи жö шыблалисны пыдöссьыс буждöм мусö, весалисны стенъяссö. Кык том мортсьыс öтиыс вöли Ирина Кöсьта суседыс, ар дас öкмыса зэв лабутнöй шань морт, багатыр кодъ ыджыд тушаа да ён, олісны мамыскöд кыкөн. Кöсьта и отсалис Машöлы тыр пöрадокö вайöдны изба-читальнясö. Унаысь найö кольлісны кыкөн, Кöсь-таыд и шуис сэсся öтиысь:

— Маш, менам вежöй петö тэ вылö. Вай гöтрасям.

— Кыдз тэн тайö юрад воис?— чуймис аныд.

— Важөн нин думайта тэ йылысь, но шунысö эг лысылы.

— Кор тэ чужин, ме сэки муні нин первой классö. Со ку-тшöм ме пöрысь тэ дінын, дай пи менам быдмö.

— Пöрысь кө вöлін, вежöй эськö эз пет.

— Казявла да, тэ Карить Розакöд кольöдчывлан. Сійö том и мича.

— Мича эськö, но мыйсюрö мен сылөн оз кажитчы.

— Абу кө гусатор, висътав.

— Прöзвищыс оз кажитчы. Кысь көвъясьöма «каритысь», ачыс оз тöд. И кокыс вöсни, и морöсыс плавкöс. Ме радейта тэлөн кодъ кыз кокъяса да тэлөн кодъ вылын морöса нывъясöс. Ме кө вöлі армияын служба бöрын, пöкөриті эськö тэнö и гөт-раси эськö тэкöд. А менö арнас армияö босътасны.

— Армия бöрын кө öд вöлін, менö эськö эз и ков пöкөрит-ны, ме эськö ачим тэн сетчи. Тэ, Кöсьта, зэв шань, и тэныд ас кодыд жö шань гөтыр колö. Ягдорад уна нылыд, армиясьыд локтігкежлö, быдмасны да, нöшта на унджык лоö.

— Ладнö. Гозъяөн, тыдалö, тэа-меа ог лоöй. Но ковмас кө отсöг, век чукöст. Мен тэкöд и сідз лöсьыд да гажа.

Арнас Кöсьтаöс босьтісны Сöветскöй Армияö.

25

Сюрс öкмыссё нелямын квайтöд वोся гожöм помын, Богоро-дицалөн кувсян лунö, мöд ног кө, Успеннöйö, Ягдорын кывсис юөр: кытчöкö пö вошöма Спиридон Ефимовичлөн гөтырыс — Васса. Мöд лун нин абу. Верöсыс волас ягдорса лавкаö кар-точкаяс вылö ньöбасьны. Воас гортас, Таркойтö, гөтырыс быттö му пырыс мунöма — некөн абу. Лэччас ю берегас и казялас: абу и чепйывса кокни пипу пыжыс. Гашкö, вуджис мöдлапöвса ягö вотчыны? Но пыжыс мöдлапöвса берегас некөн эз тыдав, дай гортладорас вотчанінъясыс зэв матынöсь. Инсö воштіс Ефи-мович. Ветлö öтарö-мöдарö берег пöлöныс, мöдлапöвланысь чу-жöмөн горзö: «Вас-са! Вас-са! Вас-са!» Йöлöгаыс ылöдз нуö го-ра гөлөссö, но гөтырыс оз сет воча кывсö. Рыт воис, да вой ко-лис, а Вассукуыс абу и абу. Видö асьсö Ефимович, аскöдыс эз нуöдлы гөтырсö Ягдорас да.

Быдсикас лөк думыс көвъясьö Ефимовичлөн юрö. Кытчö вер-мис мунны пыжнас Вассаыс? Ачыс ни пыжыс абу. Кывсьыліс, республикаса войвыв лагеръясысь пышйысьясöс пö мян районысь корсьöны. Лёмдінса милициясянь Анна Платоновналы звöнитлöмаöсь, öлöдöмаöсь: казяланныд кө пö сиктсьыд тöдтöм мужичöйясöс, пыр жö юөртöй. Звöнитлöма и Пелагея Петровна,

тшöктöма висьтавыны ягдорсалы, мед пö ас кежаныс оз мунны вотчыны, корсьöны пö кык мортöс. Друг да пышйöны Таркойт пыр? Аддзисны Вассаöс, мырдöналісны и шыбитісны Эжваас? Асьныс вуджисны мöдар берегас, а пыжсö йöткыштісны ва горув? Кезнитöдлö татшöм думъяссьыс Ефимовичöс.

Ягдор да Таркойт пыр лагеръяссьыд пышйысьясыд вöвліны и водзті, войнаöдз и война воясö, но некодöс эз мырдöнавлыны и эз вилыны. А вот асьнысö, кор вöтöдлісны найöс корсьыс стрелокъяс, вöлі лыйлöны места вылас. Бөръяыссьö татшöм-торйыс вöвлі нелямынöд воын Ягдорсянь верст нель сайын, көні Важ Эжва öтлаасьö Выхь Эжвакөд. Сэні стрелокъясыд вöтöдöмась и лыйлöмась кык лагерникöс. Тайöс аддзыласны турун пуктысьяс. Шойяссö дзебöмась ляпкыдик гуö, вевттьöмась эжанас. Мед эз гудйыны понъяс да эз кокавыны катшаракаяс, турун чöвтись мужичöйяс кодъясны джуджыд гу и дзебасны выльысь.

Мöд лунас Вассаöс корсьны Таркойтö воисны ягдорсяяс, унджыкыс зонулов, а сідзжö Тикöн Опонь, Öстап Вась, парторг Нестеров, куимнанныс пищальöсь. Öтияс вуджисны мöдлапöлас, мöдъяс разöдчисны гортладорас, коймöдъяс ю вылö петісны пыжөн. Кытчö да мыйла муніс пыжнас Вассаыс? Путкыльтчис кө, пыжыс эськö коліс ва веркөсас, эз кө некытчö крукась, кылöдö визулыс. Ю кузяыс верст-мöд сайын ыджыд лыа көса, сылань и кывтісны пыжөн корсьысьяс. Лыа юрлань матысмигөн казялісны ляпкыдінас ляскөм пелькиник пыж, тырöма ваөн. Тöдöмысь, лэччысь ли, катысь ли пароход гыяс жмитöмась кыла-лысь пыжсö берегас. Зонъяс кыскисны сійöс лыа вылас, бок вылас дорынтьöмөн кисьтісны васö. Асьныс ветлісны лыа бöжöдзис, но нинöм эз аддзыны.

Зонъяс сöлісны торъя пыжъясö и зібъясьöмөн катісны Таркойтлань, öтиыс лажмыд берег пöлöныс, мöдыс кырладорöдыс. Спиридон пыр и тöдіс ассыйс пыжсö. А көні Вассаыс? Кысь вöлі позьö, быдлаысь нин корсисны: и мöдлапöлысь, и матыса вотчанінъясысь. То öтилаян, то мöдлаын шныркыйысисны и зонпосни, волісны öдзöс-öшиньтöм баракъясö, кайлісны лөскас. Лун помланыс корсьысьяс чукөртчисны ю берегö и вöчисны кывкөртöд: ачыс кө пö оз лок, Вассатö ог аддзöй. Кодсюрö көсийс локны и аскинас.

Суткиөн тöдчымөн дзормис Спиридон Ефимовичлөн сук съод юрсиыс и пашкыр тошкыс. Атшалис кок йывсьыс усьмөн. «Пиыс, тыдалö, чукөстіс Вассуксö мöдар югыдас»,— думыштіс Ефимович и сувтіс öбразъяслань чужöмбанөн. Пернапас чöвталігмоз лыддис молитваяс и корис Енлысь, мед эськö аддзас жö муса гөтырсö, кодкөд олісны öта-мöднысö радейтöмөн уна во. Эз, пышъялысьяс эз гусявыны Вассаöс. Воськавлисны кө найö татчö, нуисны эськö став сёянсö и стенас öшалысь пищальсö. Ломтіс дзоля пачсö, пузöдіс ва. Ыджыд чайникас и заваритіс бурдöдчан турунъяс. Туруна чайысь öддор вомас нинöм эз пыр. Лöсьöдыштіс аслас киясөн важөн нин вöчлөм крöватыйсь вольпасьсö, пушыдмөдіс кык юрлөс и пуктіс орччөн; мөдсö, думсьыс, гөтырыслөн юр улö.

Дыр пессьöм бöрын коркө-й унмовсис. И локтіс тешкодь вöт. Быттьökö Эжваысь кыпöдчис бордъя ангел, но регыд сійö пöртчис Вассалөн кодь мичаник чужöма, лёзьгöдөм кузь юрсиа,

черилён кодъ бѣжа пасѣтом нывбабаѡ. Спиридон нюжѡдѡ шылѣкнитны сы юр весѣтын тѡвкѣялысь пасѣтом нывбабаѡс, но оз судз. Здук-мѡд и нывбаба ѡвтыштѣс бѡжнас, сунѣс Эжаѡ. Ефимович садѣмис, пѡсяѡма тош йылѡдзис. Гѡтырыс петкѡд-чыліс Васаѡ пѡртчылѡмѡн. Сѣдзкѡ, колѡ корсьны сѣйѡс Эжаѡысь. Тадзи тшѡктѡ Спиридон Ефимовичлѡн аслас войся ангелыс.

Асывнас шондѣ петѡмкѡд тшѡтш Ефимович сѡліс пыжѡ, босѣтѣс сѡрас кузь воропа багыр. Кывтѣс пѡшти сынтѡг, пелыснас сѡмын веськѡдліс. Бѡрѡ колис лѣа кѡса, кысь тѡрыт аддзисны пыжсѡ. Кырладорѡдыс верст кык кывтѡм бѡрын вабергача туйсѡ вомѡналѣс пасѣкыд вожѣяса кыз пожѡм, кодѣ пѡрѡма ю вылас неѡажѡн на. Ефимович багырнас вѡрѡдыштѣс пу йывсѡ, легѡдыштѣс ѡтчѣд дай мѡдысь, и пу улысь мыччысис... Васса, юбка бѡжнас крукасьѡма пу вожѣясѡ.

Кор воис Таркойтѡ, берегас вѡліны нин йѡз — Вассаѡс корсьысьяс, тшѡтш и колхозса бригадир Тикѡн Опѡнь. Сѣйѡ воѡма верзѡмѡн, седлѡ пыддиыс чалѡй мерин мыш вылѡ вомѡналѡм идзас мешѡк. Опѡнасей ѡтсалѣс ѡтсалѣс катѡдны керкаѡдзыс шойсѡ, сѣсся сѡліс вѡв вылѡ и рѡдтѣс Ягдорѡ корсьны гу кодѣысьясѡс, горт вѡчысьясѡс, покончаѡс мыськысь, кѡмѡдысь-пасѣтѡдысьясѡс, молитва сѣылысьясѡс. Мед шойыс помѡдз эз тшык, шуисны дзѣбны талун жѡ. Ыѡлаын том баба гожѡм, югыд шондѣа да шонѣд. Ягдорсянь Таркойтѡдз вѡрса ордымѡдыс верст куим. Вассакѡд прѡщайтчыны да сѣйѡс кольѡдны локтѣсны сиктысь став вермана йѡзыс, тшѡтш и Ѧнись Пекла, Трепил Иван Ѧгаш, Педѡт Надѡѡ, Анна Платѡновна, фельдшер Устинѣя Ивановна, избач Як Марѣя... Мужичѡйяс Сергей Емель, Конюк Пѣдь, Тикѡн Опѡнь, Ѧстап Васѣ да мукѡд гѡгналісны, тувѣялісны горт да крест. Ирина Кѡсьта нуѡдѣс том йѡзѡс шойна вылѡ кодѣыны гу.

Кладбищеыс сикта-посѣлок костас джуджыд пожѡмѣяса пасѣкыд нѡрыс вылын. Сѣн сувтѣс нѡшта ѡти крест, кѡнѣ пыдѡдз вѡлыштѡмѡн пасѣѡд: «Булышева Васса Кондратѣевна. 1894—1946». Сѣдзи и колис тѡдтѡмѡн: тѡдлытѡг усис али нарѡшнѡ пырис ваас Кондрат Вассаыс. Кѡтѣ кыдз, но Епим Спѣра колис дѡвѣчѡн.

Ягдорсаяс, дерт жѡ, гѡгѡрвоисны: сиктын сы мында дѡѡа, мый грек кольчыны Спиридон Ефимовичлы нѣм помѡдзыс дѡвѣчѡн, ѡд сѣйѡ абу на сыметѣ пѡрысь. Ѧткѡн кольѡм бѡрын эз кут кыскыны керкаас, ѡтарѡ нѡксѣыліс ывлаын, махорка шпуткигтыр пукавлѣс ю берегын, эжаѡокса тѣѡ катліс бѡтайтчыны. Тыыс гырысь черѣа, гырысь синма бѡтанѣяс и вѡйтавлѣс. Тыѡокса ягас сиасѣліс. Ёна вердліс Вассасѡ черѣнад да пѡтка яйнад. А ѡнѣ кодѡс кутас вердны? Быдса бѡчка нин солалѣс югыд сѡма черѣтѡ. Йѣѡн кѣнясьтѡдз тыас кутас кѣйсьыны. Бѡчкаѡ жѡ (пу бѡчкаяссѡ вѡчалѡ ачыс) солалѣс и ельдѡг да ягсер, быдса сѣмѣялы тырмымѡн, а сѣйѡ ѡтнас. Гажтѡм Ефимовичлы, ѡк, кутшѡм гажтѡм! Вѡлѡмкѡ, Вассаыс и олан гажѣыс сѣлѡн. Мый и вѡчны? Гашкѡ, гѡтрасѣны да? Вына мужик на, любѡй баба водзын на асьсѡ оз янѡд. Тѡд вылас уськѡдліс ѡти бабаѡс, мѡдѡс, коймѡдѡс — некод абу сылы кодѣ. Ставныс эськѡ дѡѡаяс, вермасны на и кага чужтыны Ефимовичсянь, но че-

лядныс, вермас лоны, оз примитны. Ладнӧ, оз кут тэрмасыны. Адӧй ёна эськӧ вежыс петӧ Педот Надьӧ вылӧ, да арлыднаныс ёна торъялӧны. Мед эськӧ некод жӧ оз кыв сылысь татшӧм думъяссӧ.

Пуксис ичӧтик зеркалӧ водзӧ и шемӧсмис: аддзис сэсь ёна нин пӧрысь мортӧс. А пӧрысьтис тошкыс! Позьӧ мӧй татшӧм чужӧм-ӧбликӧн думайтны Педот Надьӧ йылысь? Босьтис шыран и помӧдз тшытшліс тошсӧ, уссӧ эз вӧрзӧд. Вӧчис майтӧг быг и мавтчанӧн быгъяліс чужӧмсӧ пель йылӧдзыс. Бритчис дыр, вомсӧ вешкыралігтыр, ножичӧн рӧвняйтыштіс ус помъяссӧ. Мыссис, шыльӧдчис и зеркалӧн тыдовтчис дзик мӧд морт: шыльыд бан бока, зумыд ныра, вывлань сыналӧм юрсиа. Видзӧдліс стенӧ клеитӧм газетлань, кӧні Сталинлӧн портретыс. Сӧмын ӧні казяліс, кутшӧма, вӧлӧмкӧ, сійӧ мунӧ уска Сталинлань. А Сталинӧс радейтӧны став сӧветскӧй йӧз. Сідзкӧ и, сюрасны Спиридон Булышевӧс радейтысьяс. Ни ӧти оз жалит, мездысис асьсӧ пӧрысьтана тошкысь да.

Гӧтырсӧ дзебӧм бӧрын нелямын лун мысти Ефимович муніс ягдорса нюрӧ турипув вотны. Век заптылӧ тайӧ вотӧссӧ тӧв кежлас витамин пыдди. Алас киӧн сямӧдысь кыӧм чуманӧ вотчис. Гырысь да сьӧдӧдз кисьмӧм тусьыс. Кокни кокйыны турипувтӧ. Нюрыс паськыд, пом ни дор оз тыдав, сулалісны шочиник пуяс. Водзынджык копрасис нывбаба Ефимовичлань мышкӧн и мужиклысь матысмӧмсӧ эз казяв. Ёна ылынджык вӧліны и мукӧд вотчысьяс. Лэптӧм пеля шапкаа Спиридон кызӧктис, аныд веськӧдчӧмӧн видзӧдліс сылань и тӧдтӧм чужӧма мортсьыд повзӧмысла босьтчис пышйыны. Вутшкӧсь нюрӧдыд ылӧдз он котӧрт, крукасис и пласьт усис кынӧм вылас.

- Пекла, тайӧ ме, Спиридон! Мыйысь нӧ повзин?
- Кутшӧм Спиридон?— кыпӧдчигмоз ружтовкерис Пекла.
- Таркойтса Спиридон.
- Сӧ лешак, сэтшӧма повзӧдін. Кӧн нӧ эськӧ тошкыд?
- Бриті, мед тэныд кажитчыны.
- Меным?

— Тэныд. Кодлы сэсса...— Ефимович гартовтіс чигарка. Сылы воча сулаліс Пекла.— Пасибӧ тэн, Вассаӧс дзевигӧн ёна отсасин да.

— Мед райӧ воас шонъянӧй. А тэ — сэтшӧм том да мича лоӧмыд тоштӧгыд.

— Ме вед абу на-й пӧрысь. Во помнас, шонді бергӧдчан лунӧ, тырӧ мен ветымын вит. Дай ачыд на этша мый воштӧмыд томдырсясьыд.

— Ме эськӧ абу на жӧ пӧрысь да. Кык арӧн и ыджыдджык тэысь. Слабог, войнаыд кусіс да, ӧні олӧм на окота олыштны. Некор некодлы эг норасьлы, а тэн вот висьтася, зэв ӧд сьӧкыд мужиктӧм олӧмыд,— Пекла гӧгӧрвоис, кутас кӧ сёрнитны мӧд ног либӧ ерепенитчыны, мукӧдъяс удитасны Спиридонӧс, да сы мында и аддзылан. Бурджык лоны меліджыкӧн да сетчанаджыкӧн, ӧні ӧд быд мужичӧй зарни дон.

- Корала кӧ тэнӧ, мый эськӧ шуан?
- Менӧ коравліс сӧмын Уркай Зось, но важӧн нин тайӧ вӧвлі.
- Но вот, уна во мысти ме корала: Пекла Ӗнисимовна, ло меным гӧтырӧн.

— А кōза йōвтō кутан юны?

— Кōза йōв кодъ чōскыдыс нинōм абу. Дука сола черитō ачыд радейтан?

— О, да кыдзи ещō радейта, сōмын тай вердысьыс абу-а.

— Ōнi сийō тэ водзын сулалō.

— Пета кō, он кут кедзовтны?

— Радейтны кута, Вассаōс моз жō. Ме вед ог и тōд, мыйла-й юксинныд Уркай Зосъыдкōд,— Ефимовичлы вōли дзик веськодъ, мыйла торйōдчисны Зосимыскōд, но юалис жō тай-а.

— Зосимыдкōд ми бур ногон янсōдчим,— Пеклалон син водзō сувтлис сийō серпасыс, кыдзи Зосимыс суис сийōс том мусу-кыскōд, Максимкōд, вевсōн. И кыдзи верōсыс шыбитис гын сапōг пōла, гачтōм Пеклаōс лым пиас, но ни ōтиысь эз кучкы. Унатор вунас Пеклалон паметъысь, но тайō некор оз. Водас да, частō усьлō дум вылас Максимлон шуōмыс: «Пекла, тэ пōжōм сёркни кодъ жō небыд, юмов да чōскыд». Тадзсō сэсся некод эз шулы.

— Гōтрасям да мусмам ōта-мōднымлы. Кōть и чунь гозъя кутам овны, ог кутōй гажтōмчыны,— эскōдис Ефимович.

— Сэсся нōсь, сiдзи-й коли тōдтōм, кыдзи ваас веськалис Вассаыд?— медся дойманаторсō юалис Пекла.

— Менам Ягдорō ветлiгкостi вошис. А мый лоис — код тōдас. Усьōм пиным вōсна асьсō ёна жугōдис. Даниланым вед пинскōй война вылад усис нелямынōд वोся певральын. Казялi да, сы бōрти Васса вошласьны кутiс. Збыльысь кō, век полi, мыйкō, мися, вōчас аскōдыс да. Со тай мыйōн помасис. Эн тай и вочавидз: петан али он ме сайō? Али кодкō воывлō? Мича аныыд ōд ма кодъ, быдōн сийōс чунъыштны дась.

— Ōтувтчам да кон кутам овны? Ме вед озыр невеста — кык лыстан да ōти ай кōза менам эм.

— Гожйыны кивывджык Таркойтын, а тōвйыны Ягдорын. Кō-заыды йирсянiныд уна посēлокад, гидыд эм и. Ми ōд водзтi ыжъясōс видзлiм. Вай тыртам чуманнымōс. Тасянь веськыда ме ордō-й мунам.

— Аттō пиō, йōзыс ōд дивитасны,— мода вылас пыксъыштiс Пекла, кōть и окотаысла пыр жō дась лэбзыны.

— Дивитōмысь кō повны, вōльнōй светас кōть эн чужлы да. Некод абу мянōс дивитысьыс.

— Вотчыштам. Сэсся мунны колō, менам кōзаясōй ывлаын, ōшинь ув йōрын.

Тыртiсны чуманнысō, и Ефимович нуōдис Пеклаōс вōрса ордым кузя веськыда Таркойтлань. Вōли семендунбōрса баба гожōм, пуяс костын черань везъяса мича лун. Гōлōстōммō да шуштōммō вōр. Абу нин гожся кодъ югыд Эжва. Асывъяснас пужъявлō, видзяс весьтын нōгыль ру, эз на кынтавлы. Регыд дугдас Эжва йывлань ветлыны пароход. «Заря» колхоз помалō му выв уджъяс. Идравтōм на мōс сёркни. Сиктсаяс кералōны ас град вылысь кōчан. Районса газет юōртiс: нянь сдайтан план район тыртōма сē куим прōчент вылō. Война воясō эз тырты ни ōтиысь. Правленнōлон артыштōм серти, быд трудоденьысь Ягдорса колхоз-никлы вичмас кык кило нянь да кык шайт сьōм. Этша, но мукōд овмōсьясын и та мынданас оз во.

Ефимовичлон керкаыс абу ыджыд, гōгōр вōчōма бур кипод-

туйон. Кыр йылас, медся косинас, срубья картупель гу. Тулыс-сянь арөдзыс сийö тшөтш и көзөд пыдди. Гуыс джуджыд, и го-жөмбыд сэни ыркыд. Картупель сүйтөдз видзö сэни и сола чери, и сола тшак. Сэтчö пырөм-петөм выlö вөчөма кивевйöса па-лича пос.

— Төдмась, Öнисимовна, менам овмөсөн и ло көзйякаөн,— керкадорса лабичын лолыштөм бöрын шуис Ефимович. Пыра-лис керкаас и петис киас ыджыд тасьтiөн, нуөдiс Пеклаөс ывла гуас сола черила. Кажитчис аныдлы и пывсяныс, и гидыс. Абу дурк и керка пытшкөсыс. Крөваттын гөн перина и гөн юрлөсьяс. Көзйин вайис пызан выlö пуөм коръя капуль да рудзөг нянь. Няньсö карточка серти ньöбö ягдорса лавкаысь. Тасьтiын вундалөм сола сир. Кыскис пачысь сьöла яя шыд чу-гун. Комнатаын разалис чөскыд дук. Нывбаба ныр улö пуктiс джумъя пу тасьтiö чөвтөм шыдсö да торйөн еджыд чига сьöласö.

— Татшөм чөскыдасö важөн нин эг сөйлы,— чунь помъяссö нюлигтыр висьтасис Пекла.

— Вөр-ваыс öшинь уланым, поэö перйыны кынөмпөттö. Ду-майта да, колхозъясыд ёна тшыкөдiсны коми крестьяниныдлысь олөмсö. Кыдзкө мөд ног колiс котыртны сылысь уджсö, а не пöдтыны налогъясөн да поставкаясөн. Став няньсö-й, йөв-яйсö кытчөкө нуöны, а аслыс, колхозыслы, пöшти нинөм оз коль. Кутшөм нö тайö олөм? Сэсся, кыз ачымөс помнита, öтарö во-юйтам. Кывлi да, Уркай Зосыд пö сой пөлөн воöма.

— Ловйөн воöма да слабог нин. Ме сылысь чужөмсö нин вунөдi сы мында вонад. Шань мужик эськө вöли, да эз тай артмы олөмным. Киссьөм ватö он нин курав, водзö олөм йылысь колö думайтны.

— Сы вöсна и корала тэнö, мед олөм на овны. Менам вед, Öнисимовна, сэтшөм на арлыдöй, нывбаба дуксьыс весиг быдлатi вөрзылө. Вай тайö здуксяньыс и ло меным гөтырөн. Личөдчы, пыр шебрас улас.

Пытш кодь тэрыб Ефимович эз янөд асьсö нывбаба водзын. Кутчысьлисны дыр да ёна нускигтыр, и жуймунөм Пеклалы эз көсйыссьы петны шебрас увсьыс.

— Тэ тай, Спиридон, Конюк Педьлөн конюшняса уж кодь на яр вөлөмыд. Пока йöрикайтчин рушку вылын, пөв-мөдысь садьöс воштыли.

— Старайтчи эськө да.

— Вассасьыд гусьөн пöдругатö эн видзлы?

— Эг, Васса мен тырмылис. Öнисянь тэ тырмымөн дай.

— Пасибö,— уна во мысти Пекла бара на кыли асьсö тыр вир-яя нывбабаөн. Быд мортлы, көть китыр да, колö шуд. Тайö шудыс, тыдалö, вичмис и Öнись Пеклалы. Оз, некутшөм мөд бабалы оз сет Ефимовичөс. И мед Спиридоныс кутiс кажитчыны пöрысьджыкөн, тшөктiс выльысь быдтыны тошсö. И быдтiс.

Спиридон Ефимовичлы ветымын вит ар тырөмсö гозъя пас-йисны кыкөн Пекла ордын. Нимлуныс буретш вежа чудотворец Спиридонлөн чужан лунö, декабр 25 лунö, кор шондi бергөдчö тулыслась, а ош аслас гуын — мөдар бок вылас. Заводитöны содны лунъяс, и выль воөдз содасны, важ йöзлөн шуөм серти, чипан воськов мында.

Войвыв поводдяд вежласьысь, ыждались кага кодъ. Кивыв вöлі му вöдитысьяслы нелямын сизимöд вося тулысыс. Ас кадö нуöдісны гора-кодза «Заря» колхозын. Лун и вой, вежласьомон уджодісны колесаа «ХТЗ» тракторсö Нина Распопова да Михайлö Олюксан — вöвлөм сержант, танквывса механик-водитель. Кольом ар Олюксан гөтрасис, вайодіс гортас мамыслы монь пыдди велöдысь Антонина Николаевнаöс. Öні, гашкө, пыр кезлө нин лоö Ягдорса школаын асланыс велöдысь.

Избачалö Як Марья, оз кедзовтчы и колхозын уджысь. Субöта рытьясö том йöз и челядь воывлöны клубö. Ыджыдджык нылазонмаяс гудок ворсөм улö йоктылісны. Октябрса революциялы комын во матысмигкежлö йитöдын изба-читальнясын, библиотекасын да клубьясын уджалысьясöс неважөн чукөртлісны Лёмдінö семинар вылö. На водзын сёрнитісны партия да комсомол райкомьясын уджалысьяс. Велöдісны, кызди бурджыка нуöдны культурно-просветительнöй удж; корисны котыртны уна сикас кружокьяс, лэдзны стеннöй газетьяс, ловзöдны нагляднöй агитация. Адзысьлісны и Лёмдінысь колхоз-совхоз театрса артистьяскöд — Юлия Оботуровакöд, Василий Лекановкöд, Зинаида Львовичкöд, Клара Лекановакöд, Иван Макаровкöд, Луиза Чисталёвакöд да мукöдкöд. Найö велöдісны котыртны сиктьясын да деревнясын сьылысь-йоктысьяслысь коллективьяс. Тайö театрыс Эжва катыдын уджаліс нелямын коймöд восянь.

Коммунистьяслөн партия, власьт бердö воом бöрын медводдза луньяссянь, паніс тыш Енлы эскөмкöд. Партия көсйис, мед миллионьяс эскисны сöмын сылы. Религиялы паныд пропаганда вöлі шуöма медыджыд могьясысь öтиөн. Тöдласны кө, мый коммунист воськовтіс вичко порог вомөн, вөтласны мортсö и партияысь, и удж вылысь. Век жö, кодысьюрö мойвиліс гусьöник пыртны кагасö Көджпомса вичкоын. Йöз вунöдісны, мый сійö венчайтчöмыс. Местнöй радиовещание да районса газет чуксалісны став йöзöс уджавны стахановскöя, мед бур вермөмьясөн пасйыны Великöй Октябрлысь комын вося юбилей. Но ни революция, ни партия нинөм на бурсö эз вайны йöз олөмö. Век на öтарö полөм, тшыг нисьö пöt олөм. Ягдор гөгöрын комынöд вояссянь эз на бырлыны пуксьöдöмаяслөн лагерьяс. Сы пыдди культура учреждениесын, организациясын да предприятие-ясын — быдлаын öти и сійö жö лозунг: «Маркслөн, Энгельслөн, Ленинлөн знамя улын, великöй Сталинлөн веськөдлөм улын, водзö — коммунизмлөн вермөмьясö!» И сэк жö, коми крестьянин öдвакö тöдіс, кодыас найö Марксыс да Энгельсыс, көть и öткымын мам-бать сетлісны тайö нимьяссö асланыс пиянлы.

Парторг Нестеровöс корлісны райкомö отчётөн. Морттö прамöя гогналöмаöсь организацияслөн омоль уджысь. Локтіс и чукөртіс коммунистьясöс. Собраннөсö нуöдісны изба-читальняын. Партиечьясысь öддор сэтчö некодöс эз лэдзны. Мед сёрниыс эз паськав, весиг гортас тшөктісны мунны избач Воробьёваöс.

— Кодкө мөдöдöма мяян вылö норасяна письмö,— паніс сёрнисö Степан Андреевич.— Том йöзлы пример петкөдлөм пыдди пö коммунистьяс юöны, видзöны пöдруга, некутшөм пар-

тийнõй удж оз нуõдны, партияõ выль йõзõс оз дасьтыны. И вайõдисны письмõсьыс юр янõдана некымын пример.

— Ноко, кутшõм сэтшõм примеръяс?— юалис Õстап Вась, кодì собраннõ вылас секретаралис.

— Коммунист Кирилл Латкин пõ гõтыра, эм кык пи, а гажа юрнас пõ дась гачсõ лэптывтõг ветлыны õти дõвасянь мõд динõ. Неважõн пõ õти том дõвакõд ноксигõн суõмаõсь конюшня ляс-ниысь...

— Кодлы кутшõм делõ меõдз?!— орõдис Нестеровõс Латкин.— Эг сы вõсна воюйт, мед повны чужан му вылын!

— Абу сидз, Кирилл Антипович,— паныд сувтис парторг.— Партиялы быдторйõдз и быдõнõдз делõ. Гижõмаõсь и Никõн Толь йылысь.

— Ме йылысь?— местасьыс чеччыштлис Никõн Толь.

— Да, тэ йылысь. Сийõ пõ мырдõналõма õтка дõваõс и мõдыс пõ сьõктõма. Нимсõ аныслысь индõма — Закар Агни.

— Мырдõнали? Сõрõм! Код лешакыс нõ гижõма сэтшõм ябе-дасõ?! Буретш Стретеннõ вõли, ачыс Агниыс аддзис менõ туй вылысь да горõдди: талун пõ сур юан празник, пырав пõ, гõс-титõда. Сур пыдди самõкур стõкан ныр улõ пуктис. Сэсянь и заводитчис ставыс.

— Ог тõд, мыйсянь заводитчис,— эз помõдз кывзы парторг,— но Агниыд алимент кõсийõ судитны.

— Гашкõ, абу и мясянь сьõкыд?

— Законис сэтшõм: кодõс индас чуньнас Агниыд, сийõ и бать, сысянь и алимент.

— Ас вылад кõ индас?— эз сетчы Никõн Толь.

— Менõ Агниыд эз чукõстлы суртõ юны, ме вылõ индыны оз вермы. Казьтыштõма письмõас и Õртем Ермолайõс.

— Менõ нõ мыйысь?— повзис Ермолай.

— Гõтырыс пõ лэччõдлис кагасõ пыртны Кõджпомса вичкõõ.

— Тыпу! Весиг тайõс тõдõны райкомын. Кодì бара-й тадзсõ суклясьõма-а?

— Абу суклясьõма, ставсõ збыльтор гижõма. А вот кодì гижис гõгõрвоны ог вермы,— пукалысьяслõн синъясõ видзõдлис парторг.— Быд коммунистлõн керкаын пõ, Сталинлõн портрет пыдди, Ен ув пельõсас õбразъяс.

— Ме вот, думайта да, оз-õ пакõститчы Антонина Николаевна?— казьтыштитис нимсõ велõдысьлысь Ермолай.

— Сийõ ачыс фронтõвичка, и миянõс, вõвлõм фронтõвикъясõс, некор оз вузав,— шыасьлис Кирилл Латкин.

— Сёрнитли ме Антонина Николаевнакõд, кõсий ызийõдны пырны партияõ, да весьшõрõ. А кор шыõдчи верõсыс динõ, Михайлõ Ольõксан динас, тайкõ эз мõдõд менõ сэтчõ, кытì ме чужли. Менам тракторõй пõ и партбилеттõг на котралас. Опо-насей эськõ партияõ зэв бур кандидат и ачыс абу паныд, но пыра кõ пõ, гõтырõй юкяс.

— И кутшõм кывкõртõд вõчисны райкомад?— юалис Õстап Вась.

— Сетисны кад бурмõдны уджнымõс. Сэтшõм коммунисть-ясысь пõ, кодъяс воштисны морально-нравственнõй чужõмбансõ, кõtь и морõс тырныс орден-медаль, кутам мездьсыны. Ковмас, ёртъяс, лõньыштны юõм-кодалõмысь, пõдруга видзõмысь, ань-ясõс мырдõналõмысь.

— Эг ме мырдонав Закар Агнитё! Кёсъяс кё, сійё ачыс на любойёс мырдоналас. Агниыдлөн выныс Михайлё Ольёксанлөн тракторысь на унджык. Меным кё алимент судитас, ме сійёс ачым судё сета менё мырдоналомысь,— ку писыыс петмён лои Никён Тольы.

— Мый ме висьтала, сюркнялөй пель саяныд. Кырсасьом мода мед водзё эз вөв! Да, Ягдорнымёс позьё шуны дөваяслөн деревняён. Кодкөлун изба-читальняын лыддим Мария Яковлев-накөд да, тані матё квайтымын дөва. Гөгөрвоана, найё гажтём-чисны мужик ласковлунысь, но оз позь вөчны сідз, мед ставныд йөзасинныд и лоинныд мир съемекъясөн. Позьё мөй Красной Армияса вөвлөм офицерлы гөзийдчыны конюшняё?

— Откодъ өд, көні кутчысылыны бабаыдкөд — горничаын али конюшняын,— керыштис сэтчө Кирилл Антипович.

— Абу! Меным норасьліс Федот Кырьянович: эсійё бабник Кирилл Латкиныс пө пежосьтөма менсьым конюшняёс. Ковмас пө конюшня өдзөсө томан өшөдны.

— Пөжалуй, Конюк Педьыд на и вузаліс ставнымёс. Код сэсса?— ропкөдчис Никён Толь.— Батыыс пыдди нылыс гижис ли, Педот Надьыс.

— Пышйысылөн өти туй, корсыысылөн сё туй. Тані сідзи кымын жө: гижис кодкө өти, а мыжалам унаөс. Гижысьсө райкомад эз висьтавыны. Но, кызд аддзанныд, юөртөма төдысь морт. Чайта да, гижөма тані пукалысьяс пиысь кодлөнкө гөтырыс. Пола вот, йөзөдасны кё письмөсө газетын.

— Көсийсны али мый?— спроворлуныс вошис Латкинлөн.

— Мед эз удитны сетны газетас, колө регыдджык мөдөдны райкомас миян собраннёлысь кыв шуөм,— эз веськыда вочавидз парторг.— И мөдөдны Лазарь Кузьмич Костинлөн ним вылө, век жө, ягдорсалы зять. Гашкө, мездас миянөс позорысь. Ме мыйсюрө пасьялі, кутшөм колө лоны решениеыслы. Бөрын-нас содталам либө чинталам. Лыддя: «1947 вося юнь кызьөд лунө вөлі Ягдорса партийной организациялөн собрание, көні коммунистьяс видлалисны некымын сёрнитантор. Медводз кё, райкомө мөдөдөм письмөысь унджык фактсө собрание шуис лөсьөдлөмөн. Сиктын некодөс некод эз мырдонавлы. Мөд кё, быд фронтөвик-коммунист изба-читальняын кутас аддзысылыны том йөзкөд, нуөдны на пөвстын патриотической да атеистической темаяс вылө беседаяс. Коммунистьяслөн семьясын тшөктөма Ен-өбразъяс вежны великөй Сталинлөн, Молотовлөн, Калининлөн да мукөд веськөдлысылөн портретъясөн. Коймөд кё, партияса быд член пуктас ассыыс төдчана пай и вөр лэдзөмын, и видз-му вөдитөмын стахановскөй движение паськөдөмө. Нельөд кё, быд коммунист аслас удж вылын кутас петкөдлыны бур пример мукөдлы, вөчас ставсө сы могысь, медым выль вермөмтъясөн пасйыны Великөй Октябрлысь комын вося юбилей». Но, кызд?

— Позьё и кузьджыка на гижны, бумагаыд терпитас,— веськодпырысь крапкис Латкин.

— Лөсьыда гижөмыд, Степан Андреевич, но эскасны-ө райкомад?— шыасис Остап Вась.— Но өтитор колө содтыны.

— Ставныд думыштлөй, гашкө, мыйкө вежны, мыйкө выльтор

суюны,— корис парторг.— Ноко, висътав, Василей Ёстапович, ассыд содтөдтө.

— Пасйы нось со мый: «Ягдорса парторганизация зильджыка кутас уджавны партияё медбур йөзөс дасътөм кузя».

— Молодеч, Василей Ёстапович. Тайё бур вөзийөм. Ме ачым көсйыся дасътыны партияё Мария Яковлевнаёс, избачлы быть колё лоны партияын. Колё сёрнитлыны и Педот Надёкөд, сійө колхозын ударница. Колё нывбабаясөс кыскыны миян организацияё. Партияё бур кандидат Анна Платоновна, но мый шуас сълөн верөсыс Василей Ёстапович?

— Миян семьяын өти коммунистыс тырмымөн,— вочавидзис Ёстап Вась.

— Степан Андреевич, видзөда да, тэнад кө вөлі вөля, примитін эськө партияё весиг Ёнись Пеклаёс,— пиньсө кеслыштис Никөн Толь, коді өкмыс коммунист пиысь өтнас гөтыртөмыс.

— Ёнись Пекла коддьөм вылас и сулалё миян деревняным, примиті эськө.

Никөн Толь чөсмасис Закар Агнилөн самөкурөн эз сөмын Сретенньө лунө. Гусьөн, йөз син сайын, воліс вель на унаысь. Сөмын сэк, кор төдмаліс, мый Агни сьөктөма, дугдіс воывлөмысь. Сёрнитчисны друга-пөдруга и воисны өти кывйө: татшөм лёк кадас чурка кагатө лоө быдтыны зэв сьөкыд, и Агни муніс перйыны Ёнись Пекла ордө. Водзті кө Пекла некодлы эз откажитлы, то верөс сайө петөм бөрын энөвтчис перйысян уджысь. Ефимович стрөга өлөдіс гөтырсө: водзө вылө важ ремеслөтө пө мед вунөдөма вөлі! Со и ловзъысь нянь шом моз быдмө Агнилөн рушкуыс. Никөн Толь збыльысь полө алимент судитөмысь и таысь мыжалө Ёнись Пеклаёс.

— Коді сы вөсна, мед миян собранньөлысь тайө решениесө мөдөдны партия райкомө Костин ёртлөн ним вылө, кора лэптыны кинытө,— вөзийис парторг.

Лэптісны ставөн. Сэсся пос помас петөмөн коммунистьяс вель дыр куритчисны, и разөдчисны.

Енмыс, тыдалө, аддзис и кыліс муыввса пернатөм сыліа йөзлысь ас вылас смекайтчөмсө и шуис мынтыны водзөс — дасътис аслыспөлөс козин Великой Октябрлөн юбилейлы. Гожся меджар пөраас, юлын да августын, некымын вой пужъявліс — уна овмөсын кынмисны шепта быдмөгъяс, сьөдөдіс картупель кор. Эжвакатыдса өткымын колхозын став урожайыс воши, мукөдлаын — джынвийө. Пөрысджык йөз ропкөдчисны восьсөн: со мыетш пө вайөдіс Ентөг оломьд. Быттьө пыр на муніс война, гөль вөлі пызан вылыс крестьянинлөн; карасин абутөмла вөдитчисны пеша биөн. Крестьянинөс пөдтісны яй, йөв, вурун сдайтан поставкаяс. Он кө нажөвит колана мында трудодень, поставкасө коліс сдайтны ветымын прөчентөн унджык. Сиктъясын эз мун некутшөм культурно-бытөвөй строительство. Крестьянинлөн эз вөв пашпорт. Сьөм абутөмла сійө эз вермы нёбны мича көм-паськөм. Гырысь и посни сиктъясын став контораыс вөлі озырджыка олысь зіль крестьяналысь мырддьөм керкаясын. Сэтшөм керкаын и Льөмдінын партиялөн рай-

ком. Районса дас нёльнан вёвлём вичкоын да кызь куимнан часовняын либё склад, либё конюшня, мукёдыс сулалёны пась-йём őшиньяса, быттьё повзьёдчысьяс, а коркё őд вёвлёны медмича да медуна йёза лэптөмторьясөн.

Оз, Енмыс оз прөстит большевикьясөс сы вылын да йёз вылын тешитчөмысь. Воас кад и налы ковмас кыв кутны Страшнөй суд водзын — императорөс да сылысь семьясё лыйлөмысь, йёзлысь нэмөвөйся верасё бырөдөмысь, вичкояс да часовняяс жуглөмысь, попьясөс лыйлөмысь да тюрьмаясын сисьтөмысь, зіль йёзөс кулакалөмысь, налысь олан керканысё да эмбурсё мырдылөмысь, медсюсь вежөраясөс мыжтөг мыжалөмысь, пленө веськавлөмысьяс лагерьясё мөдөдөмысь... Дерт, некод на оз төд, кор лоө тайө Страшнөй судыс. Но быть лоас! Тайөс гөгөр-воисны и асьныс радөвөй коммунистьяс, кодьяслөн вөлі кык право: ас кадө мынтыны взносьяс и собранньояс вылын гөлө-суйтны сідз, кыдзи тшөктөны ыджыджык чинаяс. Гораджыка шуны ассыныс мөвпяссө эз лысьтыны.

Ставыс эськө вермис лоны дзик мөд ног, компартия кө водіс и чеччис пернапасөн, эз кө ылыстчы йөзлөн олөмысь, эз кө пукты асьсө Ен туйө, юксис кө власьтнас Сөветьяскөд; өти кывйөн кө, вөлі кө морт чужөмбана. Сэк эськө татшөм партияад вермис вөййысьны весиг ачыс Исус Кристос. Сэк эськө мян ыджыд странаын этшаджык вөлі синваыс, шог-печальыс. Ёні ставыс на тайө юр выв тыр. Москваын пукалысь коммунист вождыяслы Сталины, Молотовы, Кагановичлы да мукөдлы сэсянь эз тыдав и эз төдны, кыдзи олөны йөзыс эжвакатыдса Ягдор да Юсьбөж сиктясын. Партияөн веськөдлысьяс, көть и унджыкыслөн вөлі ичөт грамота, кужлісны бөбйөдлыны странаса йөзөс, кужлісны «вердны» найөс аския лунөн — виль, югыд общество стрөйтөмөн.

Войнаөдз на, 1939 вося март 10 лунө, ВКП(б)-лысь дас көкъямысөд съезд восьтөгөн Народнөй Комиссарьяслөн Сөветса председатель Молотов шуис: «Ми помалім СССР-ын коммунистическөй революциялысь нөшта өти историческөй этап — стрөитім социализм. Ми пырам виль эпохаө, социализмсянь коммунизмө вуджан эпохаө». Съезд чуксаліс и водзө воспитайтны странаса став уджалысь йөзөс марксистско-ленинскөя. Мый тайө татшөмыс — некод эз төд. Коми мунымөс вөлі пөртөма ставсоюзса тюрьмаө. Страна пасьтаын репрессияяс. Воас кад, и Страшнөй суд нуөдысь судья казытыштас нимнысө палачьяслысь, тшөтш и виөмаяслысь лыдсө.

Социализм стрөитігөн йөзөс марксистско-ленинскөя воспитайтөм могысь, 1937 вося юль 30 лунө, Сталин кырымаліс документ, көні индөма республикаясын, крайясын да обласьтъясын лыйлыны 68600 мортөс да мөдөдны лагерьясө 185500 мортөс. Регыд мысти меставывса партийнөй веськөдлысьяс юөртісны: «Дона да радейтана вождь Иосиф Виссарионович! Тіянлысь индөдыястө пөртім олөмө. Кырымалөй нөшта өти документ, мый серти вермим эськө лыйлыны содтөд 48000 мортөс». И Сталин кырымаліс. 1938 вося декабр 12 лунө Сталин да Молотов кырымалісны комын список, көні вөлі индөма судтөг да следствиетөг лыйлыны 3187 мортөс. Таысь өддор, вөлі лыйлөма 1800

генералӧс да репрессируйтӧма 43 сюрс военнойӧс. И тайӧ шусис советской йӧзӧс марксистско-ленинскӧя воспитайтӧмӧн.

Пыдди пуктана лыддысьысь! Татшӧм лыдпасъяссӧ коми художества литератураысь тэ аддзан медводдзаысь. Найӧс романӧ босьтӧма странаса историкъяслӧн уджъясысь.

ВКП(б)-лӧн дас кӧкъямысӧд съезд вылын страналӧн военной вынйӧрӧн ӧна ошйысис оборона народной комиссар Ворошилов. Советской йӧзӧс сійӧ эскӧдіс татшӧм кывъясӧн: миян армия пӧ любӧй здукӧ дась петны бойӧ любӧй враглы паныд. И врагӧс пӧ лоӧ нырыштӧма да бырӧдӧма зэв регыдъя кадӧн. Ӧд миян Рабоче-Крестьянской Гӧрд Армия пӧ мирын медвына армия, кодӧс медбура вооружитӧма техникаӧн да медбура велӧдӧма. И, медся тӧдчанаыс пӧ, советской государстволысь армиясӧ пӧ вооружитӧма марксистско-ленинскӧй идеологияӧн.

Мый йылысь висъявліс маршал Ворошилов, ставыс лоис мӧдарӧ. Партиялӧн съезд мунан во помын пансис война финнъяскӧд. Сӧ вит лунся тайӧ косыс помасис миян страналы позорӧн. Финнъяс кӧ ставсӧ воштисны 29 сюрс сайӧ мортӧс, то Гӧрд Армия — 131 сюрс сайӧ. На пӧвстын 285 салдат Коми АССР-ысь, тшӧтш и Ягдорысь Спиридон Ефимовичлӧн да Кондрат Вассалӧн ӧтка пиыс — Данила Булышев. Миянлы пленӧ кӧ веськалісны сюрс финской салдат да офицер, финской пленӧ сюрисны квайт сюрс гӧрдармеец да офицер. Война помасьӧм бӧрын вежласисны пленнӧйясӧн. Советской пленысь мездӧмъясӧс примитӧмаӧсь рӧдинаас кыдзи геройясӧс. Мӧдсикас судьбаыс лоис советской военнопленнӧйяслӧн. Рӧдинаас воӧм бӧрын найӧс репрессируйтисны да мӧдӧдісны лагеръясӧ.

Во да нель тӧлысь мысти пансис война гитлеровецъяскӧд. Фашистъяс регыдъя кадӧн воисны Москва дорӧдз, кытшаісны Ленинград, сотісны сиктъяс да каръяс. Мирын «медвына» Гӧрд Армия нуис гырысь воштӧмъяс. Ыджыд территорияным да йӧз лыдным, налӧн героизмыс спаситісны странаӧс немеч улӧ помӧдз веськалӧмысь. Миллионъяс колисны куйлыны гортсянныс ылі муясын. Война кусӧмсянь колис кык во да джын. Советской крестьянинлы пыр на абу некутшӧм кокньӧдлун. Странаясын, кӧні власыт бердӧ эз сибӧддыны коммунистъясӧс, йӧзыс олісны ӧна бурджыка СССР-ын серти. И тадзи кутасны кыссыны во бӧрся во. Дыр на лоасны лагеръясын да ссылкаясын мыжтӧг мыжалӧмъяс, а коммунистической партия советской обществоӧс кутас шуны мирын медся гуманнӧйӧн, Сталинӧс — советской йӧзлӧн да партиялӧн медся радейтана велӧдысьӧн, человечестволӧн величайшӧй генийӧн, мирӧвӧй коммунизмлӧн великӧй вождӧн. Ен да и ставыс!

Октябрлы комын вося юбилей водзвылын Лӧмдінсянь Ягдорӧ вайисны вождыслысь уна рӧма портретъяс. Ленинлысь да Сталинлына портретъяссӧ Мария Воробьёва ӧшӧдіс клубӧ медся тыдаланаинас. Кызьӧд воясӧ тані ӧшавлісны эзысьӧн дзирдалысь ӧбразъяс. Сталинлӧн, Молотовлӧн да Бериялӧн портретясӧн мичмӧдісны изба-читальнялысь пытшкӧсса стенъяссӧ. Парторг Нестеровлӧн корӧм серти Сталинлысь виль портрет ӧшӧдісны колхоз правленнӧлӧн стенӧ, воддзаыс ӧшаліс во дас.

Эз, некутшӧм козинъяс эз дасьты «Заря» колхоз Октябрлӧн юбилейлы. Клубӧ чукӧртчылісны том йӧз, олӧмаяс эз локны.

Неыджыд доклад газетгясысь чукөртөм материалгяс серти лыд-дис парторг. Школьникгяс сьылісны, лыддисны стихгяс Ленин да Сталин йылысь. Бөрыннас том йөз йөктісны, гудөкасис Михайлө Олюксан — Венья Турьевлөн воча вокыс. Найө вөліны кык чойлөн челядь, ичиньыс и козыналіс Олюксанлы Веньяыслысь гудөксө. Верөсыс зэв вежөгтысь, и Антонина Николаевна зонгяскөд йөктыны эз лысыт, йөктіс медгясө избач Воробьевакөд. Найө лоисны бур пөдругаясөн и воысисны өтамөд ордас.

Праздник бөрас Пелагея Петровна звөнитлөма Анна Платоновналы и юөртөма виччысьтөмтор: Таркойтын пө көсийоны восьтны лесопункт, а уджавны кутасны спецпереселенецгяс. Кодгяс найө сэтшөмгясыс — абу висгялөма. Юөрыс өдий паськаліс сиктын. Йөзсө пө ваясны матысса кадө нин ас районса мукөд лесопунктгясысь. Войнаөдзыс Таркойтын лэдзлісны вөрсө лагерникгяс. Наөн стрөйтлөм баракгясыс өні вөліны овны шогмытөмөсь, коліс өна дзоньтавны. А ывлаын төв — декабр. Овны позис морт-мөдлы сөмын Спиридон Ефимовичлөн пуста керкаын, ачыс төвийс Онись Пеклакөд Ягдорын.

Карасин абутөмла изба-читальнясө Як Марья пөдлаліс водз. Гортас ыджыд пачыс кутө эськө шоныдсө, но вой кежлас ломтыштлө ичөт көрт пачсө. Избачыдлөн медгясө рытгя удж, и Вова пиыс пырджык пөчыс ордын. Бригадир Опоначейлөн чукөстөм бөрын Як Марья регыд и пасгыасис. Колхоз правленньөыс сикт шөрас, кывтыдсянь ни катыдсянь абу ылын. Правленньөө йөзыс чукөрмөма вель уна. Бөргя кадас йөзыслөн кыптыштис лолыс, өд бырөдісны сёян-юан карточкаяс. Лавкаясын унджык лоис сёянтор да төвар, сөмын мед вөлі сьом. А сійөс позис нажөвитны медгясө вөр лэдзөмөн. Та вөсна колхозник-сезонникгяс зілісны тыртны да вевтыртны плангяс. Зільджыка кутіс уджавны и районса унджык лесопунктыс. Медводзын мунысьясөс да коллективгясөс пасйылісны районса Почёт пөв ылө печатгын йөзөдөмөн.

Правленньөын шоныд, гажаа ломтысис ичөт кирпич пач, кыліс сэні ёся трачкөдчөм — тадзи сотчөны коз чуркаяс. Бухгалтерлөн ыджыд жырйын мужичөйгяс и нывбабаяс. Көдздыгяс дырйи татчө воывлөны рытгяснас варовитны өттор-мөдтор йылысь, а талун локтісны кодсюрөыс торйөн корөмөн. Вөвлөм фронтөвикгяс, кыз чигарка шпуткигыт, казгытылісны ассыыныс боевөй туй. Висгыасисны сідз, көть ставныслы сет Геройлысь ним. Парторг Нестеров вөвлөма военнөй аэродром ылын заправщикөн, а асьсө тайкө оз лыдды лётчикөн. Антонина Николаевна корлөма школаө аддзысьлыны челядькөд и шуөма весиг: ме пө аслам боевөй самолөтөн куимысь лэбзылы Ягдор весьтөд и өвтыштли пө киөн тиянлы. Аддзылінныд пө? Аддзылім пө! — өти вомысь вочавидзөмаөсь челядь. Сизим-дас өти арөса ныв-зонпоснид, мый көть он висгяв, быдторлы на эскөны.

Сэки жө Степан Андреевичыд нөшта өти вөвлытөмтор збыльтуйө висгялас. Морөсас куим медаль, и өтиө чуткас чуьнас да шуас:

— Тайө медальсө, шусьө «За отвагу», аслас кийысь сетіс мен Мөскуваса кремльын Иосиф Виссарионович. Пысалис морөсө, кутыштлис кйөс и шуис: кор пө воан чужан сиктад, мясянь

висьтав сэтчӱс челядылы ыджыд привет, и мед пӱ кывзысысны асьныс велӱдысьсӱ и буга велӱдчасны.

— Кутшӱмджык нӱ эськӱ Сталиныс?— юалас ӱти зонка.

— Дзик татшӱм, кутшӱм тӱян классын ӱшалысь портрет вылын.

Велӱдысь, вӱвлӱм зенитчица Антонина Николаевна, ӱдва кутас ас пытшас серамсӱ, школа кильчӱ вылӱдз колльӱдӱгӱн шуас:

— Степан Андреевич, тэ зэв бур фантазёр. Тэн колӱ босьтчыны гижны челядылы висьтӱяс.

— Думыштла,— вочавидзас мӱдыс.

ӱнӱ парторг Нестеров пукалӱс правленнӱын, кывзӱс мукӱдысь висьтасьӱмсӱ, ачыс верстьӱ йӱзтӱ бӱбӱӱдлыны эз кут.

— Ёртӱяс, лӱнныштӱй. ӱнӱ заводитам делӱвӱй сёрни, мый могысь и чукӱртчим татчӱ,— пызан сайӱ сувтӱмӱн панӱс сёрнисӱ Анна Платоновна.— Звӱнитлӱсны районса веськӱдлысьяс, юӱртӱсны: Таркойтын восьтӱны выль лесопункт, лун-мӱд мысти татчӱ ваясны сӱнӱ уджалысьясӱс. Воддза партияс пӱ морт ветымын. Асьныд гӱгӱрвоанныд, налы овны некӱн, став баракыс Таркойтад ӱшинь-ӱдзӱстӱм, асьныд ставсӱ кыскалӱнныд. Миян водзӱ сувтӱдӱма мог: мыйкӱдыра кешлӱ овмӱдлыны йӱзсӱ ас керкаясӱ. ӱнӱ ми вӱчам список, кодӱ кымын мортӱс вермас примитны.

— «Мыйкӱдыра кешлӱыс» дыр-ӱ кыссяс?— юалӱс кодкӱ.

— Кор баракӱясыс лоасны дасьӱсь, сӱки и вуджасны сэтчӱ. Звӱнитлӱ мен райкомсянь Лазарь Кузьмич Костин. Сылӱн кывъяс серти, стрӱйтчӱм вылас став коланасӱ вайӱ автомашинаясӱн Лӱмдӱн леспромхоз. Таркойт пӱ лоӱ механизируйтӱм лесопунктӱн, кутас уджавны во гӱгӱр, лоасны постоянной рабочӱйяс.

— Мыйся йӱз нӱ эськӱ, кодӱясӱс вайӱны?— мурӱстӱс кылӱ ӱртем Ермолай.

— Вайӱны миян районса мукӱд лесопунктӱясысь, спецпереселенецӱясӱн шуисны. Найӱ миян кодъ жӱ йӱз, повны нинӱмла. Бӱрӱймаӱсь медся томӱяссӱ — стрӱйтчысьясӱс, плӱтникӱясӱс, пач тэчысьясӱс, шоперӱясӱс...

— Миян вот дзоля кага, вомдзалӱмысь пола, примитӱ эськӱ ӱти морттӱ, — бара шыасьлӱс Ермолай.

— Тӱ пыртӱмныд кагатӱ Кӱджпомса вичкоын, сӱдзкӱ, оз вомдзась. Сӱйӱ абу помка,— шуис парторг Нестеров.— Ми овмӱдам кык мортӱс.

— Ладнӱ, пасӱйӱ миянӱ ӱтиӱс,— сӱгласитчис Ермолай.

— Ми Василей ӱстаповичкӱд шуим овмӱдны кыкӱс,— кӱсӱйысис Анна Платоновна.

— Бать, ми ӱд примитам жӱ,— Конюк Педь дӱнӱ шыӱдчис нылыс Педот Надӱ.

— Пасӱйӱ, мед нӱсь локтас ӱти морт,— кывзысис нывсӱ Федот Кирьянович.

— Миянӱ пасӱйӱ кыкӱс,— корис ӱнись Пекла,— эм местаыс, мед узылӱны шоныдӱнын.

— Пекла, мырдӱналасны кӱ?— кылӱс код юра мужичӱйлӱн гӱлӱс.

— Мырдӱналасны кӱ, ме нинӱм нин ог вошты, пасибӱ на шуа,— падӱявтӱг крапкис Пекла, и жырӱын пукалысь аняяс весиг клопайтӱсны.

— Анна Платоновна, пасйöй ме ордö öтиöс,— вель дыр чöв олöм бöрын шуис Як Марья.

Шыöдчылісны öти бöрся мöд, и список лоис дась. А кор воасны йöзыс, стöчасö эз тöдны: матыса лунъясö пö. Колхозникъяс шензисны, мыйла татшöм кöдзыднас коліс найöс вöрзöднысö.

29

«Спецпереселенец» — тайö кывйыс паськыда лои тöдса Комиын комынöд вояссянь. Важысянь Коми край вöвлі ссылка местаөн. Татчö мöдöдісны государстволы мустöм йöзöс. Колö тöдчöдны, революцияöдз сэтшöмъясыс вöліны лыдаяс. Серпасыс вежсис кызьöд вояс помын, кор партия сувтöдіс мог öдзöдны странаын индустриализация. Та могысь колісны гырысь материальной да йöз вынъяс. А кысь найöс босьтны? Партиялы юрас воис мöвп: котыртны донтöм йöз вына лагеръяс да спецпоселениеяс. И гожöмын понтшак моз найö кутісны чужны странаса районъясын, көні олысьыс этша, а муыс уна озырлуна. Татшöмъясысь öтиөн и лоис Коми обласьт. Обласьтса войвылын восьтісны Гулаглысь лагеръяс, шöр да лунвыв районъясын — спецпосёлокъяс. Воддзаас перйисны из шом, нефть, газ, а мöдас медсясö лэдзисны вöр.

А ставыс пансис крестьянаöс кулачитöмсянь. Мыждісны эз сöмын озырджык семьясöс, но и шöркодя олысьясöс, гöльясöс да весиг батракъясöс, кодъяс эз көйыны пырны колхозъясö. Сöмын 1930—31 воясö странаын вöлі мыждöма 1 миллион 803 сюрс 392 мортöс. На пиысь öти юкөн мöдöдісны спецпоселение былö — спецпоселенецъяс, мöд юкөн — некимын во кежлö ссылкаö — ссыльнойяс, коймöд юкөн — пыр кежлö ссылкаö — административноссылнойяс. Лёмдін районö вайисны татшöмъясö сы мында, мый став олысьысь пöшти быд мöд морт лоис «антисöветскöй да контрреволюционнöй элементөн». А Троицко-Печорскöй району вайöм йöзыс лои унджык вужвойтырыс серти. Кулачитöмъясöс Комиö вайöмыс помасис сöмын 1939 воын.

Уна сикас категория спецпереселенецъясöс — полякъясöс, украинечьясöс, белорусъясöс, поволжьеа немечьясöс — Комиö кутісны вайны 1940 восянь. Война помасьöм бöрын бара вель йöз — молдавана, литовечьяс, но медунаыс сідз шусяна власовецъяс. Кодъяс найö? Мöд ударнöй армияса сöветскöй салдатъяс, офицеръяс, кодъяс Волховскöй фронт вылын веськалісны немецьяслөн кытшö, а армиянас командуйтысь генерал-лейтенант Андрей Власов 1942 вося юль 11 лунö сетчис пленö. Но власовецъяс лыдö пырисны эз сöмын найö. Мед лои гöгöрвоана роман лыддысьлы, документъяс былö мыджсьöмөн ставсö вись-талам сёрсьөн-бöрсьөн.

«Власовец» нимыс лои тöдса Коми му пасьта 1946 восянь. Тулыснас, НКВД-лөн проверочно-фильтрационнöй лагеръясын прöверка бöрын, сöветскöй военнопленнöйясöс (власовецъясöс) республикаса войвыв лагеръясысь кутісны разöдны спецпоселениеясö, медсясö вöр лэдзан посёлокъясö. На пöвстын вöліны механизаторъяс, бухгалтеръяс, врачьяс, артистъяс да худож-

никъяс, медся унаыс рабочёй профессияа йӧз — кызвыныс томӧсь, но лагеръясад тшыгыӧмла куш лыныс да кучикыс, и омӧлик кӧм-паськӧмаӧсь. Нелямын квайтӧд во помын кӧ Льӧмдін районса лесопунктыасын уджалісны вите власовец, то буретш во мысти налӧн лыдыс лоис нин сюрс. И медым ставнысӧ кытчӧкӧ инавны да могмӧдны уджӧн, районын шуисны восьтны выль лесопункт — Таркойт. Власовецъяс (Комиын ставыс вӧлі ӧкмыс сюрс) уджалісны республикаса став районъясын, тшӧтш и сыктыварса предприятиясын; эз вӧвны сӧмын Луздорын.

А коді жӧ сійӧ генерал Власовыс, кодлӧн нимыс, кыдзи предательлӧн, пыр кежлӧ коліс военнӧй историялӧн лист бокын? Андрей Андреевич Власов — крестьянинлӧн пи, чужис 1901 воын, помавліс духовнӧй семинария, нелямынӧд восянь генерал-лейтенант, эм кык орден. Вӧвлі Китайын военнӧй сӧветникӧн. Великӧй Отечественнӧй война пансьӧмсянь медсьӧкыд участокъясын: нелямын ӧтиӧд вося гожӧмнас командуйтіс 37-ӧд армияӧн и петкӧдіс сійӧс немецьяслӧн кытшысь; декабрьянь командуйтіс 20-ӧд армияӧн, коді нуӧдіс сьӧкыд бойяс Москва дорын. 1941 вося декабр 13 лунӧ «Известия» газет йӧзӧдіс сэкся медбур генералъяслысь фотографияяс: Жуковлысь, Рокоссовскийлысь, Говоровлысь да Власовлысь.

Сэк, кор Волховскӧй фронт вылын лои зэв сьӧкыд, Сталин индіс командуйтны мӧд ударнӧй армияӧн Власовӧс. Но армия веськаліс немецьяслӧн кытшӧ, командуйтысь сетчис пленӧ. Нелямын ӧти арӧса генераллы окота на вӧлі овны, эз лый аслыс плешкас. А писькӧдчис кӧ ас йӧз дінӧ армиятӧг, сійӧс эськӧ лыйлісны. Тадзсӧ вӧвлі эз нин ӧтиысь, и лыйлісны эз нин этша генералӧс.

Войналӧн медводдза лунъясӧ пленӧ веськалісны Краснӧй Армиялӧн медбур кадрӧвӧй частъяс — салдатъяс да командиръяс. Таысь ӧтдор, Германияын уна вӧлі мырдӧн уджӧдӧм вылӧ нуӧм сӧветскӧй граждана, пленӧ бӧрынджык сюрӧмъяс, бӧрынтьчысь немецьяскӧд пышйысьяс. Немецкӧй командованиекӧд сёрнитчӧм бӧрын, тайӧ йӧзсьыс Власов котыртіс Роч Освободительнӧй Армия, дженьыда кӧ — РОА и кутіс воюйтны Сӧветскӧй Армиялы паныд. Тадзи вӧвлӧм сӧветскӧй генерал-лейтенант Власов, кодлы эскыліс Сталин, лоис рӧдинасӧ вузальсӧн. РОА-ӧ пырысьясӧс, а сэні вӧліны СССР-са уна национальностьа йӧз, кутісны шуны власовецъясӧн.

Сэк, кор фашистъяслы паныд тышкасьысь войскаяс босьтісны Германия, став сӧветскӧй гражданаӧс, тшӧтш и генерал Власовӧс да власовецъясӧс вайисны Сӧветскӧй Союзӧ. А война бӧрын Европӧ кольӧма ловъяыс СССР-са вит миллион морт. Кодсюрӧ вермӧмаӧсь пышйыны Америкаӧ, Англияӧ да мукӧд странаӧ, кӧні лӧсьӧдісны семьяяс и олісны пӧрысьысла кувтӧдз. Найӧ, кодъяс воисны рӧдинаас, немецкӧй адсянь веськалісны сӧветскӧй адӧ. Страна пасьтаын спецпоселениеӧ мӧдӧдісны 148 сюрс 79 власовецӧс. Дерт, на пиысь эз быдӧн вӧв предательлӧн. Кодъяслӧн мыжыс вӧлі ичӧтджык, найӧс мӧдӧдісны квайт во кежлӧ.

1946 вося август 2 лунӧ вӧлі Верховнӧй судлӧн военнӧй коллегия. Сійӧ жӧ лунас москваса Лубянкаын Власовӧс ӧшӧдісны. Сыкӧд тшӧтш — нӧшта дас ӧти генералӧс да офицерӧс.

Коми му Сöветскöй Союзын торъявліс аслыспöлöслунöн: тані некор эз вöвлы торъя нацияс костын зык-шум. Коми войтыр жалитлісны да пыдди пуктылісны ставнысö найöс, кодъясöс вайлісны татчö кызь вит вочöжся сталинскöй репрессияс дырйи. И, сэк жö, сійö кадыс Коми мулöн историяын нэмъяс кежлö коляс трагическöй лист бокöн.

Календар вылын 1947 вося декабр 17 лун, середa. Кык вежон мысти Вэль во. Ывлаыс ньöръёвтöма, усьö шочиник посни лым. Як Марьялöн керка кильчö вылö кайисны куимöн, чышкалісны көмсьыс лымсö гöликöн и пырисны керкаас.

— Мария Яковлевна, примит гöсьтъясöс,— пырöмөн тшöтш шуис Анна Платоновна.— Тайö Чаланов ёрт, Таркойт посёлокö индöма комендантöн,— еджыд воротника, еджыд пася погона морт вылö индіс председатель. А тайö Богдан, тэнад патерант,— пеля шапкаа, купайкаа, ватнöй гача, ыджыд руд гын сапöга, пельпом саяс неыджыд нопъя мужичöйлань чöвтіліс видзöдлассö Анна Платоновна.

Кыкөн кольöм бöрын Як Марья тыр синмөн видзöдліс кортöм гöсьтлань, юалис рочöн:

— Кымын арöс тэн, Богдан?

— Неважөн тырис кызь сизим.

— Ми, сідзнад, тэкöд тшöтшъяяс. А менам верöсöй усис фронт вылын; вöлі кө ловъя, сылы эськö тырис комын кык. Со, эстöні пыді жыръяс и кутан узылыны.

— Пасибö, Мария Яковлевна.

— Шу менö прöстö Машаөн. Ачыд эськö кытысь рöдинанад?

— Украинеч ме.

— Семьяа?

— Да. Бать-мам да чой эм.

— Гöтыртöм?

— Гöтыртöм. Киев дорын веськалі пленö и война чöжыс уджалі германияса заводын. Шофёр и автомеханик ме. Маша, эн пов меысь. Ме Енлы эскысь морт, ме нинöм ог вөрзбöд тэнсьыд.

— Ог öд и пов. Пöрччы купайкатö, пуксьы пызан саяс, и ме тэнö верда, кынöмыд, навернö, сюмалö.

Кымын водзö сёрнитісны, сымын ёнджыка кутіс чеччыны сьöлöмыс Як Марьялöн. Оз-ö тайö Богдансö тунав сылы войся ангелыс?

Вогдза юкöнлöн пом.



Ен тшöктöм серти

В И С Ъ Т

— Öнисянь, раб божöй Егор да раба божья Анна, лоанныд верöсөн да гöтырөн,— томъяслы юр выланис венеч пуктылöм бöрын шуалис отеч Степан.— Ен тшöктöм серти олöй: раба божья Анна, кывзысь верöсыдлысь Енлысь моз; раб божöй Егор, видз гöтыртö, мусаав, отсась, мукöд вылö эн вежав, грекö эн вöйт.

Кикутысьяс да том гозъялөн ай-мамныс сетисны отеч Степаны козинъяс: руч, тулан, ур куяс, роч ной да ситеч помъяс, новлан-кöмаланторъяс, сьöм и петисны вичкосъяс... Кулöмаяслы сись öзталанінас öткөн сулаліс енэж кодъ лöz синъяса, лöсьыдик бандзибъяса, мича чужöма, сьöд синкыма-юрсиа том ныв да кынöмас кутчысьöмөн шлюпкис-бöрдіс.

* * *

Вовыс лои тшака-вотöса. Петыр лун бöрын вöрас быдлаын лöзаліс чöд да чöдлач, петöма тшак. Öспöжа видз помланнын гөр-дöдіс пув, сикт пыр визувтысь Ыджыд ёль йылын нюр вылас кольквиж-гөрдов рöма мырпомсö быттö кисьтöма. А Ен мам чужан лун бöрын и турипув нин гөрдöдіс.

Пувсö и турипувсö Ылыз сиктсаяс вотöны войколөн ветлöмөн. Кисьталöны-чукортöны пельсаясö, а узылöны нюр гөгöрыс паськöдчöм пармаын, вöралысьяс чомъясын. Пув тыра пельсаяс-сö сэсся лэччöдöны гортöдзныс вуж доддьөн. Гортаныс ва пытшкын видзöны, тövбыд сөйöны. Гожöмнад пув васьыд бурджык юанторыс нинöм на и абу.

Ылыдзса войтыр кайöны Ыджыдъель нюрö турипув вотны. Накöд тшöтш, войколөн жö, мунö енэж кодъ лöz синъяса нывка, дас квайт арöса Лена. Узьмöдчас ёль йылас сулалысь чомйын. Педөр Егор — чикыля сьöд юрсиа, гежöдик ус-тошка зон, Ленаысь куим арöсөн ыджыдджык — сэтөн нин. Лэч туйöд ветлöдлö, сьöла-тар кыйö, Лена-сö виччысьö.

Пес öгыръясыс югзьöдісны на чом пытшкөссö, кор пырис Гриша Лена. Сійö пöрччис дукөссö, разис чышъянсö да пуксис нар вылас. Нёровтчигмозыс пöрччис кыссö да ас кыём чувкисö. Кызінник мича кокъясыс здук кежлö петкöдчылісны буретш ывласъяс пырысь Педөр Егор син водзö.

Гриша Леналөн öти жыръя оланіныс дзик сикт помын. Пыран öдзöссяныыс веськыдвылас трубатöм сөй пач. Шуйгаладор пельöсас ен джадж. Жыр пытшкөссö югзьöдöны ичöтик öшиньяс. Öтиас пуктöма стеклөторъяс, мöдас зэвтöма мös гадь, коймöдас кыз сера дöра. Тövнас ывладорсяныыс öшиньяссö йизьöдöны. Öшинь вылысладорöдыс кузяла джаджъяс. Сэні ставыс, мый

колö айловъяслы: табак доз, зу, мөлөт-клещи, жытник ключыд и. Джадж вылысладорас — саёссьом йирк кутысь керъяс.

Джоджыс — шөри поткөдөм плакаясысь. Öшинь дорас паськыд лабичьяс, на улын кукань куысь вурөм кысьяс, бакилёяс, чуткөмъяс да тюнияс. Ен ув пельөсас паськыд плакаысь вөчөм пызан. Дзик лабич помас лэчтысян зуд, чер да коса пуртъяс. Пачыскөд орччөн гөбөч, көнi видзёны сёян-юан, кутшөмсюрө дозмук да пач дорын ноксян көлуй: коколюка, укват, нянь зыр, пач лыс. Паччөр бокас дзояник öшинь: ломтысигас сийөс восьтёны, а ваймас, да бөр пöддалёны. Паччөр дорас паськыд пөвъяса пöлать, сы улын — кысян стан. Гөбөч вылыс, кысян станыс, пачводз дорыс — Леналөн да мамыслөн уджаланиныс. Арся зэра лунъясö да төвнас эня-ныла сэтөн и ноксьöны.

Батьыс, Трөш Педөр Гриша, пыр көнкө вöрын либö заводын нажөтка корсьö. Гортас ёнджыкасö сөмын гөрны-көдзны и во-
лывлö...

Лена дзоясянныс торъялис мичлуннас сиктса мукöд нывъясысь. Зонъясöс кыскөмөн кыскисны сылөн енэж кодь лөз синъясыс. Войпукъяс дырйи найö панъясьөмөн зилисны пуксьыны ныв дорö, инмөдчывны Гриша Леналөн кызиник стан бердас. Чышъянсö унаысь мырддьывлисны и. Но Лена мөд луннас нин бөр корлис мырддьөмторсö. Эз кор сөмын Педөр Егорлысь.

— Сидзкө, Педөр Егор сайö петны окотитö.

— Егорлөн ай-мамыс оз пö көсийны Ленасö коравны. Налөн пö керкаыс öти жыръя, а гөль ичмоньыд некодлы оз ков, мед көть и мича. Мичлуннад кынөмтö он верд.

— Петыр Павеллысь Анна нывсö кораласны Егорлөн бать-мамыс, мед көть и нель арөсөн ыджыдджык Егорсьыс,— сёрнитисны сиктсаяс.

Петыр Павеллөн куим вежөса керкаыс сикт шөрас, Ен мам часовняыслы дзик воча, туй мөдар бокас. Керкасö вевттьöма плитөм тьöскөн, öшиньясыс стеклöаёсь. Джаджас мича дöраяс, жыръяссö мичмөдöны картинаяс. Стенмас öшалö брунгана часi. Горница шкапас стеклöысь да фарфорысь дозмукъяс, камод вылын лөсталö ыргөн самöвар. Шкапыскөд орччөн новланторъяс да мукöд донатор тыра ыджыд сундук. Петыр Павел — озыр морт, купеч. Жытниксянныс вузасьö солөн, пызьөн, корсюрö и чериён да курыд ваөн. Анна нывсö пасьтөдö роч паськөмөн. Нылыслөн ас ордас пыр эм дзояник рөмпöштан, а юрсисö кыö алöй лентаөн. Войпукъяс вылö воывлö зеп тырыс лампасея-кампетөн, öрешкиён, а корсюрö и курыд ваөн. Но зонъяс сы дорö оз пуксьыны. Анналөн бандзиб вылас пев пом ыджа зөр, öти синмыс джынвийö вевттьысьöма еджгов кучикөн. Сиктсаяс, збойджыкъясыс, шулёны тай: «Енмөс пыдди пуктытөм вöсна, йөзөс ылөдлөмөн озырлунсö чукөртis. Ыджыд грексьыс Енмыс и увтыртis Петыр Павеллысь нывсö».

Но Анна ачыс пуксьывлис да эз кытчөсюрö, а роч пинжака-гача жö, югъялысь сапөгъяса зонъяс дорö. Мыччылис сьölөм вылас воысь зонлы папирос, истөг, корсюрö и курыд ва штоп. Медся тшөкыда Педөр Егор дорö пуксьыны зильлис.

— Мый тэ думайтан Педөр Егор йывсьыс,— юавлис Марья пöдругаыс, кодi гөгөрволis Анналысь көсиймсö,— сылөн ай-мамныс көть и абу ti кодь озырөсь, но абу и гөльöсь. Керканыс

кык вежөса. Гожъянас еджыд горнича. Турунсö комын додбөдз пуктöны, няньсö кызь пудйөдз көдзöны. Сэсся вель уна пемөс видзöны и. Сьомныс эм жö, айныс бур киподтуя дай. Быд керкаын сы киөн вöчөм пызан-улөс, шкап, камод сулалө. Егорыс зиль жö, вöрысь озырлунтö оз этша вай: тулан, ур, руч и көч кутö, сьöла-тартö иналö...

— Марья, тэтöг тöда: айöлы öд кыйдөссö иналö жö. Егор Педөрöвичөн айö ыдждөдлө. Сьомнас оз удзöд и. Гөститны пыр корö...

— Тэ лачаөн жö öд?!

— Сидзи эськө да, но Егор ме вылө оз видзөдлы, весиг чышъянөс менсьым некор эз мырддьывлы.

— Сийö Гриша Ленаөс вайны көсийö...

— Көсийö тай, да мамыс ни айыс оз лэдзны. Оз! А ме ачым смилита. А смилитөм бöрад Егор ачыс вөтлысьны кутас. Гриша Ленатö вунөдас. Мамö велөдiс нин: сёян-юанас пö колö мыйсьюрö пуктыштны.

* * *

Быд проповедь дырйи отеч Степанлы колö юөртны вичкоö воысьяслы сарлөн да вежа Синодлөн индөдъяс йылысь.

— Раб божöйяс,— лыдбөдлө отеч Степан,— пастыртöг тi вöй ыж чукөр, и менам мог видзны тiянөс лёк вöчөмысь, грекө вöйöмысь. Тi тöданныд, и ме унаысь нин тайö амвон вывсянныс висьтавлi, мый оз позь венеч улö сувтны, оз кө ло ай-мамсянь благөслөвленнö, а салдат пиянлы оз позь гөтрасьны сар водзын мог пöрттөдзыс — армияын да флотын служиттөдз. Оз позь гөтрасьны армияысь отпускö воёмалы, абу кө вылiсянь вöля, а приходын олысь чина йöзлы — абу кө налөн ки выланыс начальствосьянь гижөд. И нöштаысь тöдчöда: колö ай-мамсянь благөслөвленнö. И нöшта öтитор, мый вежа Синод Енлөн помазаник нимөн тшөктiс бытöн и быдөнлы вöчны...— отеч Степан паськөдiс печатнöй шыпасъяса гижөд да гораа лыддис:— Öнi венеч улö сувттөдзныд, гозйөдчысьяслы кикутысьяскөд, а найö кө грамотатөмөсь, тшөтш и рукоприкладчиккөд, либö гижны кужысь ловкөд, колö локны вичкоö да вочавидзны юалөмъяс вылө. Висьтавны ним-вичтö, овтö, арлыдтö, вöлi-ö верөс гөтыраөн, и медшöрыс — лэдзöны-ö öтлаасьны ай-мамыс. Эмөсь-ö йөз, кодъяс паныдөсь талы.— Отеч Степан лэптылiс юрсö да нуөдiс водзö:— Миян приходын татшöмыс эз на вöвлы, но вермас лоны. И лоас кө тадзи, сэки кыптас зык-шум, гижасны миян вылө начальстволы да епископлы норасьөмъяс. Зэв ыджыд грек лоас сэки! Мед татшöмыс эз ло, водзвыв юөртчыны колö! Вичко устав серти, раб божöйяс, ставсö вöчам. Сöмын законнöй öтлаасьөмөн чужтөм кага лоас законорождөннöйөн. А верөстöг да венеч улö сувтлытөмөн кага вайөм — ыджыд грек, Енмөс и вичкоос пыдди пуктытөм. Енлөн страшнöй суд водзын татшöмъяссö сир пöртиö шыбитöны.

Вичко веськыдладорас сулалысь, енэж кодь лөз синъяса мича ныв поплысь бөръя кывъяссö кылөм бöрын сыркмунлiс, чөвталiс пернапас, а мөд кинас дукөс вывтiыс надзöник шылыкнитiс кынөмсö. И сийö здукас Гриша Лена синъяс водзö сувтiс Ыджыд

ёль йылын пув вотігөн вөралысь чомйын коллялём войыс... Гөгортіс синъяснас вичкоын сулалысь войтырсө, думсьыс корсис Педөр Егорөс. Но мусаыс, дерт, тані эз вөв. Сійö коймөд төлысь нин вөраліс.

* * *

Йвлаыс важөн пемдіс, а Педөр Егор пыр на эз узь. Сійö вөрзёдчывтөг куйліс лыскөн вевттём нар вылас и мөвпаліс. Син водзас сьёрсьөн-бёрсьөн сувтлісны вежөрас кольём серпасъяс. Гриша Ленаөс медводдзаысь окыштіс тайö керкаас. Эз вермы кутны асьсө... Сывйыштіс Ленаөс, водіс орччөн, топөдіс бердас. Лена эз пыксьы, лэдзис...

Нуръясьны эз и чеччывны. Садьмисны мөд луннас шонді петөм бөрас нин. Нывлөн синъясыс видзөдісны гажаа, вом дорас ворсіс нюм. Гөгрөсіник мыгөр-тэчассө вевттис дөраысь ас вурөм прөшви дора сарапан. Чөв оліс, нюмъяліс, быттё көсйис тайö лөсьыд войсö дзоньнас, вөрзёддытөг кольны ас пытшкас. Егор чөв-лөньсö эз жö торқ, сөмын шуыштіс:

— Ленук, татшөм лөсьыд войсö вай некор огö вунөдöй... Регыд айөкөд да вежайөкөд локтам корасьны. Чышгьянтö босьтөм-сянь нин тадзи мөвпала, көть тэ войпукигъясад нинөм эн шулы, радейтан-ö менö.

— Мыйла нö майшасьнысö? Колö-ö мөйкө нөшта шуавны... Дерт, радейта, лун и вой тэ йылысь думъясöй. Мусаалөмтö өд синъясöй висьталöны. Оз мөй?

— Ме тэнö некодлы ог сет! Ог! Ай-мам водзö пидзөс вылө уськөдча да кевмысьны кута,— Леналы синмас видзөдігтыр шуаліс Педөр Егор, сэсся топыда сывйыштіс муса нывсö да окыштіс...

Егор бергөдчис бок вылас, нюжөдіс кисö чом стенланыс. Буретш тані и куйліс Ленаыс. Зон кунис синсö да быттё сывъяліс мусуксö. А көні эськө öні сійö? Вөравны мунігас Лена висьталіс, мый айыс нажөткала кажымса заводö мунöма. Гортаныс зня-ныла кыкөн кольёмаөсь. Мунігас Трөш Педөр Гриша тшөктöма сылы мунны казакавны орчча сиктö. Көть пö нянь вылад этшаник сьөмтор нажөвитан... Сы вөсна торйөдчигас Лена видзөдіс меліа, но шогпырысь. Шогсис и Егор вөсна. Öд вөравны пондас куим төлысь чөж, верст комын сайын. А вöрад быдторйыс вермас лоны. Гуö пыртөм ош вермас уськөдчыны либö висьом босьтас. А коді сэні отсалас? Дерт, Егорлы позис мукөдкөд отлаын мунны, öтув кыйсьыны. Но сійö эз көсйы асьсö «дорны». Артельсьыд сэсся некод оз лэдз, а мунан кө — пышйысьөн шуасны, кувтөдзыд, нэм помөдзыд серавны мөдасны. А өтнадөн, кор көсьян, сэки и верман волыны Лена дорö...

— Дыр ветлысьтö нывъясыд вунөдöны!— шуис сэки Егор.

— Йöюк тэ, Егор Педөрөвич, йöюк. Ме тэнö некор ог вунөд!— вочавидзис Лена.

— А кула кө вөралігас?

— Эн... эн лысьт тадзи сёрнитны... А лоас кө, некод сайö ог мун.

— Öтнад кутан овны?

— Ме тэнад и сөмын тэнад!

Мусаыслон кывъясыс небзьодыштісны Педөр Егорлысь сьолөмсө, и унмовсигас нин шөпкөдіс: «Лена, ме тэнад жө и сөмын тэнад!»

* * *

Дыр кад чөж нин коми йөз ветлөны нажөткала издорса да кажымса заводъясө. Мунөны оз өткөн-өткөн, а чукөръясөн, артельясөн. Вөрса пөстать вылас лэптөны пывсян, орччөн нянь пөжавны торъя жыр. Нянь пөжавны да пывсян ломтыны-вөдитны босьтөны аскөдныс кодөскө нывбабаяс пиысь. Найө жө и мыскалөны, песлалөны, дөмлөны зимөгөръяслысь улыс дөрөмгачсө, видзөдөны куреньясын куйлысь висьысьяс да доймысьяс бөрся. А кор слөймасны, тэчөны пес, чукөртөны-сотөны лыс. Овлө и, мый пусысь-пөжасысь висьмывлө да весигтө кувлө. Лоөмтор йывсыс юөртөны вөлөсьтса правлениеө, бытьөн корөны ыстыны мөд аньөс.

Буретш тадзи лоөма тайө воас. Кажым заводын уджалысь артельын кувсьөм нывбаба пыдди ыстөмаось сэсся стөч да Гриша Ленаөс. Сылөн пө айыс сэні уджалө, дай овмөсныс ичөт, мамныс ачыс бергөдчас и казакавны орчча сиктө нылыс пыдди ветлас. Лена ёнасө эз и пыксы: оз кө зимөгөръяс дөрө мун, ковмас казакавны, бөкөвөй йөзкөд овны. А Кажымас айыс да ас сиктса войтыр дорын лоас. Няньтө пөжавны, пывсянтө ломтыны, песласьны-дөмсыны сійө ичөтсаян велалөма. Нөшта на и ылысса муяссө аддзывны окота. Мамыслы өтнаслы налөн локтөдз няньыс тырмасджык и.

* * *

Викул Педөр Виринаея гөтырыскөд, кыдзи век, водз чеччөмаось. Виринаея пач дорас ноксь, а верөсыс выльөн на вөчөм шкапө стеклө вундалө пызан вылас.

— Егорным бурлак нин: дас өкмыс арөс тыри. Кад нин и гөтравны,— стеклөсө ладмөдігмоз сөрнитө Викул Педөр.

— И отсасысьыд меным колө. Ветлы вичкоө, отец Степанкөд сөрнитлы. Сійө ставнысө матігөгөрсыйс төдө. Юав, гашкө, индас кодөскө. Ачыд эськө төдан кодөс колө да. Но вежаайкөд сөрнитчөмнад лададжык,— нянь шомөсө пызь тэчигмозыс велөдө Виринаея.— Да эн тыртөм киөн мун: гоз-мөд сьөла-тар босьт, кринча нөк, сэсся вый да сола черитор.

— Öні жө и доддья. Дас кык верст вывлань, сы мында жө бөр. Луныс өд көч бөж кузьта на. Отец Степанкөд сөрнитла и эм... Вичкоыслы сьөмтор жыннян вылас сетышта и...

...Пемдігкежлас Викул Педөр воөдчис нин бөр.

— Отец Степаныд Петыр Павел Аннаөс тшөктіс коравны. Насянь озыр приданной пө... и вичколы выгөда лоас. Аннаыс пө инас нин оз өшйи,— шудаа висьтасис Викул Педөр.— Эндөм, но озыр ныв.

— Егөртө либө огө и виччысьөй: асьным вежайыскөд корасыны ветлам,— радліс и гөтырыс.

Корасысьяс Петыр Павел керкаын матич улас кикүтисны. Невесталён ай-мамыс Егорлысь бать-мамсö и вежайсö вина-сурон да чöскыд вöлöгаөн гөститöдöны.

— Сват, курыд васö нöшта юышт, чери няньсö чепöльт да. Егорныд тiян зиль морт, Анналы бур верöсөн, а миянлы бур зятён лоас. Приданной выlö Анналы видз-му, кык мöс, вöв, ыжъясöс сетам. Сэсся сьöм да новланторъяс. Ныв-пиöс чужтасны да ми бöрын татчö овмöдчасны.

— Отец Степаныды лышкыда мынтысьны колö. Сы отсöгөн Егорнымöс Гриша Ленаыскöд торйöдисны. Сийö вежайыскöд вöлöма жö вичкоас. Висьтасьöма, Егорсянь пö нöбася, да мед сийöс некодкöд оз венчайтны. Егорыс пö мекöд öтлаасьны кöсийö. Отец Степаныд Ленатö грекöвöдникөн шуöма, вичкосыс вöтлöма. А вичкоыдлөн шуöм и Егорлы указ. Грек ас вылас оз босыт. Ленаыс öнi зимöгöръяслы нянь пöжалö, пывсян ломтö... Вöлөсьтса правлениесянь заводас ыстöмаöсь. Повзьöдöмаöсь, вотныд пö кык во нин мынтытöм да. Отец Степаныд та выlö чуйдöма, грекö вöйöм ловлы пö сэтчö и туй! А вöрад быдторйыс вермас лоны. Егорыд, дерт, пыксьыны кутас, но ай-мамлы да вичколы паныд оз мун.

* * *

Пиыс вöраланінысь локтігкежлö мамыс ломтöма пывсян, дасьтöма чöскыд вöлöга. Шöркöдь йöг дозийö чужва кисьтöма. Пиыс пырас да, медводз, дерт, горшсö веськöдас: комын верст öд вöсьлаліс, горшыс ёна косьмис, кöнкö. Юанторсö Павел Аннакöд лöсьöдисны.

Гортас вотöдз на Егор гөгөрвоис, мый ветлігкостыс сиктас мыйкö лöма. Сьöлöмыс весиг ёнтыштiс, кор аддзис, мый Трöш Педöр Гриша Леналөн керкаыс битöм, а кильчö öдзöс водзас сувтöдöма тас. Егор пыртліс вайöм прöмыссö овтöм жыръяс, пырис тövъян керкаас да надзöникөн пöрччысис. И кöть тшыг вöлі, сёйны эз пуксьы, сöмын йöг дозсьыс чужвасö юис — горшсö веськöдіс. Нёровтчис паччөр вылас. Куйліс шы ни тöv, вöрзьевтöг. Син водзас бара сувтiс Гриша Леналөн мыгöрыс, синъясыс, вöралан чомьяс ськöд узьöмыс. Но здук мысти быттö мыйкö вежсис: Егор сьöлöмнас кыліс сылы öнöдз на тöдтöм дой. Син водзас мыйлакö сувтiс Петыр Павел Анналөн сы дорö ниртчöм, вöравны мунöм водзвылас ай-мамысөн сийöс ошкöмыс, мый вöралöм бöрас корасыны кöсийысисны.

— Ай-мамыдлөн лэдзтöг вичкоад, пиö, оз венчайтны. Тадзи ми öтлаасьлім, тадзи жö ай-мамъясным öтласьлöмаöсь, — кывкөрталісны сэки Викул Педöр гозъя...

* * *

Эжва нöрысын сулалысь Ылыдз сиктын сап пемыд вой. Гөгөр лöнь. Педöр Егор пыр на куйлö паччөр вылас. Виччысьö югдöмсö. Югдас да ветлас Трöш Педöр Гриша ордö, висьталас Лена мамыслы, мый ай-мамлы да вичколы паныд оз мун. Венеч улö Петыр Павел Аннакöд ковмас сувтны. Нöшта висьталас, мый Лена кынöмас быдмысь кагаыс абу сысянь.

Өти гожся асылө Ылыдз сикт катыдпомлань восьлаліс кось-мөм мыгөра, ляпкалөм морөса, но пыр на енэж кодь лөз синъяса ар кызь вита нывбаба. Мышку саяс дөра ноп, өтар киас бедь, мөдас туйс.

Сыкөд орччөн восьлаліс ар өкмыса, чикыля юрсиа, көмтөм детинка. Сикт шөрас часовнялы воча сулалысь керка дөрө воиг нывбаба лэптыштлис бедьсө да куим вежөса керкалань индіг копыртчылөмөн мыйкө висьталіс пиыслы.

— Сувтлы!— друг кыліс кильчө вывсянныс горөдөм.

Здук мысти эня-пия дөрө матыстчис кузиник тэчаса, чикыля съөд юрсиа дядьө.

— Тайө Педөр Егор, тэнад айыд!— гораа шуис пиыслы нывбаба.

И аслас кывъясыс дойдісны съөлөмсө, син водзас сувтіс ставыс, мый вөлі дас во сайын. Но нывбаба кутіс асьсө: эз пинясь, эз лёкав, чөв оліс. Вөвлөм мусаыс ставсө гөгөрвоис сылөн син сертиыс: быттьө көдзыд ваөн койыштісны, сэтшөма йиджис видзөдласыс. Егор водзын сулаліс Гриша Лена, Ылыдз сиктын медся мича, но медся гөль нылыс, код вөсна коркө Егор дась вөлі водзасьны, дорйыны сійөс, өтлаасьны, йитны олөмъяснысө пыр кежлө.

Егорөс босьтіс йирмөг. Сійө дзөригтыр воськовтіс Леналань.

— Со и аддзысим!.. Ай-мамлы, вичколы паныд мунны сэки ме эг вермы... И тэкөд, Лена, көть и көсйысьлі, эз эськө венчайтны. Тэ та йылысь төдін жө. Озыръяслөн нылөн кө вөлін, дерт... Ленук, Ленук,— муртса кывмөн шуаліс Егор.

Лена оліс чөв. Пиыс топыдджыка кутчысис мам кокъяс бердас, шашаритчис шушунас.

— Мыйла матыстчин? Съөлөмөс дойдны? Вөралан чомъяд өд төдін нин, мый ай-мамыд менө оз коравны. Төдін, мый Петыр Павел Анна лоас тэнад гөтырөн. Ылөдлін менө...

— Вөраланінысь локтөм бөрын мыйкө лои вежөркөд... Павел Анна йылысь лун и вой думайтны мөді... Пес поткөдла — Павел Анна дум вылам... Карта вылысь куйөд петкөда — сійө жө ме водзын. Весиг уzigөн вөталі.

— Ок, ок, Егор дай Педөрөвич, смилитөмаось тай тэнө, смилитөмаось!— синвасө чышкалігтыр лыддьөдліс Гриша Лена.— Тшыкөдөма тэнө Павел Аннаыд; чужөм вылад пөрысь пөльлөн кодь чукуръяс, синъясыд вөйөмаось, юрсиыд пратьмөма... Пиыд со, дзик тэ ичөтдырсяыд...

— Лена, муса Лена!— сөмын и вермис вочавидзны Педөр Егор да ырөстөмөн бөрддзис. А Гриша Лена пиыскөд мөдөдчисны водзө, сикт катыдланьыс. Ылыдз сиктө сэсся эня-пия некор нин эз воыны.

Матыстчис помлань 1853 вося август төлысь.

Виль небӧг



П 95 Пыстин И.И. Бӧрйӧм гижӧдъяс.— Сыктывкар: ООО «Издательство «Кола», 2009.— 544 л.б.

Нималана гижысь И.И.Пыстинлӧн (1907—1951) небӧгӧ пырисны коми кывъя медбур висъясыс, повесъясыс да пьесаясыс. Илья Иванович оліс дженъыд, но яръягыд олӧм, и ассыс видзӧдласъяссӧ да лоӧмторъяс гӧгӧрвоӧмсӧ сійӧ тырбура петкӧдліс гижӧдъясас. Сылӧн творчествоын ӧнія лыддысьысылы унатор лоас вильӧн.

Небӧг помас сетӧма семейнӧй альбомыс бӧрйӧм фотояс.



ПЫДДИ ПУКТАНА АВТОРЪЯС!

Редакцияӧ гижӧдъяснытӧ ыстігӧн быть колӧ юртны:

1. Ассыныд ним, вич, ов; кор да кӧні чужлӧмныд (лун, тӧлысь, во).
2. Паспорт юӧръяс: номер, серия, кор да кӧні сетісны, гортса адрес (прописка серти).
3. Индивидуальнӧй налогӧвӧй номер — ИНН (кодлӧн эм).
4. Страховӧй свидетельство номер.

Тайӧс юӧрттӧг редакция гонорар оз вешты.

*Журналын йӧзӧдтӧм гижӧдъяс
редакция оз рецензируют и авторыслы найӧс оз мӧдӧд.
Редакция оз век во ӧти кывйӧ авторъяскӧд.*

Комп. набор и верстка **Н.Кузнецова.** Корректор **Т.Югова.**

Адрес редакции: 167982. ГСП-2, г. Сыктывкар, Дом печати, каб. 202.
Телефоны редакции: 24-47-52 (гл. редактор), 24-51-52 (общ. отд./факс).
E-mail: kodzuv@mail.ru

Подписано к печати 12.02.2010. Формат 70х108^{1/16}. Печать офсетная. Усл. печ. л. 7; усл. кр.-отт. 8,4; учётно-изд. л. 7,54. Тираж 997. Заказ № . Регистр. ПИ № ФС 3 - 0226. Публикации по освещению реализации социально значимых проектов осуществляются при финансовом обеспечении Агентством Республики Коми по печати и массовым коммуникациям выполнения задания автономным учреждением Республики Коми «Редакция журнала «Войвыв кодзув». Отпечатано в ООО «Кировская областная типография», 610000, г. Киров, проезд Динамо, 4.